

„Droschak”

ORGANE
de la Fédération
Révolut. Arménienne.

ԴՐՈՇԱԿ

Adresse:

RÉDACTION DU JOURNAL

„Droschak”

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՋՆԱԿՑՈՒԹԵԱՆ” ՕՐԳԱՆ



ԵՓՐԵՄ

E F R E M

Ե Փ Ր Ե Մ

Ամենավառ ճրագն էր, որ մարեց Իրանի գորշ հօրիզոններում, և գիշերն իջաւ երկրի վրայ — մռայլ, անասող, գերեզմանային գիշերը:

Մահաւան զօղանջն անցաւ, ուռմբի աղէտաւոր որոտի պէս, Պարսկաստանից դէպի հայկական ամենահեռաւոր վայրերը, և բոլոր սրտերը ձմւեցին, բոլոր աչքերը շշմուռ, ապշահար հայեցին իրենց շուրջը, որպէս մի վատ, անողորմ երազի մէջ, մի անհաւատալի և սոսկալի անակնկալի հանդէպ: Որովհետեւ Եփրեմը թուում էր անմահ, որովհետեւ ազատ, մարտնչող Պարսկաստանը աներեւակայելի է առանց Եփրեմի...

Բօթը կանգ չ'առաւ Արեւելքի սահմաններում: Նա գնաց դէպի լուսաւոր աշխարհի բոլոր կողմերը՝ ծանուցանելու ազատասէր և ռամկավար մարդկութեան, որ մի անսովոր մարդ է գերեզման իջնում, մէկը կլսասի և տիպար-հրամանատարներից, որոնց նմանները խիստ սակաւ են ծնունդ առնում ժողովուրդների ծոցից...

„Արեւելքի Դանտոնը“ — ասացին ոմանք: Հայկական Գարիբալդի, Կրոմվել, Բօնապարտ — ասացին ուրիշները: „Իրանի ճակատագիրը անդարմանելի հարւած կրեց“ — ասացին ոմանք:

„Իրանը կորցրեց իր ամենամեծ մարդուն, նրա միջազգային կացութիւնը վտանգի մատնեց“ — ասացին ուրիշները:

Եւ բազմաթիւ յօդածներ, և խանդավառ ներբողներ, և ցաւագին ափսոսանք... Ամբողջ համաշխարհային մամուլը:

Պարսկաստանը, այո՛, կորցրեց իր մեծագոյն ռահվիրային և նրա առջև մէկէն ի մէկ բացւեց անայտուութեան մութ անդունդը: Քանի՛ անգամ նրա մանուկ ազատութիւնը տաքնապի ու կորստեան վիճէ էր հասել — և ամեն անգամ Եփրեմը հանդէս է եկել իբրեւ փրկութեան խարիսխ, իբր ազատարար հրեշտակ: Քանի՛ անգամ ռէակցիայի վայրենի խոթամուժը նեղն է գցել սահմանադրական կառավարութիւնը — և ամեն անգամ նա կոչ է արել հայ ռազմավարի բազուկին և ուղեղին...

Ոչ որ, սակայն, չի կարող այնքան ուժով զգալ, ապրել այդ ահաւոր կորուստը, ինչպէս հերոսին ծնունդ տուող ժողովուրդը և կուսակցութիւնը:

Մի ահագին սուեր իջաւ հայկական կեանքի վրայ, մի ահագին ճեղք բացւեց „Դաշնակցութեան“ պատանէջի մէջ:

Ամենից շատ մենք էինք թերահաւատ... Ընդամենը

մէկ շաբաթ էր, ինչ ստացել էինք իր լակօնիկ հեռագիրը:

„Սալար Դօվլէի դէմ զրկած կառավարական առաջին բանակը ջախջախել է, Սալար Դօվլէն սպառնում է Համադանին, այսօր գնում եմ նրա դէմ“...

Գնում էր պատերազմի դաշտ: Յոռետեսութեան մի շեշտ կար մեր թանկագին ընկերոջ այդ վերջին հեռագրի մէջ. ասես արդէն գուշակում էր գալիքը:

Գնաց, յաղթեց և յաղթեց... Զոհ գնաց իր յաղթանակին, իր դանտոնեան յանդգնութեան:

„Եփրեմը անհամբեր առաջ է նետւում և իսկոյն զարնւում“ — այսպէս է հեռագրում մեզ Հ. Յ. Դաշնակցութեան թեհհրանի մարմինը:

Ինչպէ՞ս հաւատայինք հեռագրական գործակալութեան: Առաջին անգամը չէր, որ լսում էր այդ մահագոյժը: Մի քանի անգամ տարածւել էր նա — և հերքւել: Ինչպէ՞ս հաւատայինք... Իրանի ռազմադաշտերը այնքա՛ն անգամ հիւրընկալել էին անգուգական ռազմիկին, այնքա՛ն գոռ ու վտանգալի արկածներ էր հանդիպել նա — և ամեն անգամ ճողոպրել էր յաղթանակի շքեղ գահիններով... „Կը ճողոպրի և այս անգամ“ — մխիթարում էինք ինքզինքնիս — Եփրեմը չի սպանւի, Եփրեմը անխոցելի է...:

Վաղուց ժողովրդական հիպերբօլիկ լեզուն աւել է նրան այդ ածականը: Վաղուց, դեռ առաջին իր յաղթական քայլերից, նա հռչակել էր դիցազնական, առասպելական գծերով: Եւ ժողովուրդը չի խաբւում, նա զուր տեղը չի „դիցազնացնում“: Նրա բնազդը չափազանցնում է, բայց իսպառ չի մոլորւում և չի կեղծում: Նա սիրով հնարում է, բայց հնարում է ոչ բոլորը: Վառւած երեւակայութիւնը մէկէն ի մէկ — մի մարդու կամ մի անցքի ուժգին տպաւորութեան աակ — ստեղծում է „հրաշքեր“, որոնց նա առաջինն է հաւատում անկեղծօրէն և որոնք վաղ թէ ուշ դառնում են մասամբ իրողութիւն:

Եւ հաւատը վարակիչ է: Եւ միմիայն ժողովուրդը չէ, որ յափշտակւում է, լեզենդացնում: Բոլոր նրանք — հայ և օտար — որ տեսել են հերոսին կուր առնել կամ խաղաղ կենցաղի մէջ, ընտանեկան, ընկերական օճախում, տրամադիր են օժտել նրան արտակարգ յատկանիշներով: Բոլորն էլ — ինտելիգենտ և անուս — վկայում են, որ նա ոչ միայն կոչւած, տաղանդաւոր հրամաժան էր, ոչ միայն աներկիւղ, հերոսական մարտունէն չող, որ գիտէ կանգնել միշտ առաջին շարքերի մէջ, որ գիտէ անայլայլ վճռականութեամբ նետւել միշտ կուր ամենաեռուն կենտրոնը, այլ որ նա միաժամանակ և անմահ ռազմագէտ էր, օժտւած գործնական մի անվրէպ բնազդով, յօրինող պատերազմի լաւագոյն ծրագիրների, ժողովներում սակաւախօս, բայց խոհուն և ներհուն, նրա ճառերը հակիրճ, նրա խօսքը կտրուկ հեղինակաւոր և համոզիչ, ամենաբարդ խնդիրները

արագօրէն լուծող, ամենաբուռն վեճերը արագօրէն հարթող...

Գործի մարդն էր, որ չէր սիրում երկար-բարակ վիճաբանել. ռազմի անյագ և անհանգիստ ոգին էր, որ շարունակ փնտրում էր նոր արկածներ ու վտանգներ. նա կեանքը վայելում էր այդ մահացու վտանգներում, գնդակների տարափի տակ, նա բախտը որոնում էր կռուի ուրազանի և զէնքի ժխորի մէջ... Նա պէտք ունի անդադրում յոյզերի ու շարժումների, նրան պէտք են ազատ օդ, լայնածաւալ կրկեսներ՝ ըստ կարելոյն մեծ, ասեղ, նապօլէօնեան ճակատամարտներ մղելու համար։ Պատերազմի դաշտի վրայ նա դիւթական ուժ ունի. կրկեսը շնչում է նրանով, գետերն ու գաշտերը ժպտում են նրան՝ յաղթանակի յոյսերով, բանակը վառում է, ելքերտանում նրա ներկայու-թեամբ, տարածւում է խիղճ ու բերկրանք, յաղթա-նակի վստահութիւն — և թշնամին յաճախ նրա անունը լսելուն, նրա հայեացքը տեսնելուն պէս՝ դեռ կռիւը չսկսած, փախչում է սարսափահար...

Ահա թէ ում կորցրինք։ Այդ լայն ճակատը և այդ վսեմ, փայլատակող նայածքը չունին ոչինչ լանկթա-մուրեան։ Գոռող, այո՛, և դժնդակ՝ ազատութեան թըշ-նամու հանդէպ — այդ հայեացքի մէջ ցոլում է սակայն գաղափարային, ասպետական վեհանձնութիւնը. մոլեգին և ահարկու ռազմիկը մի մեղմ, բարի և հաշտարար ոգի էր, տոգորած իր վսեմ պարաքի գիտակցութեամբ, ներշնչած բացառապէս աշխատաւոր և առաւպող ժո-ղովրդի շահերով, որոնց և նւիրաբերել էր իր թանկա-գին կեանքը, պատանեկութեան օրերից ի վեր։

Հաշտարար ոգի... Քանի՞ անգամ կատարել էր այդ նւիրական պաշտօնը ազատութեան բանակում իսկ, պար-սիկ, բախտիար հրամանատարների վերաբերմամբ... մի բիրտ ու ապերախտ միջավայրում՝ ուր գաղափարական, անշահախնդիր գործիչներին պէտք է փնտրել դիօգե-նեսեան լապտերով։

Դաշնակցական հրամանատարը իր մի բուռն կտրիճ-ներով անշահախնդիր գաղափարայնութեան կրողն եղաւ մի քանի տարի շարունակ, այդ բարոյական ամայու-թեան մէջ։ Ազատագրել մի մեծ երկիր, որ հինաւորաց քաղաքակրթութեան որրաններից է, փրկել բազմամի-լիօն մի ժողովուրդ ասիական վայրենի և սանձարձակ բռնապետութիւնից և շաղկապել երկու դարաւոր դրա-ցիներին — հայ և պարսիկ, բրիտոնեայ և մահմեդա-կան — համերաշխութեան, համաքաղաքացիութեան սերտ կապերով, կենդանի օրինակ տալ ամբողջ իսլամ աշ-խարհին, մասնաւորապէս Թիւրքիային, — ահա նրա մեծ նպատակակէտը և նրա տիրական բաղձանքը։

Գաղափարի ռահվիրայ — և համեստ ռահվիրայ. Նա հեռու մնաց այլասեռող գայթակղութիւնից, նրան եր-բէք չլսեցին դիրքը, պատիւը, տիտղոսը և այն ընդ-

հանուր գինովութիւնը, այն խանդավառ ու մեծագործող ովսանաներն ու յաղթական կամարները, որով ամբողջ մայրաքաղաքը դիմաւորում էր հերոսին՝ պատերազմի դաշտերից վերադառնալիս։

Պատիւ. մեր ֆէդայիներին։ Քիչ չեն նրանց շարքե-րում այգօրինակ տիպարներ մարդկային համեստու-թեան ու ազնուութեան, որ կրկնապատկում է նրանց արժէքն ու թովքը։

Եթէ Հ. Յ. Դաշնակցութեանը պատմականօրէն վի-ճակած էր դուրս հանել բազմաչարչար ժողովրդի արգանդից բոլոր ռազմական կորույթներն ու հիւթերը և պատրաստել նրա ուղանշ — ազատագրումը, ապա միւս կողմից, նրան վիճակած էր այդ ռազմական տաղանդների հետ միասին հասունացնել ու հրա-պարակ կոչել ցեղի խորունկ ծալքերի մէջ մրափող ամենավեհ քաղաքացիական առաքինութիւնները, որոնք զարգարում և գեղեցկացնում են կեանքը։

Պատիւ մեր ֆէդայիներին։ Ահա մի շքեղ պլեադ, մի փառահեղ բոյլք ուրիշ բաջերի, որ հանգուցեալ զօրավարի հետ երկար տարիներ վարել են ազատու-թեան դժարին կռիւը և որ այսօր, նրա մահից յետոյ, շարունակում են նոյն կռիւը մեր անվեհեր քեռիի հրա-մանատարութեան տակ։ Շարունակում են, անգամ այն-պիսի մի քաղաքական մթնոլորտում, ուր երկինքը բնաւ չի ժպտում, մասնաւորապէս հայոց դատին, ուր յոյսերը դեռ նոր փթթած դալկանում են, թառամում, ուր արտաքին միջամտութեան խարազանը ցցել է անողորմ ու սպառնական... Տղերքը շարունակում են իրենց կռիւը, ոգևորած, անշուշտ, այն տարտամ յոյսով, թէ վաղ թէ ուշ իրենց ճիգերը կը պսակին աջողութեամբ, թէ կը հասնի, վերջապէս, այն օրը, երբ ազատ ու անկախ Իրանը, առանց ցեղի ու կրօնի խտրութեան, կը տօնէ իր ներքին խաղաղ վերանորոգութեան տօնը, Եփրեմը մեռաւ... գուցէ նոյն յոյսով։

Յուզիչ մի բան կայ — և խորհրդաւոր, նշանակալի բան — այդ յամառ, երկարատե ու առաջապահ կռուի մէջ, որ ստանձնել են մի բուռն հայերը տասնեակ միլիոնաւոր ազգաբնակչութիւն ունեցող մի երկրում, ուր հայութիւնը մի փոքրաթիւ գաղութ է միայն...

Այդ գաղութազգի շահերի անունով բեմ նետեց հինգ տարի առաջ մեր անփոխարինելի ընկերը և անց-քերի գոռ ու յարածուն ալիքների վրայ աստիճանա-բար բարձրանալով, դարձաւ մի ճշմարիտ, հոյատիպար ի ն տ ե ռ ն ա ց ի օ ն ա լ ի ս տ, հայ և պարսիկ ցեղերի մի զօրաւոր շաղկապ և նորագոյն Պարսկաստանի ամե-նամեծ գործիչ։

Ցեղի աւանդական կօսմօպօղիտիզմը — համաշխարհա-քաղաքացիական բնազդը — միանգամ ևս երկնեց, ըն-ծայելով մարդկութեանը իր փարթամ ծնունդներից մինը, ստաւարացնելով շարանը մեծ, հոյատիպ գործիչների,

որոնք այլ և այլ երկրներում, այլ և այլ ասպարեզներում վաստակել են համաշխարհային հռչակ...

Եգիպտոս, Ռուսաստան, Պարսկաստան:
Նուբար փաշա, Լորիս-Մելիքով, Եփրեմ...

Լուեցի Զենքի յաղթական շաչիւնը մարեց դառնութեան արցունքների մէջ, որոտընգոստ ծափերը տեղի տւին հանդիսաւոր ու պատկառոտ լուսթեան: Անողոր

մահապատանը խլացրեց ամեն ինչ իր ցոյւտ կապանքներում...

Գնաց անզուգական ուզմիկը, իր երիտասարդ փառքի դափնիններով ծանրաբեռնած, իր երկու հայրենիքի գուրգուրանքով շրջապատւած: Եւ այսուհետեւ, իբրեւ մի մեծ սուեր, մի հզօր ուրաական, կը շարունակէ գերեզմանից իսկ հսկել ազատութեան բանակի վրայ, բաջալերել, ոգևորել...

Եփրեմը մեռաւ. Պարսկաստանը պիտի ապրի...

ԵՓՐԵՄԻ ՎԵՐՋԻՆ ՆԱՄԱԿԸ ՈՒՂՂԻԱԾ «ԴՐՕՇԱԿ»Ի ԽՄԱԳՐՈՒԹԵԱՆ

Եփրեմ !

*Եփրեմայն՝ մի յեղ քեզ վերջաց. Դուք,
որքան հաշտութեամբ ապրեալ էք մարտի
էնտեղէն շարժեցէ՛ք ինչ որ յոյժ է ձեռք
իւր շրջանի մարտիկի: Եւ շարժեցէ՛ք ինչ
զիջեցէ՛ք ձեր թաւաբեմ, թաւաբեմ, զիջեցէ՛ք
թաւ, թաւաբեմ ու թաւաբեմ շրջանիս: Եւ
ձերայն զայնաներէն շարժեալ մարտիկ
թաւաբեմ մարտիկ է ծովի, զայն
յեղ մօտ: Դուք մի զիջեցէ՛ք ինչ որ
յայտարարեալ է ձեր թաւաբեմ:*

Եփրեմայն թաւաբեմայն Եփրեմ

ԵՓՐԵՄԻ ՎԵՐՋԻՆ ՀԵՌԱԳԻՐԸ, ՈՒՂՂԻԱԾ «ԴՐՕՇԱԿ»Ի ԽՄԱԳՐՈՒԹԵԱՆ (ՄԱՀԻՑ 8 ՕՐ ԱՌԱՋ)

«Սալար-Դովլէի դէմ ուղարկւած կառավարական բանակը ջարդուեց. Սալար-Դովլէն սպառնում է Համա-
դանին. այսօր գնում եմ նրա դէմ»:

Պ Ա Ր Ս Կ Ա Ս Տ Ա Ն

ՎԵՐՋԻՆ ՑԱՐԻԱՅ ԺԱԿԱՑԱՍՏՐՏՆԵՐԸ
ԵՒ

«ԴԱՅՆԱԿՑՈՒԹԵԱՆ» ՍԱՍՆԱԿՑՈՒԹԻՒՆԸ *)

(ՆԱՄԱԿՆԵՐ ՊԱՐՍԿԱՍՏԱՆԻՑ)

Մինչև սեպտեմբեր 13-ը Սալար Դովլէն որոշած է եղել իր բանակի մի մասը Ղուճ ուղարկել, թեհրան արշաւելու համար: Այդ իմանալուն պէս՝ կառավարութիւնը հրահանգում է Սարգսար Զաֆար բախտարցուն՝ Սալար Դովլէի դէպի Ղուճ շարժւող բանակի առաջն առնել: Սարգսար Զա-

ֆարը թշնամուն հանդիպում է Սափէհուն, ջարդում է նրան և սեպտեմբերի 13-ին շարժւում է դէպի Շէմսապատ: Այդ լուրն առնելուն պէս՝ Սալար Դովլէն իր զօրքը յետ է քաշում Նուբարանից դէպի Շահսէվան Սէնդի և սկսում է այնտեղ ամրանալ:

Մեծ բանակն էլ Եփրեմի հրամանատարութեամբ նորն դիչերը ծանապարհւում է դէպի Շէմսէպատ՝ Սարգսար Զաֆարի հետ միանալու:

Սեպտեմբերի 14-ին վերջինը մի նոր ընդհարում է ունենում Սալար Դովլէի բանակի մի մասի հետ և ջարդելով յետ է մղում նրան:

Սեպտեմբերի 14-ին Եփրեմի բանակը հասնում է Խա-
նապատ: Հանդիպում է Սալար Դովլէի 600 հոգուց բաղկա-
ցած առաջապահ զնդին, որը առանց կռւի յետ է նահանջ-
ւում դէպի Բաղը Շահ:

Նոյն այդ օրը Եփրեմի բանակին միանում է Սարգսար Զա-
ֆարի բանակը:

*) Տես «Իրօսակ», № 2:

Մինչ մի կողմում կառավարչականները Նա-Ալի խանին ջարդում, փախչում են, մի ուրիշ կողմի վրայ էլ Եփրեմի, Սարգար Բհատուրի և Սարգար Մոհթալի բանակը միացած կռուում են Սալար Գովլէի կողմնակիցների՝ Գաւութ խան Բիւրհանի, Լուստուանի Փաշաքանի, Համադանի ձիաւորների, Բիւրհանի զօրքի յամալիքի քերականացու Հաջի Ալի Ռոզա խան Գաւուսու հետ։ Այդ կռիւը չափազանց նշանակալից է նախ նրանով, որ Սալար Գովլէի մեծ ուժն էր այդ, երկրորդ՝ որ թշնամին նկատելով մերոնց, ինքն է նախարարական լինում և երրորդ՝ որ նրանք մօտ 12 հաս 7—8 սանտիմետրանոց աւստրիական թնդանոթներ են ունենում։ Թշնամին Բաղը Հաջի բլուրների վրայ է դիրք բռնած լինում։ Կռիւը տեղի է ունենում ցերեկը և տևում է երկու և կէս ժամ։ Երբ թշնամին յարձակւում է մերոնց վրայ՝ հրացաններից ու թնդանոթներից միանգամէն կրակ անելով, մերոնք քայլադափ մեքենայով չափում են տարածութիւնը և նոյնպէս կրակ են թափում հրացաններից ու գնդացիներից։ Հետոյ գործի է կաշում և մերոնց «Հայադէր» թնդանոթը (մեծը)։ Երբ Եփրեմն ու Գրիշտն Հայադէրի մօտ կանգնած կառավարելիս են լինում այն, թշնամու թնդանոթի գնդակներից մէկը գալիս է դէպի նրանց և միայն պատահմամբ այդ վայրկեանին նրանց առջևից անցնող երկու բռնակիր ջորու կաշելով ցրւում է նրանց։ Այսպիսի մի պատահականութեամբ միայն Եփրեմն ու Գրիշտը ազատւում են։ Հայադէրի միջոցով մերոնք կտորւում են նրանց թնդանոթներից մէկը։ Թշնամին չգիմանալով առջևից ու ետքից եղած յարձակումներին, փախչում է, կռիւ գաշտում թողնելով 500-ից աւելի սպանւածներ, 100 զերի, 11 թնդանոթ և բոլոր վրանները։ Կռիւը բաւական տաք էր։ Մի ձորում, օրինակ, մերոնք շրջապատել են 200 հոգու և առաջարկել են անձնատուր լինել։ Նրանք ոչ մի պայմանով չեն համաձայնւում և շարունակում են կռւել մինչև այն վայրկեանը, երբ վերջին կռուողն է ընկնում մերոնց գնդակից։

Այդ կռիւի մէջ կառավարականները տւին 10 զոհ բախտիրացի։ Ապա բանակը շարժւեց դիպի Համադան։ Այնտեղ գնաց և Մազանդարանից եկած՝ մեր Ասլանի խումբը։

Սալար Գովլէն գնում է Հաւարին, որ Համատանից 20 րոպէի ճանապարհի վրայ է։ Նրա բանակին միանում են երկու խումբ Համադանից, երկու խումբ Արաղից, մի խումբ Սելախուից, մի խումբ էլ արաբներից (Իլը-Արած)։ Սալար Գովլէի բանակի կռուողները վերջին պարտութիւնների ազդեցութեան տակ սկսում են թողնել նրա շարքերը։ Զօրքի լքման առաջն առնելու համար, նա խոստանում է իր կռուողներին, որ Թեհրանը վերցնելուց յետոյ, երեք օր թողնելու է քաղաքը իրենց արամադրութեան տակ... Թալանելու համար։

Թեհրանի Մեջ.— Բանակը հեռանալուց յետոյ, քաղաքի պաշտպանութիւնը յանձնւեց նոր եկած շէկ հրահանգիչներին (ինտորուկտոր)։ Նրանք նկատելով քաղաքի զանազան կողմերից բաց լինելը, թնդանոթներ են տանում մի քանի դարբանները, պահակախմբեր են նշանակում՝ գործից, փոխիներից, ժանդարմներից, բախտիրացիներից և կամաւորներից։ Այս հանգամանքը վախեցնում է ազգաբնակչութիւնը։ Բոլորը պանիկի մէջ էին, ինչ որ խռովութիւնների էին սպասում։ Սեպտ. 12-ին և 13-ին հացը մէկէն ի մեկ պակասեց։ Նա պակասեց և ամարանոցներում, մթերքները նոյնպէս։

Ռուսաց դեսպանատան ամարանոցում Զարգանդա, ռուսներն այնպէս էին «տնօրինել», որ ժամանաւորապէս հայերին մթերք չծախելի, որից և ստիպւած այնտեղ ապրողները ուրիշ ամարանոցներից էին իրենց համար հաց և ուրիշ մթերքներ բերել տալիս։ Առ հասարակ ռուսների պրովոկատորական դերը այս անգամ ամեն մի բանում էլ նկատւում էր։ Երբեմն այնտեղ ներկայացումներ տուող Սդի-Ալիճը ռուսաց դեսպանատան կողմից Ղազարի ուղարկւեց պրովոկատորական գործողութիւնների համար։ Քիչ չեն նաև ռուս խուզարկուներն ու ստիկանները։

Սեպտ. 15-ին խրամատների պահակները գիշերը տեսնելով մի փախչող մերկ ձի և կարծելով, թէ նրա վրայ մարդ կը լինի նստած, սկսում են կրակ անել։ 1200-ի չափ փամփուշտ կրակելուց յետոյ միայն սպանւում է մերկ ձին և... պահակները հանգստանում են։ Քաղաքի մէջ մի սարսափ էլ դա ձգեց։

Թ.Ն.Ի.Բ.— Սեպտ. 11-ին, առաւօտեան մի ժամ մնացած՝ Զիւրադի (Թաւրիզի զինւորական բնդհանուր հրամանատարը) իր բոլոր ուժերով յարձակւում է Ղարաբէլիքի վրայ և մինչև երեկոյ խիստ տեղի կռից յետոյ, չի կարողանում թշնամուն այնտեղից դուրս բշել։ Կառավարականներից 3 և թշնամուց 11 սպանւեց։ Սամազ խանը այդ օրը Բասմինջում էր։ Նա իր ուժերը կենտրոնացնում է Բասմինջ ու Ղարաբէլիք։ Սեպտ. 12-ին Սամազ խանն օգտւելով Ռամազանի տոնից՝ յարձակւում է Թաւրիզի վրայ։ Համալսգանի կողմից և տիրում Համալսգանի պարտէզներին։ Հայ և թիւրք մարտիկների յարձակմանը չգիմանալով ետ է նահանջում, բաւականին կորուստ տալուց յետոյ, երկու անգամ Ղարաբէլիքը թեթև ուժակոծելուց յետոյ՝ թշնամին թուլանում է այդտեղ։ Խիաւանի կողմից էլ յետ է քաշւում։ Վասպինջ, այնտեղից էլ Գիւզրապադ։

Դ ու մ ա ն ը, վհատւած պարսիկ ու թիւրք խմբապետների ձգձգումներից, հրաժարւում է իր վրայ գրւած պարտականութիւնից, ամբողջ խմբով մնալով իրրև օժանդակ։

Ինչպէս ասացինք, բանակը Համադան չհասած՝ Սալարը թողել ու փախել էր, իսկ նրա մարդիկ ցրւել էին և այլևս նրանց հետապնդելը աւելորդ էր։ Այդ իսկ պատճառով, Եփրեմը մի քանի անգամ հեռագրով դիմում է կառավարութեան՝ թոյլ տալու իրեն Թեհրան վերադառնալու բանակի հետ։ Կառավարութիւնը սկզբում տատանւում էր, բայց ի վերջոյ յարգեց Եփրեմի դիմումը։ Գօշանում 300 խանութ են այրւում... Այդ բնդունելով, որպէս խառնակութիւնների ազդանշան, Ղազարին բանակը շարժւում է դէպի այն կողմ՝ Ղազարինով Թեհրան վերադառնալու։ Համադանի և Ղազարինի արանքում մերոնց վրայ անակնկալ կերպով յարձակւում են, յայտնի չէ թէ ում կողմից։ Մերոնք ցրւում են թշնամուն։ Այդ կռիւի մէջ սպանւում է մեր մարտիկներից Թաւրիզցի Արսէն Յովակիմեան, մի երկուսն էլ վիրաւորւում են։ Պէտք է ասել, որ մեր մարտիկներից մի քանիսը Թեհրանից Համադան և Համադանի շրջակայքում բաւական դալթակղւել էին թալանով. այս հանգամանքը խիստ զայրացրել է Գեւուռն և Եփրեմին։ Վերջինս նոյնիսկ զայրոյթի վայրկեանին հրացան է պարպում թալանչիներից մէկի վրայ և գլխից վիրաւորում։

Վերջին կռիւների բնթացքում, բախտիրացիք ցոյց տւին իրենց դայնը։ Նրանք մատնեցին սոսկալի ախորժակներ և եռանդ թալանի մէջ։ Բախտիրացիների արած թալանները այնտեղ հասան, որ քիչ էր մնացել բնդհանում լինել բախտիրացիների և Եփրեմի միջև։

Թաւառը դեռ բոլորը չէի Ամենաողբալին այն է՝ որ բախ-
դիար զեկավարների սահմանադրական լինելը ոմանց համար
մեծ հարց է... Այսպէս օրինակ. կռիւների ժամանակ բախ-
դիարցիներ՝ Սարգար Զանգի և Սարգար Զաֆարի բռնած
ընթացքը ցոյց է տալիս, որ նրանք աւելի շուտ միապետա-
կաններ են, որ նրանք իրօք Սալար Գովլէի նպաստողներ են
եղել և ոչ թէ նրա դէմ կռուողներ: Արդ յիշած սարգար-
ների և նոյնպէս բախդիարցի, սահմանադրութեան ջերմ
պաշտպաններ՝ Սարգար Բհատուր և Սարգար Մոհթաշէմի
միջև յարաբերութիւնները այնպէս էին լարել, որ միայն
Եփրեմի ներկայութիւնն է զսպել նրանց և արգելք եղել
ընդհարումին: Սարգարների այս յարաբերութիւնների մէջ
մեծ դեր է խաղում, անշուշտ, և ան ձևակապ թախ-
դիարցի մէջ այդ լարած դրութիւնը ստիպել է Եփրեմին՝
միջոցներ ձեռք առնել՝ ընդհարումի առաջն առնելու: Նա
դիմել է կռուավարութեան, որ Սարգարներ՝ Զաֆարին և
Զանգին ուղարկեն Քիրմանշահի կողմերը, իսկ Սարգար Բհա-
տուրին և Սարգար Մոհթաշէմին ուղարկեն Ատրպատականի
կողմերը:

Ռ Ռ Ւ Ս Ա Կ Ա Ն Ա Ր Շ Ա Ի Ը

Թաւրիզ, 1 Մարտ

Մի քանի խօսք այդ արշաւանքի և նրա յարուցած տագ-
նապի մասին:

Ցարական կռուավարութեան երկրորդ 48 ժամայ ուղտի-
մատումը և տարածւած այն լուրը, որ իբր թէ պարսիկ կա-
ռավարութիւնը մերժել է ուղտիմատումի բոլոր կէտերը՝
եղեքտականացրել էր ամբողջ միջնորդութիւնը գործող
յեղափոխական տարրերը կռուավարութեան այդ մերժումը
ընդունեցին մեծ յափշտակութեամբ, դրա մէջ տեսնելով
իրանի ոտնահարած իրաւունքների և արժանապատւութեան
վերականգնումը:

Այսպիսի վայրկեանում բաւական էր մի կայծ միայն
հրդեհը բորբոքելու համար, մի փոքրիկ առիթ, որպէս զի
ներքուստ ամբարած դժգոհութիւնը դուրս պոռթկար: Եւ
առաւ կռուավարութիւնը չ'ուշացաւ այդ առիթը ներկայա-
ցնել՝ նոր զօրքեր լցնելով Պարսկաստանի ծովափնայ քա-
ղաքներից Ռաշտ և Էնզելի և այնտեղից առաջնաւորով Ղազ-
ւին և սպառնալով մայրաքաղաքին:

Այդպիսի մի կարեւոր վայրկեանում, երբ երկրի անկախու-
թեանն է վտանգ սպառնում, կենտրոնական կռուավարու-
թիւնը խիստ ողբալի պատկեր էր ներկայացնում: — Մինչեւ
տրութիւն գոյութիւն չ'ուներ, ուէգէնտը իր հրաժարականի
վրայ էր պնդում, Մէջիսը խօսելու, քննադատելու և հրա-
ժարեցնելու մէջ միայն վարպետ, իսկ թագաւորը՝ մանուկ:
Էլ ո՞վ պիտի դիմագրաւէ վերահաս վտանգը: Այսպէս կոչ-
ւած դիպլոմատիական մարմնի այս տիպը պատկերին, եթէ
աւելացնելու լինինք և այն, որ երկրի փոքրութիւն զինւորա-
կան ուժն էլ ԵՃ-շահի դէմ մղւած կռիւների ընթացքում
չլատւած էր և ասպարէզի վրայ մնացել էր միայն Եփրեմը
իր փոքրութիւն և հաւատարիմ մնացած բախդիար զեկավար
ընկերներով, միւս կողմից էլ յեղափոխական տարրերի բա-
ժան-բաժան վիճակը, ապա պարզ կը լինի ձեզ համար մեր
երկրի մօտաւոր կացութիւնը այդ ծանր օրերին:

Ծրագրւած և յարատեւ պոլքար պարսիկների կողմից ան-
հնարին է յուսալ, որովհետեւ ոչ ոք ոչ ոքից տեղեակ չէր
և միւս քաղաքներում մինչև իսկ յայտնի չէր թէ ինչ է

կատարւում կենտրոնում և ինչ դրութեան մէջ էր այն: Մի
կերպ այս ցաւը գարմանելու համար, Եփրեմը միւս զինւո-
րական զեկավարներով մի 4 ժամայ ուղտիմատում է ներ-
կայացնում Մէջիսին, որպէս զի սա անմիջապէս վերակազմէ
մինիստրական կազմը քիչ աւելի լայն իրաւունքներով, նշա-
նակէ նոր ընտրութիւն և մինչև նոր Մէջիսի գումարումը,
ազգու միջոցներ մտած է առասկան ուղտիմատումը հարթե-
լու և փոխառութեան խնդրին վերջ տալու:

Այս անակնկալ հարւածը կարծես մի քիչ սթափեցնում է
Մէջիսին և նա սկսում է արած պահանջներին բաւարա-
րութիւն տալ. ի միջի այլոց նա ընտրում է նաև մի կո-
միսիա առասկան ուղտիմատումը քննելու և ներկայ դրու-
թեանը մի կերպ վերջ տալու:

Այս բոլորի հետ միաժամանակ սկսում է նաև կռիւը:
Ռաշտում թիւրքերը հայ մարտիկների հետ մի փաթիկ
ընդդիմադրութիւն են կազմակերպում առանցքի դէմ: Ար-
ժում է, ի հարկէ, և առանցքը ամենայն բարբարոսութեամբ
խեղդում են այն:

Հէնց նոյն օրը երեկոյեան (7-ի), Թաւրիզի ոստիկանա-
տանը տեղի է ունենում մի փոքրիկ ընդհարում առաւ զին-
ւորների և թիւրք ոստիկանների միջև, որովհետեւ առաւ
զինւորները ինչ որ հեռախօսի լար ամրացնելու պատրւակով
ուզել են ոստիկանատան կտուր բարձրանալ, իսկ ոստիկան-
ները կարծել են, թէ այդ պատրւակով ուզում են շէնքը
գրաւել և չեն թող տալ: Այդտեղ սպանւում են երկու
ոստիկան և մի առաւ տասնապետ: 8-ի առաւտեան առաւ
զինւորներով շրջապատւած էին ոստիկանատանը և նրան
մօտիկ գտնող կռուավարական հաստատութիւնները, որ-
պիսիք են նահանգապետարան, Անջուման և այլն: Թիւրք
ոստիկաններն ու կամուրները աշխատում են զինու զօրու-
ղորութեամբ յաջրել փողոցները, դրանցից մի փոքրիկ խումբ
էլ ամրանալով քաղաքի միջնաբերդում սկսում է այնտեղից
աճախոծել առասպ թանակատեղին: Ռուսները, որ երբեք
չէին սպասում այդպիսի յանդուգն դիմադրութեան՝ գլուխ-
ները կորցնում են թիւրքերի ուժեղ գրոհից և ամբողջ օրը
հազիւ են կարողանում այս ու այն կողմերում իրենց ցրած
ուժերի խղճուկ մնացորդները հաւաքել: Այդ օրը թիւրքերի
յաջողութիւնը բացարձակ էր և առանցքը ահագին կորուստ-
ներ տալով յետ են մղւում ու կենտրոնանում իրենց բա-
նակատեղին, որը գտնւում էր քաղաքի ծայրի մի այգու մէջ:

Առիւն նոյն յաջողութեամբ շարունակեց մինչև ամսիս
13-ը, որից յետոյ թիւրք կռուողները ընկճւած կենտրոնից
տեղացող յորդորների՝ այն է թողնել կռիւը, որ կռուվա-
րութիւնը արդէն ընդունել է ուղտիմատումը իր ամբողջու-
թեամբ, թողնում են միջնաբերդը և գրաւած գիրքերը աս-
տիճանաբար: Սրանց ընկճելուց առանցքը իրենց ուժեղ
զգալով՝ մի վայրագ կոտորած են սկսում բանակի շուրջը
գտնող թաղերում, որի անցնելով ձեռքները ընկած թիւր-
քին, առանց տարիքն ու սեռը նայելու: Ռուսական նոր
զօրքերի խուժման լուրը կատարեալ լքումն է առաջ բերում
կռուողների մէջ...

Տգէտ խուժանը առասկան այդ խտութեանց միակ պատ-
ճառը համարելով Անջումանը և սահմանադրութիւնը՝ յար-
ձակւում է Անջումանի վրայ, ցրւում այն, անգամներից
Հէյն Սալիմին ծեծի ենթարկում և ապա դիմում քաղաքը
պաշարող Սամադ խանին (Սուլայ Գովլէի), որ գալ և տէրու-
թիւն անէ իրենց: Նահանգապետը վախից ապաստանում է
անգլիական հիւպատոսարանը:

14-ին արգէն նոր եկած զօրքերը մօտենում են քաղաքին, որը շրջակայ էր գիմարդող ուժերից և ուժեղացնելով ներս է մտնում:

Սկսում է ուռնական զօրքի յատուկ վայրագութիւնների շարքը—ծեծ, ջարդ, կողոպուտ, բռնաբարութիւններ: 25-ը որ քաղաքի բացարձակ տէրերն են, մարդիկ տէրութիւն են անում իրենց հասկացած ձեռք: Մինչև 17-ը այսպէս շարունակելուց յետոյ, 18-ից սկսում են ձերբակալութիւնները և 19-ին քաղաքի կենտրոնում կախաղան են բարձրացնում 8 հոգու, քաղաքի ակնաւոր հոգեւորականներից, Անջումանի անգամներից և յեղափոխական գործիչներից: Ինչպէս ուռններն են վկայում, բոլորն էլ հերոսաբար են կախել: Գրանցից մէկը մի 18 ամեայ պատանի, երեք տեղում կեցցէ սահմանադրութիւնը գողալուց յետոյ իր ձեռքովն է անցկացնում իր վիզը, դահիճներից միայն մի բան խնդրելով, որ թոյլ տան իր հետ կախող եղբորը իր կողքին կախելու: 19-ից մինչև 23-ը կախաղան բարձրացրին 20 հոգու, նախապէս կողոպտելով և գետնին հաւասարեցնելով դրանց տները և ամբողջ բնտանիքները թողնելով բաց երկնքի տակ:

Սամադ խանը, որ առաջին անգամ մերժել էր քաղաք դալ և միայն իր ֆորաշներին էր ուղարկել, որոնք ուռնական զրօշակը թեւերին կապած դահճի պաշտօն էին վարում, ամսի 20-ին իր շքամբով, ուռնական զրօշակ պարզած մտաւ քաղաք և բազմեց նահանգապետական ավտուին: Այն, ինչ չէր յաջողւել նրան երկար ամիսների ընթացքում, այժմ յաջողեց շնորհիւ ուռնական ուժի: Սակայն ուռնները շարունակում են մնալ քաղաքի իսկական տէրերը և Սամադ խանն ու իր ֆորաշները լոկ գործիքներ են նրանց ձեռքում:

Թեհրան, 3 մարտ

Դամղանի կուռում նահատակւել են չորս մարտիկներ և վիրաւորւել է մէկը: Նահատակւածներն են՝ տաճկաստանցի Մկրտիչը (մի շատ քաջ տղայ) և պարսկաստանցիներ՝ Ասատուր, Մաթէոս և Խանյար: Նոյն կուռում վիրաւորւած են 8 պարսիկ ժօջահիտ և մեռած մի տաանեակ: Երկրորդ կուռի մէջ հայերից ոչ զոհ և ոչ վիրաւոր. պարսիկներից մի միջահիտ, իմ բժիշկ օգնականը, որին ուղարկել էի բանակի հետ:

Դամղանի կատաղի կուռում վիրաւորւածը մեր Գիգօն է (Գրիգոր Սաղեանը), որ այսպէս տաած հրամանատարն էր կառավարական բանակի: Գնդակը կպել է քթի վերի կողմից և աչքի տակով ոսկորների միջից անցնելով, դուրս է եկել ողջ ականջի տակից: Վերքը շատ վտանգաւոր լինելով, ինքս անձամբ ուղևորեցի Դամղան: Կուռն արգէն վերջացել էր. մի շարաթ խնամեցի և կարելի է բացարձակ առել, որ մահից ազատւեց: Այժմ Թեհրան է և բաւական լաւ է: Այդ սոսկալի կուռը տեւել է 22 ժամ և ամբողջ ժամանակ քաղաքի միջում: Թշնամու դիրքը խիստ անառիկ էր: Դամղանի կուռից մի շարաթ յետոյ, բանակը շարժեց դէպի Շահրութ. ճանապարհին դարձեալ կուռի բռնեց Դամղանից փախած և օտար թշնամիների հետ. 12 ժամ կուռելուց յետոյ, թշնամին անձատուր եղաւ: Այժմ բանակը Շահրութ է և ես 4 օրից նորէն պիտի գնամ այնտեղ, խնամելու բազմաթիւ վիրաւորեալներին:

Թաւրիզ, 5 մարտ

Ես տեսել եմ ծանր ու վտանգաւոր օրեր ժողովրդի կեանքի ապահովութեան տեսակէտից, բայց այսպիսին չէի տեսած: Պետրոս Մելիք Անդրէասեանի ձերբակալումը և


կախաղան հանելը այնպիսի սոսկումն առաջ բերեց, որ նկարագրելը դժւար է: Կարծես մարդիկ խելագարւել էին: Ծնողը որդու առջև փակում էր դուռը, վտանգւածները քար չունէին գլուխ դնելու: Այս դրութիւնը առաջ բերելուն գլխաւորապէս և մեծապէս նպաստեց ուռնական հիւպատոսարանում պատրաստւած պրօփօկասիօնը... Որոշած էին հայկական ջարդ սարքել, դա կասկածից դուրս է... Բաժակն անցաւ... առ այժմ:

Սակայն, ո՞վ գիտէ, թէ ի՞նչ է կատարւում վարագոյրի ետև, ո՞վ գիտէ, թէ ինչեր են նիւթում այդ փոքրիկ ուռն պաշտօնեաների ուղեղները: Պարսկաստանի վերջին դէպքերը բոլորն էլ ուռնական հիւպատոսարանի սարքած գործերն են: Նրանք շարունակ «միջագէպեր» են հնարում՝ թոյլ չտալու, որ ուռն զօրքը քաշէ Պարսկաստանից:

Ա Լ Է Բ Ս Ա Ն Դ Ի Գ Ե Ր Ց Ե Ն

(ԾՆՆԴԵԱՆ 100 ԱՄՆԱԿԻ ԱՌԹԻՒ)

Նիցցայի շքեղ հանգստարանում, Chateau-ի տիրաւական և գեղանկար բարձունքների վրայ, Գամբետայի գերեզմանից ոչ հեռու, մի համեստ, բրօնզէ արձան է



Հ Ե Ր Գ Ն Ը

կանգնած — մի կարճահասակ ծերունի, ուռնական դիմագծերով, որ ձեռքերը կրծքին ծալած, տխուր, վշտաւանջ աչքերը գետնին է յառել և խորասուզւել ծով մտքերի մէջ... Ասես այդ չքնաղ երկնքի տակ համաշխարհային վիշտն է մարմնացնում ու որոճում. ասես այդ մշտածիծաղ դրախտի մէջ դեռ ողբում է իր սգաւոր հայրենիքի ողբը, դեռ տանջւում է նրա ազատութեան հսկայ և անմկննդի առեղծածով...

Առեղծաւած — արդարեւ: 100 տարի է անցել Հերցենի ծննդեան օրից, 60 տարի է անցել նրա քա-

րողչական գործունեութեան առաջին օրերից—և այսօր տակաւին նրա խօսքը պահպանում է իր տխուր այժմեութիւնը, նրա ազատաշունչ քարոզը պահպանում է իր եղբրական թարմութիւնը, նրա բազմաթիւ յօդաւածները, նրա սրտայոյզ կոչ ու յորդորները դեռ ունին, տարաբախտաբար, իրենց գոյութեան իրաւունքը... Այսօր դեռ հարկ է զանգահարել մեծ արքայականի բարձրադոյնը «Կոյսկոյը», զանգահարել դեռ երկար, անդուլ, յարատեւ, որովհետեւ սլավոնական վիթխարի Համբը դեռ քնած է լեթարգիական մրափով, որովհետեւ 60 տարւայ ազատագրական քարոզը դեռ չի խռովել նրա մահաշունչ, ստրկական անգործութիւնը և բռնութեան խարազանը դեռ գործում է նրա անզգայ, համբերատար մէջքի վրայ՝ այն ժամանակ, երբ ամբողջ մարդկութիւնը, անգամ ասիական ճահիճ-աշխարհը, համակել է սահմանադրական ու հանրապետական վերիվարումների, յեղափոխութիւնների տենդով...

«Այժմ ուղեկցեմ 264 դէպի մեծ ռուս յեղափոխականը» — շնչում է ինձ Ֆրանսիացի գերեզմանապահը, Գամբետտայի շիրմի առջև ինձ հետ երկար սպասելուց յետոյ:

«Մեծ յեղափոխական» — այդպէս էլ անւանում են Հերցենին, թէ իր հայրենիք-Ռուսաստանում, թէ Եւրոպայում: Բառը, սակայն, շատ էլ տեղին չէ, եթէ ըմբռնենք այն իր դասական իմաստով: Հերցեն չ'եղաւ յեղափոխական մի Ռուսսոյի, մի Դանտեի, մի Մաձձինիի, մի Կոչուտի եղանակով: Միապետական կարգերի հանդէպ նա չը բռնեց այն ժխտական և ուրմատական դիրքն ու ուղղութիւնը, որ յատուկ է բոլոր ճշմարիտ յեղափոխականներին: Նա յետ մնաց իր խօսքով ու գործով նոյնիսկ իր հայրենակից «դէկաբրիստներին», մի Պէստելից, մի Ռիլէէվից, որոնք 1825-ին, Փրանսիական Յեղափոխութեան շունչով բոցավառւած՝ փորձում էին զինւորական ապստամբութեամբ վայր գլորել անիծակոռ միապետութիւնը և հիմեւ նրա փլատակների վրայ ժողովրդավար հանրապետութիւն... Հերցեն և յետագայ ռուս կարող իդէոլոգներն ու գործիչները ապացուցին, տարաբախտաբար, որ Պէստելի այդ խանդավառ ու «արմատական» հոգեբանութիւնը մի հազաւադէպ, վաղանցուկ և գրեթէ պատահական երեւոյթ էր Ռուսաստանի լայնածաւալ յեղափոխական տնայատի մէջ: Ատելութիւնը, անհաշտ ու թունոտ ատելութիւնը դէպի միապետն ու միապետական կարգերը և դրա հետ շաղկապւած ըմբոստութեան, ապստամբութեան կրակը այն հեռաւոր ու յիշատակելի օրերից ի վեր, երբէք այլ ևս ծայր չտւեց՝ ոչ բանակի ու ժողովրդի մէջ, ոչ էլ գործող, քարոզող մտաւորականութեան մէջ: Հին, կլասիկ յեղափոխութեան այդ «հրեղէն հոգեբանութիւնը» պաշարեց միայն անհամերին և ցանցառ ու հազագիւտ խմբումներին, — նա դուրս մնաց զանգաւածներից...

Այդ մոլեգին ատելութիւնը և այդ հրեղէն խառնւածքը միանգամայն օտար մնաց և Հերցենին, ռուսական մեծագոյն, տաղանդաւոր հրապարակագրին: Նա «յեղափոխական» քարոզիչ եղաւ զուտ ռուսական եղանակով: Նա հարազատ նմուշն եղաւ այն ինքնատիպ ու տարապայման հոգեբանութեան, այն երազուն և լաւատես իդէալիզմի ու ուտոպիզմի (ցնորականութեան), այն մեղկ, հաշտարար, անդամանելիօրէն կրաւորապաշտ քաղաքականութեան, որ մատնել է գրեթէ միշտ և մատնում է այսօր ևս այդ զարմանալի ժողովուրդը յանձին իր առաջադէմ, «արմատական» գործիչների, տաղանդաւոր գրողների ու քարոզիչների և հարկւր միլիոնաւոր զանգւածների: Հերցեն հանդէս եկաւ խորապէս համակւած այդ ցնորական գաղափարայնութեամբ, այդ լաւատես և կրաւորապաշտ իդէալիզմով ու ուտոպիզմով: Նա ըմբռնեց «յեղափոխութիւնը» լոկ խաղաղ վերանորոգման, բարոյական ներգործութեան, լոկ խօսքի ու յորդորի ճանապարհով... «Ի վերուստ» թափւելիք մանանայի, բռնապետական «վեհանձն պարգէի» կերպարանքով: Եւ նա ուղղեց իր տենդոտ յորդորները... Ռուսաստանի մի ապետներին: Նա ուղղեց նոյն յորդորները անգամ ազնւականն ու թեան — այն բստմեւի, ժողովրդակուլ դասակարգին, որ եղել է միշտ բռնապետութեան ամենամուր պատւանդանը և որի նմանը դժւար է գտնել համաշխարհային պատմութեան մէջ: Կոչերով ու յորդորներով, խօսքով ու խրատով՝ Հերցեն ուղղում էր համոզել բռնապետական կարգերի այդ տիպար-ներկայացուցիչներին՝ որ յօժարակամ թողնեն իրենց հարստահարութեան ու կեղեքման խարազանը, երջանկացնեն ժողովուրդը, ազատեն բազմամիլիոն գիւղացիութիւնը ճորտութեան պատռահասից և այլն:

Եւ երբ Ղրիմի աղէտաբեր պատերազմից յետոյ ճորտութեան ամօթալի սիսեմը վերացաւ կայսերական մի հրովարտակով (1861 թ.), իբրեւ մի հաստատութիւն, որ հիմնական պատճառներից մէկն էր կրած պարտութեան և որի գոյութիւնը մշտնջենաւոր արգելք էր երկրի արդիւնաբերութեան զարգացման, տնտեսական, դրամական բարգաւաճման և զինւորական վերակազմութեան համար, — գտնւեցին միամիտ մարդիկ, որ վերագրեցին այդ խոշոր ուէֆօրմը Հերցենի քարոզներին, թագաւորի վրայ ունեցած նրա խօսքի ազդեցութեան: Եւ Լեւ Տօլստոյ — որ դարձեալ մի նմուշ է նոյն ռուսական ինքնատիպ «յեղափոխականութեան» — հիացմունքով ու ափսոսանքով էր յիշում Հերցենին. «Ափսոս, ասում էր, որ երկար չ'ապրեց. եթէ ապրէր, Ռուսաստանի զարգացման ընթացքը այլ ուղղութիւն կը ստանար»...

Եւ ոչ ոք Հերցենի ծննդեան 100-ամեակին, կադէտ Բօդիչեւի, իր բազմաթիւ համախոհների հետ կրկնում է Տօլստոյի այդ խօսքը, ինքն ևս հաւատալով, որ եթէ

Հերցեն՝ քիչ աւելի ապրէր, Ռուսաստանը այլ ընթացք
կը բռնէր, այլ կերպարանք կունենար ներկայումս...
Այսինքն չէր առաջ գալ «Նարոդնայա վոլիա»-ի և
յաջորդների բռնի յեղափոխութեան բա-
րոզը, չէին յայտնւի քաղաքական հրապարակի վրայ
ռուսաբանական ժելեաբուլներն ու Սպոնսիները, չէին
լինի անգամ այն թողլ ու դժգոյն զանգաժային
բռնկումները, աստատաբական այն հազագէպ թռիչք-
ները, որոնք «միայն գրգռում են իշխողներին և ամ-
րապնդում հալածանքի ուժերը»... Ձէր լինի այդ բո-
լորը... որովհետև Հերցեն սոսկ իր գրչով ու խօսքով կը
կարողանար ազդել բռնապետութեան վրայ, կը կարո-
ղանար պատրաստել ռուսական ընդհանրութիւնը խաղաղ
վերիվարումի ու նաւառումների համար...

Ահա դարձեալ մի պերճախօս ապացոյց նոյն ցե-
ղային, բացասական, անդամանելի հոգեբանութեան...
Եւ գուցէ սխալ չէր լինի բացականչել. «Բերեցէ՛ք ռուս
ազատականին, ամենակարմիր յեղափոխականին — և դուք
կը գտնէք իւրաքանչիւրի մէջ մի խոշոր դօզ տոլս-
տօյականութիւն»։ Այդ դժբախտ գիծը կարմիր
ժապաւենով անցնում է ամբողջ ռուս յեղափոխութեան
պատմութեան միջից։

Այդ բնորոշ, ցեղային տօլստօյականութեան մի այլ
գիծն է — համաբերողութիւնը դէպի ժողովրդի
թշնամիները, «Դրօշակ»-ի նախորդ տարւոյ էջերում
պատմել ենք արդէն մի քանի դրաւներ Ռուսաստանի
վերջին շարժումներից, երբ տագնապի ամենալճակա-
ն վայրկեաններին ռուս յեղափոխականները, սօցիալիստ-
ները իրենց կողմն ունենալով ժամանակաւոր յաղթա-
նակը, մի անըմբռնելի «վեհանձնութեամբ» խնայել են
ծուղակն ընկած թշնամուն և դրա շնորհիւ քիչ յետոյ
վիժեցրել յեղափոխութեան աղողութիւնը... մի հան-
գամանք, որ այսօր դառնացած սրտով խստովանում են
նոյնիսկ իրենք ռուս սօցիալիստները։

Համբերողութեան ու «վեհանձնութեան» գիծը նոյն-
պէս մասամբ գալիս է Հերցենից։ Վեհանձնութիւն
թշնամու հանգէպ, անգամ արիւննուշտ, երգեալ թըշ-
նամու... Հերցեն չէր համակրում Քրանսիական Յեղա-
փոխութեան հերոսներին, տերրօրիստներին, որոնք չէին
կամեցել բարոյապէս ազդել «համոզել» բռնաւորներին։
Բռնի յեղաշրջումներ չէր սիրում Հերցեն։ Նա յորդո-
րում էր և իր լեհ բարեկամներին, յեղափոխականնե-
րին — 1863 թւականի նախօրեակին — չգիմել ապստամ-
բութեան։ Նա գերադասում էր դիմումներ անել ցարին
ու ազնականութեան։ 1855 թ. մարտ 10-ին նա գրում
է զգացած, սրտառուչ նամակ Ալէքսանդր II-ին, ուր
նկատարէ մատնացոյց է լինում գիւղացիների ազատ-
ման անհրաժեշտութեան վրայ և յայտարարում է, որ
եթէ ցարը յանձն առնէ իրագործելու այդ ուե-
ֆօրմը և դրա համար ցանկանայ, որ Հերցենը լուե-
ժամանակաւորապէս, դադարեցնէ իր ազատագրական

քարոզչութիւնը, — նա պատրաստ է համակերպել
և լուել *)։ Նամակն, ի հարկէ, պատասխանի չ'արժա-
նացաւ։

Մի ուրիշ գիծ ևս գտնում ենք ռուսական շարժման
ուսման մէջ, մի գիծ, որ դարձեալ այդ շարժման
հարազատ սեփականութիւնն է, նրա ուրոյն, բացասա-
կան յատկանիշը։

Դա բաղադրական անտարբերութիւնն
է, աւելի ճիշտ՝ անտարբերութիւնը՝ պետական կազմի
ձևերի նկատմամբ (apolitisme) — մի հանգամանք, որ
այսօր ցոլում է նաև ռուսական խոշոր ու գործօն յե-
ղափոխական կուսակցութիւնների դաւանանքի և մա-
նաւանդ տակտիկի մէջ։

Վատարեալ անտարբերութիւն Հերցենի մէջ՝ դէպի
կառավարական սիստեմները... Հանրապետութիւնը նրա
աչքում աւելի հրապուրիչ չէ, քան միապետութիւնը։
Քրանսիայի նաւաճ հանրապետական իրաւակարգը նրա
կարծիքով բարձր չէ նախնի Ֆէօդալ-միապետականից և
նոյնիսկ շեշտում է, որ այդ հանրապետութիւնը նա-
ճելու համար չ'արժէր իսկ թափել ոչ միայն արիւն,
այլ նոյնիսկ մելան։

Որովհետև... դա դժուարութեան հանրապե-
տութիւնն է։ Եւ Հերցեն մի գերագոյն արհամարհանք
էր տածում դէպի արեւմտեան այդ բուրժուական կեանքի
«մեղանութիւնը», գոեհիւսութիւնը, և նա խանդավառ-
ւած իր հայրենի ժողովրդի բազմահոգեւոր «առաքինու-
թիւններով», երազում էր, թէ այդ ժողովուրդը իր
մեծին կօմունիստական սովորութիւններով ու բար-
քերով, իր «միր»-ի, «արտէլի», համայնական կազմա-
կերպութիւնների սիստեմով կոչւած է մի օր «ուսու-
ցանելու», առաջնորդելու մեղանական, բուրժուական
Իւրոպային։ Դա ռուս «նարոդնիկների», ժողովրդասէր-
ների ծանօթ հաւատամքն է, որ քանի գնում խորտակ-
ւում է իրականութեան արհամարհոտ և արորդ հար-
ւածների տակ։

Հերցեն սիրեցեալ նահապետն է այդ չնաշխարհիկ
նարոդնիկների, որոնք ահագին դպրոց ստեղծեցին Ռու-
սաստանի մէջ և որոնք մշակւած են նոյն հերցենեան
ապաքաղաքական (ապօլիտիկ) հրահանգներով, նոյն
դժբախտ քաղաքական անտարբերութեամբ, որի շնորհիւ
այսօր տակաւին զուրկ ենք մնում հսկայածաւալ Ռուս
սաստանի մէջ սահմանադրական իրաւակարգի ամենա-
տարրական երաշխիքներից...

Միջին ռուս յեղափոխականը, սօցիալիստը, սօցիալ-
դեմոկրատը արիւն ու մարմին է դարձրել իր մէջ այդ
աղէտաբիր արամադրութիւնը և այդ յաւակնոտ ար-
համարհանքը դէպի արեւմտեան սահմանադրութիւն-
ները, դէպի արեւմտեան բուրժուականութիւնն ու «մեղ-
ջանութիւնը»... և այդ այն ժամանակ՝ երբ սեփական

*) Բառացի թարգմանում ենք «Բէէ»-ից, № 83։

Հայրենիքը իր բազմամիլիոն ժողովրդով լրդում է աշխարհի ամենախեղդուկ ճահճի մէջ, անկարող լինելով մի առնական ժեստ անելու և դուրս նետելու դէպի ազատ ու թարմ մթնոլորտ. այդ այն ժամանակ՝ երբ ժողովրդի ազատութեան համար գործելու կոչած սօցիալիստ կուսակցութիւնները բռնել են ամենամութալի իրարամբաստանութեան տենդով, երբ անգամ Սիբիրի 400 բանտարկան դիակների հանդէպ նրանք շարունակում են սնուցանել իրենց ներքին երկպառակութիւնը, շարունակում են դրա հետ միասին իդէօլօգիական ամուլ ճոռոմաբանութիւնները՝ մի քայքայած, աւեր ու փլատակ եղած բանակի մէջ, եւ ի՞նչ զարմանք՝ որ մի լիբէնետ վրդովմունքի գազաթնակէտին բացականչում է պրուսական լանտագում. «Ռուսաստանը Եւրոպայի ամենաբարբարոս երկիրն է»։ Ի՞նչ զարմանք՝ որ մի ուրիշը նոյն ցասումով համակած, յայտարարում է, թէ «Ռուսաստանը Եւրոպայի մէջ է՝ միմիայն իր աշխարհագրական դիրքով»... Չափազանցութիւն կայ, անշուշտ, այդ ցասկոտ յայտարարութիւնների մէջ, բայց կայ և որոշ ճշմարտութիւն, որ դժբախտաբար շատ քիչ է ազդում Ռուսաստանի բախտը որոշող կուսակցութիւնների մտայնութեան ու գործելակերպի վրայ...

* *

Այո, անցեալ դարու 50-ական թւականներին արդէն ծայր էին տալիս նորաբողբոջ ազատագրական շարժման մէջ՝ մեր յիշատակած այդ մի շարք ձախորդ, բացասական գծերը — բաղաբան անտարբերութիւն, ուսուցիչով, կրաւորականութիւն, բուն յեղափոխական քարոզի բացակայութիւն, «բուրժուական կարգերի» ու «մեջանութեան» արհամարհում և սեփական ուժերի անտեղի չափազանցում — որ տակաւին այսօր ևս գերակշռող են ռուսական կուսակցութիւնների մէջ։ Սակայն Հերցեն լոկ այդ ձախորդ գծերով չէ, որ ներկայանում է բնագրատող աչքերի առջև։ Նա իրաւամբ մեծարում ու փառաբանում է իր երախտագէտ յետնորդների կողմից, իբրեւ ռուսական ազատ խօսքի հիմնադիր և իբրեւ ռուսական բողոքի ամենամեծ, ամենահուժեղ շեփորող-հրապարակագիրը։ Նա վճռէրեան գրիչ ունի, սուր, կծու, ծաղրող և խարանդու իր մասնաւոր կեանքը դեռ շատ վաղ մշակել էր իր մէջ բողոքողի ու խարանդուի այդ գծերը։ Դեռ մատաղ հասակի մէջ՝ իջաւ նրա վրայ բռնապետութեան հարածը, նա արքայական դէպի Սիբիրի սահմանները։ Ղերարարձին՝ արդէն գիտակից ըմբոստ է, նրան սկսում է խեղդել հայրենի իրականութիւնը և նա նետում է ինքզինքը Եւրոպա։ Գալիս է Պարիզ 40-ական թւականներին, ծանօթանում է Պրուդոնի ու այլ հռչակաւոր յեղափոխականների հետ, նետում է խանդավառութեամբ պարիզեան փոթորկոտ կեանքի ալիքները, աշխատակ-

ցում է սօցիալիստական թերթերին։ Յունիսեան ջարդերից և միապետութեան նոր յաղթանակից յետոյ *), Հերցեն դուրս է բշոււմ Պարիզից, դառն հիասթափութեան մէջ, փշուած յոյսերով, գնում է դէպի մի աւելի ազատ կայան, դէպի Լօնդօն։ Այնտեղ հիմնում է սպարան և լոյս է ընծայում 1857-ից — Օգարեովի, աւելի ուշ, Բակունինի աշխատակցութեամբ — իր հռչակաւոր «Կոլոզը» (Չանգ)։ Ծանօթանում է այդտեղ, Լօնդօնում, աշխարհահռչակ յեղափոխական արքայալիքների հետ, — Մաձինիի, Գարիբալդիի, Կոշուտի և ուրիշների։

Ահագին ազմուկ յարուցեց Ռուսաստանում ազատ խօսքի այդ առաջին ազդարարը, հագին զարկ տւեց նա — Հերցենի թեւաւոր ու կրակոտ գրչի շնորհիւ — մտքերի սթափման գործին, մի յայտնի իրարանցում ձգելով նոյնիսկ կառավարական շրջանների մէջ։ «Չանգ» ի հրատարակութեան 1857 — 1862 ժամանակամիջոցը պատմական, անմոռանալի մի շրջան է ռուս ազատութեան տարեգրութեան մէջ. մեծ արքայական, սօցիալիստ Հերցեն, նոր խօսք էր հնչեցնում իր ստրկացած հայրենակիցների ականջներին, — ազատութեան ու վերանորոգութեան խօսքը։ Նա գնում էր դէպի Ռուսաստանի բոլոր անկիւնները, հազարաւոր արձագանքներով շրջան էր անում կրթած, լուսամիտ հասարակութեան մէջ, գործում էր իր ազդեցութիւնը նաեւ իշխող տարրերի վրայ, յարուցանում էր երկիւղ ու պատկառանք...

Այդտեղ է Հերցենի մեծ, պատմական նշանակութիւնը, իբրեւ ազատութեան մեծատաղանդ առաքեալի ու հրապարակախօսի։

Հերցեն, սակայն, չգոհացաւ լոկ լրագրային հրապարակախօսութեամբ։ Օժտւած խոշոր ընդունակութիւններով, տէր ահագին զարգացման, էրուդիցիայի, ծանօթ համաշխարհային գիտական-փիլիսոփայական գրականութեան՝ նա շօշափում էր իր բազմաթիւ գրածքների մէջ նաեւ ընդհանուր, վերացական բնոյթ ունեցող, հասարակագիտական խնդիրներ և այդտեղ, այդ ընդհանուր մարզանքների աշխարհում նա արծարծում էր ռուսական սուբ'եկտիվիզմի ծանօթ թեզիսները. նա ինքը, կարելի է ասել, հիմք էր դնում հռչակաւոր սուբ'եկտիվ դպրոցին, որի հիմնական խորհուրդն ու նպատակն է՝ կռիւ յանուն անհատականութեան, կռիւ յանուն մարդ-անհատի լիակատար ազատութեան՝ ընդդէմ այն բոլոր խոչընդոտների ու կապանքների, որ դնում են պետութիւնը, հասարակութիւնը, և սխալ, մոլոր, ծայրայեղօրէն օբ'եկտիվիստ վարդապետութիւնները, որոնք առանձնապէս բարգաւաճում էին այն ժամանակ և որոնք հակած էին զոհաբերելու անհատին յօգուտ ու յանուն հաւաքականութեան, հասարակութեան, պետութեան...

*) 1848-ին նւաճւած Փրանսիական երկրորդ հանրապետութիւնը 1851-ին «պետական հարածով» փոխարինւեց Նապօլէօն III-ի միապետութեամբ։

Անհատի և հասարակութեան փոխ-յարաբերութիւնը, իբրև մէկը և թերևս դժարագոյնը ժամանակակից ընկերաբանութեան՝ ամբողջ կեանքի ընթացքում զբաղեցրին սօցիալիստ Հերցենին — սօցիալիստ՝ ոչ իր դժբախտութեամբ, վարդապետութեամբ, այլ միայն կծու, անողոր իր քննադատութեամբ, ուղղաձ ընդդէմ բուրժուազական կարգերի: Անհատի երջանկութիւնը պէտք է լինի առանցքը և վերջնական նպատակը հասարակական էւօլիցիայի. անհատը — այդ կօնկրետ, շօշափելի էութիւնը՝ իր այլազան պահանջներով ու տենջանքներով պէտք է ստանայ, պէտք է նւաճէ հնարաւորութիւն՝ լիակատար ու բազմակողմանի կերպով զարգացնելու իր մտաւոր, հոգեկան, ֆիզիկական կարողութիւնները... Ահա այն մեծ թեզիսը, որ յետագայում աւելի հանգամանորէն պիտի արծարծեն Լավրով, Միխայլովսկի և ռուսական սուբ'եկտիվիզմի այլ ահանաւոր ներկայացուցիչներ: Դա Շտիրներեան կոպիտ անհատապաշտութիւնը չէր, դա անհատի սանձարձակ, էգօիստական պաշտամունքը չէր, որ մտածում է սոսկ եսի հաճոյամոլ խորժակների և անզուսպ վայելքների մասին, արհամարհելով ամեն իդէալ և ամեն մի հեղինակութիւն, ոտնահարելով ուրիշ մարդկանց նոյնքան սուրբ իրաւունքները, ծաղրելով ու նշաւակելով «հասարակութիւն», «բարոյականութիւն», «գաղափար», «պարտականութիւն» և այլ նման «կուռքեր»...

Ընդհակառակը, Հերցեն, Լավրով, Միխայլովսկի, Չերնով, ամբողջ ռուսական սուբ'եկտիվիստ դպրոցը չափազանց բարձր է դնում ի գէ ա լ ն եր ը և նրանց հետ կապած պարտաւորութիւնները, բարոյում է անդադար զրկանք ու զոհողութիւն, բարոյում է գրեթէ միջնադարեան նահատակութիւն յանուն իդէալի, ժողովրդի, հասարակութեան... Նա չի զատում անհատը հասարակութիւնից, չի տեսնում անտիթեզ, թշնամութիւն, հակօրինութիւն այդ երկու կատէգորիաների միջև, չի հակադրում էգօիզմը ալտրուիզմին, եսը հաւաքականութեան, որը միացնում, ձուլում է նրանց կեանքի միևնոյն ամբողջական յորձանքի մէջ, իբրև այդ կեանքի երկու տարբեր, հարազատ և հիմնական տարրերներ — փոխադարձաբար լրացնող — երկուսն էլ հաւասարապէս ծանրակշիռ և անհրաժեշտ... Եթէ, հարկաւ, ըմբռնենք էգօիզմը իր ազնւագոյն իմաստով, իբրև շեշտում մարդկային անհատականութեան իրաւունքների ու պահանջների և ոչ իբրև ջատագովում հակաընկերային, անասնական կրքերի ու թուիչքների:

Մի հարուստ, շքեղ անհատականութիւն, մի սուր ու մտաւոր գրիչ, մի խորապէս ինքնատիպ ոճ, որ թերևս մեծագոյնն է հեղինակի քննադատ օժիտներից, որ առատօրէն փռում է ձեր առջև գեղարվեստագէտ-հրապարակագրի այնքան փայլուն և հրապուրիչ էջեր, տարա-

ծելով ամենուրեք խանդավառումն ու ելէքտրացում. վերջապէս, մի ազնիւ, հայրենաշունչ մարտնչող, որ թէպէտ և չ'ըմբռնեց սկզբից շիտակ ու բաղձալի ճանապարհը, թէպէտ և չ'ազատեց մարզել իր հայրենի երիտասարդութիւնը բուն, դասական յեղափոխութեան միակ փրկարար հնոցի մէջ, այնուամենայնիւ մեծ, ահագին, արգասաւոր գործ կատարեց այն մտաւոր ժամանակներում — իսկ մեծ մարդկանց պէտք է դասել իրենց ապրած ժամանակի տեսակէտից — առաջ բերեց մի շարժում մտքերի ու հոգիների մէջ, որ գնաց այնուհետև յայրաճուն կոհակներով, մերթ ընդ մերթ դաւաճանեց իր սկզբնական խաղաղասէր պատգամներին, մերթ ընդ մերթ որոտաց ռուսի, ուժանակի սասանեցուցիչ բոմբիւններով, յղացաւ դժոխային և խօլական դաւադրութիւններ, շանթահարեց, գետին փռեց արքաներ ու մինիստրներ, սարսափեցրեց աշխարհը մի չնչին փոքրամասնութեան հերոսական թուիչքներով, իդէալիզմի ու անձնուրացութեան շնաշխարհիկ պոռթկումներով, ճարակեց և ճարակեց անհաւասար բաղխումների մէջ, թուլացաւ, ուժասպառեց և ամբողջ տասնեակ տարիներով չբացաւ հրապարակից, ապա վերստին բեմ նետեց մի աղէտաւոր պատերազմից նպաստաւորաձ, նւաճեց ազատութեան մի քանի փշրանք և նորէն խորտակեց ու խորասուզեց ժամանակաւոր մոռացութեան ալիքների տակ, ուսկից նորէն դուրս կը լողայ վաղ թէ ուշ, ցաւոտ կեանքի հրամայական պահանջների հանդէպ, աւելի կուռ, ներդաշնակ, կազմակերպած, աւելի հզօր և յաղթական:

Մ. Վ.

Ք Ա Ղ Ա Ք Ա Կ Ա Ն

ԳԵՐՄԱՆԱԿԱՆ ԱՐՇԱԻԸ

ԵՒ

ԹԻԻՐԲԻՈՅ ԺԱԿԱՏԱԳԻՐԸ

(Վերջ)

V

(ԱՆԴՐԱՒԱՐՁՈՒՄՆԵՐԸ ՆՐԿՐԻ ԸՆԴՀԱՆՈՒՐ ԿԱՑՈՒԹԵԱՆ ՎՐԱՅ)

"Had it been possible to continue the Bagdad Railway to Adana sooner, that populous town would most likely not become the scene of horrible massacres and would not now lie in ruins".

A. v. Gwinner
(The Nineteenth Century, June 1909).

«Եթէ հնար լինէր աւելի վաղ շարունակել Բաղդադի երկաթուղին դէպի Ադանա, այդ բազմամարդ բաղաժէր դառնայ սարսափելի ջարդերի թատրոն և այսօր ընկած էր լինի աւերակների մէջ»...

Այսպէս է յայտարարում Լօնդոնեան Հանդէսի մէջ Արտուր Ֆօն Գվիններ, Deutsche Bank ի հօր, ազգեցիկ վարիչը, որ վերջերս Բերլինում ներկայութեամբ Այազերի և բոլոր դիւանագիտական աստղերի՝ կարգաց դասախօսութիւն Բաղդադեան գծի մասին, պարզեց հանգամանորէն նրա ընդհանուր և մասնաւոր արժէքները:

Գուցէ չի սխալում Ֆօն Գվիններ: Արդարեւ, եթէ կամենանք վեր հանել երկաթուղային հսկայ ձեռնարկի գալոց հաւանական բարիքները, պիտի ասենք ամենից առաջ, որ նա էպպէս խաղաբարար մի գործօն է Թիւրքիոյ այլատարազ և հակամարտ ցեղերի շրջափայրում:

Թո՛ղ նա լինի ստրատեգիկ, ռազմագիտական մի ուղի: Թո՛ղ խաղաղութեան ձիթենիի մէջ թագնւած լինի ապագայ խօլ բաղխումների ու աշխարհակալութեան սպառնալիք... Յամենայն դէպս, դա հեռուոր, անսխալատենելի ապագան է: Իսկ առ այժմ՝ այդ վիթխարի ձեռնարկը իր անհաշիւ տնտեսական ու կուլտուրական հետեւանքներով, անտարակոյս, պիտի նպաստէ նախ և առաջ խաղաղ ու հաշտ դրացիութեան ազգերի միջև, պիտի մեղմէ գոյութեան կռիւի բիրտ ու գաժան, անասնական ձեւերը, պիտի ուղղէ միջցեղային հակամարտութիւնը դէպի աւելի մարդավայել, բազաբակիր ճանգրուաններ, պիտի փոխէ հետզհետէ թափառական բըրգերի, չէրքէզների, բեգուկների բնազդները, պիտի աջողէ աստիճանաբար ընտելացնել այդ սոսկալի խաժամուժը՝ նստակեաց, կուլտուրական մարզանքների, պիտի միացնէ նոյն ընդհանուր, արդիւնաւոր Աշխատանքի մէջ երէկւայ և այժմեան մոլեգին հակոտնեաներին և անգամ ամենաբիրտ, մարդակեր նոմադներին, որոնք ի վերջոյ կըմբռնեն, որ այդ ազնիւ, ստեղծագործ աշխատանքը աւելի լաւ է, աւելի բանական, նպատակայարմար, քան թէ անվերջ, յաւիտենական իրարաջնջումը:

Զոգեշարժը, որ գիտէ հրահրել, կենդանացնել նստակեացին և որ տալիս է հնարաւորութիւն՝ ամեն վայրկեան կենտրոնացնելու ոստիկան զօրքերը—մի անդիմադրելի զէնք է նոմադի, թափառականի դէմ *):

Ճիշտ է ասում Ալիկտըր Բերար... Ընդունելով ի հարկէ, որ այդ ոստիկան զօրքը կը լինի միշտ համապատասխան իր կոչման, կ'երթայ միշտ ճնշելու... ապօրինութիւնն ու անարդարութիւնը:

Ճիշտ է և Բերարի հետեւալ գիտողութիւնը.

Առևտուրը, որ ուղեկցում է շոգեկառքին, կրկնապատկում է ամեն բանի գինը և տալիս է աշխատանքին մի այնպիսի վարձատրութիւն, որպիսին երբեք չեն կարող տալ թալանը և խաշնարած կեանքը, առանց մեծ ռիսկի ու վտանգների... Մի բանի քրդական խմբեր, որ կառավարութիւնը բնակեցրել է լեռներում, Եփրատի և Նիլիկիոյ միջև՝ զարձեւ են այսօր շատ լաւ ֆէլլա հնէր:

Ալէքսանդր Ուլար, Թիւրքիոյ մէջ ճանապարհոր-

*) Victor Bérard, Vers Bagdad, Revue de Paris, 1 Juillet 1907.

դած և կացութեան իրազեկ նշանաւոր ֆրանսիացիներից մէկը, հետեւեալն է գրում Բաղդադեան երկաթուղու առթիւ.

Ամենամեծ ձեռնարկը, որ ողնայարն է վերանորոգող Թիւրքիայի և գալոց գերմանական ազգեցութեան շըր-Ջանի,—դա Բաղդադի երկաթուղին է... Այդ գծի բարեւար ներգործութիւնը այժմ իսկ արդէն երևան է գալիս անժխտելի կերպով: Թէև գործառնութեան տնօրէնը, պ. Հիւգենզ գերմանացի չէ, այլ շվեյցարացի, ակներև է սակայն, որ ձեռնարկի կազմակերպութիւնը մասնաւոր է զուտ գերմանական ոգի: Թիւրք կառավարութիւնն արդէն բնաւ իրաւունք չունի խառնելու երկաթուղային գծի գործերի մէջ: Նա մէկ իրաւունք միայն ունի—պահպանել կայարաններում ժանդարմներ: Ծառայողները և պաշտօնեաները աշխատում են բոլորովին գերմանական ձևով, թէև նրանց ահազին մեծամասնութիւնը բաղկացած է տեղացիներից—այլ և այլ ցեղերի ու կրօնների պատկանող — Թիւրք, յոյն, հայ և այլն, որոնք կարծես բոլորովին մոռացել են իրենց անհամաձայնութիւններն ու զօտութիւնները՝ այն գրեթէ զինւորական կարգապահութեան հանդէպ, որ պատաստել են գերմանացիք և որ նրանք հրապարկ են դարձրել՝ կանոնաւորապէս վճարող լաւ ռոճիկներով: Մարդիկ և համագեղատները մաքուր են. ծառայողների դիրքը վայելուչ, պաշարիւնն ու համարձակ. ճշտապահութիւնը՝ կատարեալ: Մաքսաւորներն իսկ զինւորական ձևով ողջունում են գնացքները...

Ընկերութիւնը հիմնել է ծառայողների համար մի յատուկ լիցենզիարիզ, որ մասամբ նա ինքն է տնուցանում առատաձեռն ուէրներով: Ուրիշ միջոցներ ևս ի գործ են դնում՝ պահելու համար ծառայողներին իրենց պաշտօնում: Այդպէս օրինակ, երբ որեւէ ծառայողի, պաշտօնեայի աղջիկ ամուսնանում է մի այլ ծառայողի հետ, նա ստանում է բաւական չափ մի օժիտ... Այդ միջոցը նպատակ ունի գրչել ծառայողներին՝ ամուսնանալու հէնց տեղացի կանանց հետ, որոնք սովոր են կայարանական կեանքին, որոնց չի տաղուկացում այդ կղզիացած վիճակը, հեռու մեծ քաղաքներից: Կայարանների մօտ ձրիաբար դրւում է ծառայողների տրամադրութեան տակ մի սրտը հողաբաժին, բանջարեղէն ու ծաղիկ մշակելու համար... Ընկերութիւնը բաշխում է նոյն իսկ ծաղիկներ ու սերմեր և անգամ տալիս է սիրողներին փոքրիկ թուղուններ, սքանչելի բանարեակներ *):

Ոմանք կը հարցնեն—շարունակում է Ուլար—ինչո՞վ արդեօք կարող են օգտակար լինել գերմանական Welt-politik-ին այդ ծաղիկները, բանարեակները, այդ պատէզներն ու զինւորական ողջոյնները: Բայց նրանք, որոնք պտտել են համաշխարհային բազաբականութեան մեծ ճամբաների վրայ, լինի եգիպտոս կամ փոքր Ասիա, Տուրկեստան կամ Սիբիր, — նրանք գիտեն թէ ինչ աներևակայելի բարոյական ազգեցութիւն է գործում ազգաբնակչութիւնների վրայ՝ հակապատկերը այդ փոքրիկ, յստակ դրախտների, ուր կայ կարգ ու բարեկեցութիւն և այն մեղկ, անփոյթ, աղտոտ ու թշառ գոյութեան, որի մէջ խորասուզւած են նրանք:

Այդ երկրներում, որ իրենց վաղեմի բարբախտ վիճակից իջնելով՝ ընկել են մի անկարող վարչութեան շնորհիւ այդ լքաւեր վիճակի մէջ, մասնաւոր են տնտեսական հիւժման և ընդհանուր մեղկութեան պատուհասին — այդպիսի երկրներում շոգեկառքի բարեբար, կազդուրիչ տպաւորութիւնը անհամատասելի ուժեղ է, քան թէ, Երևան, Հնդկաստանում կամ Չինաստանում, ուր երկաթուղին ոչինչ չի կարող աւելացնել

*) La Weltpolitik Allemande... La Revue, 1 Juin 1905.

ազգաբնակչության անմիջական բարգաւաճումին: Եւ այդ տպաւորութիւնը եւս առաւել ուժեղանում է, երբ—ինչպէս այդ տեսնում ենք Բաղդադի դժի վրայ—օրինակը տալիս են իրենք տեղացիք իսկ, որոնք դեռ երէկ գտնուում էին կիսաբարբարոս վիճակի մէջ, իսկ այսօր հանդիսանում են, որպէս համազօւած առաքեալներ կարգի և խղճամիտ աշխատանքի: Այդ երկիրներում՝ երկաթուղային կայարանները ճշմարիտ շուկաներ են, որ շահագործում են ոչ միայն եւրոպացիներին, այլ և—էական էլ այդ է—տեղացիներին: Քաղաքակրթիչ հոսանքը անուղղակի է, դանդաղ, հազիւ նշմարելի, բայց նա բռնում է չարիքը արմատից: Հարկ է ապացուցանել այդ ազգաբնակչութեան, որ նրա դժբախտութիւնները բխում են անկարգ, քաոսային աշխատանքի սովորութիւններից և որ իր վիճակի բարելաւման միակ միջոցը՝ իր կարողութիւնների խելացի շահագործման մէջ է...

Գերմանական երկաթագիծը յարուածիւն կը տայ փոքր Ասիային, ասում է միւս ֆրանսիացի հետազոտողը — Դէլէզի:

Հայաստանը, Ասորեստանը, Բաբելոնը դուրս կը գան շուտով իրենց երկարատե քնից... Որպէս զի արիւնարբութիւնը դադարէ քաղաքներն ու կարաւանները իրաւանելուց, որպէս զի թափառական արաբը այլ ևս հրացանի չբռնէ լաստափայտերը, որոնք իջեցնում են ապրանքները Տիգրիսի և Եփրատի ջրերով, որպէս զի ի՛նչ բիւրդը և լժէ արարը ազատ թողնեն ասպարէզը մշակայթի և առևտրի համար, բաւական է, որ երկաթուղին բերէ այնտեղ կանոնաւոր զօրք, որ նա միացնէ հսկողութեան բերդակները, յետ մղէ թափառականներին, պահէ նրանց մշտապէս անապատի աւազներում կամ լեռնային արօտներում: Լօկօմոտիվի առաջին սուղոցի վրայ՝ դաշտերը պիտի ծածկէին հունձքով և բազարը պիտի լցէի առևտուրի ժխորով:

Որովհետեւ այդ երկիրները արգաւանդ են Ամբողջ տարածութիւնը Հալէպից մինչև Մոսուլ եղել է դերազանցապէս բամբակի երկիր: Մոսուլից է, որ երբեմն ստանում էինք մարմաշը: Հայերը գործում են Ուրֆայում (գերմանացի գործարանատէրերի ղեկավարութեամբ) այդ սքանչելի արևելեան գորգերը, որ գեղեցկացնում են մեր ցուցահանդէսները *):

Յայտնի է այդ գժբախտ քաղաքի արիւնոտ անցեալը: 1500 հայերի ճարակումը հայոց վառած եկեղեցու հրդեհի ու ծխի մէջ: Հազարաւոր որբերին մեծ մասամբ ապաստանեցին գերմանացիք, սկսեց օգնութեան մի ընդարձակ գործ, որի հոգին էր Եօհաննէս Լեպցիոս: Հէնց որ խաղաղութիւնը վերահաստատուեց, այդ հարկւրաւոր այրիների ու որբերի գանգաւածը գերմանական արհեստանոցներում համախմբւած, դարձաւ շուտով խթանը Արևելեան ճարտարեւտի մի կարևոր ճիւղի, գորգաշին արգիւն ագործութեան, որին դեռ վերապահւած է մեծ ապագայ, շնորհիւ նորակառոյց երկաթուղու:

Տնտեսական կեանքը ամբողջ երկրում հսկայական թռիչք կ'առնէ: Հայ ժողովրդի ահագին մեծամասնութիւնը դուրս է մնում այդ մեծ զարկերակի սահմաններից, այնուամենայնիւ, նա ևս կը կրէ ան-

*) Թէ ինչ կարող է դառնալ այդ երկիրը՝ վկայում է Թուրքեստանի օրինակը: Աերջինք ոչինչ չէր արտահանում Ռուսները շինեցին անդրկասպեան երկաթուղին և այսօր ստանում են այդ երկրից 180 միլիօնի բամբակ:

Fr. Delaisi, L'axe de la Politique Européenne, La Revue, 1 Nov. 1907.

խուսափելի կերպով ընդհանուր յեղաշրջման անդադարձութենքը: Կենտրոնական գիծը հետզհետէ կ'արձակէ իր ճիւղերը այլ և այլ ուղղութիւններով, կը կապէ լքւած, կղզիացած կենտրոնները: Առևտրի և արգիւնաբերութեան զարգացման հետ՝ կըսկսին ազգաբնակչական շարժումներ, աւելի աշխուժ ու ձեռնարկու տարրերը կը տեղափոխւին կամաց-կամաց, կը կենտրոնանան խոշոր, եռուն գործառնութիւնների շուրջը և հայ տարրը, որ յայտնի է Արևելքում իր ձեռնարկու ոգով, իր գործնական ուժեղ բնազդով, որ գրեթէ միակ կուլտուրակիր (Kulturträger) տարրն է իր վայրենի, խայտաբղէտ միջավայրում, մարսող արևմտեան քաղաքակրթութեան արգասիքների, օտար լեզուների ու սովորութիւնների — հայ տարրը, անտարակոյս, մեծապէս կը նպաստաւորւի անտեսական գալոց հսկայ վերիվայրումով: Նա կարող էր երկիւղ ունենալ գերման տարրի մրցակցութիւնից, բայց առ այժմ — և երկար ժամանակ — գերմանական գաղթականութիւնը չպիտի հաստատուի փոքր Ասիոյ մէջ: Բերլինը Բ. Դրան պահանջումով, հրաժարել է այդօրինակ ծրագիրներից:

Տաւրոսի լանջերից մինչև ծովի եզերքները — ասում է Բերտր—երկաթուղին մի քանի օր շարունակ պիտի ճեղքէ բամբակի գրեթէ անընդհատ մի դաշտ... Եւ ձեռագործը շատ մօտ է, հմուտ, տոկուն, համբերատար ձեռագործ, որ պէտք ունի միայն ապահովութեան, որպէս զի նորէն մաքրէ, մշակէ հայկական թագաւորութեան այդ հինաւուրց հողերը, ուր Տիգրան Մեծը կառուցել էր իր մայրաքաղաք Տիգրանակերտը...

Կիլիկիան — երկրագնդի ամենաարգաւանդ վայրերից մինը — լիառատ կը վայելէ երկաթուղու բարիքները: անտեսութիւնը կը զարգանայ, կը բարգաւաճի: Կօնիայից՝ գիծը պիտի ուղղւի դէպի Ադանայի դաշտը, ուր լեռնային հեղեղները ստեղծել են ամենաբերրի հողերի լայնածաւալ մի դաշտավայր, մի երկրորդ Եգիպտոս, ուր ցորենը և բամբակը գտնում են մի սքանչելի գետին:

Երբ կը փորւին Տաւրոսի տունները, կը ձգւին կամուրջները և կը յաղթւին հարիւրաւոր այլ արգելքներ, երբ Տաւրոսից գահավիժւելով շոգեկառքը կը սլանայ դէպի Ադանա՝ այնտեղ նա կը միանայ Մերսինի երկաթուղուն, որ նոյնպէս այսօր գերմանացոց ձեռքում է. այն ժամանակ լեռնադաշտից ցորենը, բուրգը, մետաղները առատութեամբ և գիւրութեամբ կը հեղհեղեն դէպի Մերսին, դէպի ծով, և այնտեղից կը բարձրանան, հակառակ ուղղութեամբ, դէպի վեր՝ Եւրոպայից նաւերով բերւած ապրանքները:

Թուրքիոյ հանրային աշխատանքների մինիստրութիւնը 1909-ին հրատարակած իր մի յիշատակագրի մէջ հետեւեալն էր ասում Կիլիկիոյ մասին *).

Ադանայի և Մերսինի դաշտավայրը մինչև Սիս՝ ունի

*) Քաղում ենք դօքտոր Ռօբբասի գրածքից՝ „Die Bagdadbahn“.

առաջադրված բեղմնավորութիւնը Նա յարմար է ամենաայն-
լազան մշակոյթների համար և մանաւանդ հացահատիկների
ու բամբակի համար: Այդ վերջինը կարեւորագոյնն է: Երեք
նշանաւոր դետեր ուղղում են այդ դաշտը. Թարսու-Չայ,
Սէյուն և Ջհան: Չոր ամիսների մէջ—սեպտեմբեր, հոկտեմ-
բեր—այդ դետերը այնքան ջրառատ են, որ կարող են գո-
հացնել դաշտի ուղղման կարիքները: Իսկ գարնան նրանք
այնքան վարար են, որ հունձքի համար փաստակար ողողում-
ներ են առաջանում: Հարկ է, որ եւս, մի կողմից ուղղում
աշխատանքներ կատարել, միւս կողմից՝ ճահճային վայրերը
ցամաքեցնել:

Անգամ իր այժմեան վիճակի մէջ—ասում է Ռօօր-
բախ—կիւիկիոյ դաշտը բամբակի արդիւնագործութեան
կարեւորագոյն վայրն է ամբողջ արեւմտեան Ասիոյ մէջ:
Բամբակի հունձքը կիւիկիոյ մէջ հասնում էր՝

1904/05	45,500	հազ
1907/08	60,400	»
1908/09	76,400	»
1909/10	59,400	»
1910/11	85,000	»

Ընթերցողը տեսնում է 1909/10 թվականի մէջ
հունձքի խոշոր նւազումը: Պատճառը Ադանայի կոտո-
րածն էր, ասում է Ռօօրբախ. դաշտի հայ ազգաբնա-
կութիւնը յօշոտեց, հնձող, աշխատաւոր ձեռքերը պակ-
սեցին և բամբակի արդիւնագործութիւնը, որ աւելի ևս
պիտի աճէր, բարձրանար—նւազեց պատկառելի սովորով:

Կիւիկիոյ դաշտն իջնելուց յետոյ՝ երկաթուղին նորէն
պիտի մագլցէ լեռն ի վեր, յանգելու համար Եփրա-
տին: Ահագին աշխատանք կը թափւի և այդտեղ, մե-
ծամեծ ծախքեր կ'արւին խոշնդոտները հարթելու
համար: Այդտեղ՝ նոր տեսարան, նոր, աւելի բազմազան
արդիւնավայր: Երկաթուղու մի ճիւղ կ'երթայ դէպի
Մարաշ, Փոքր Հայքի բազմամարդ կենտրոնը: Այդ-
տեղ ևս, ապահովութիւնը հաստատելով՝ վայրենի
հրոսակների մշտնջենաւոր սպառնալիքն ու երկիւղը փա-
րատելով, ազգաբնակչութիւնը, մասնաւորապէս հայ
տարրը, կը նեւաւի բոլոր թափով տնտեսական յեղա-
շրջման հոսանքի մէջ և կարճ ժամանակամիջոցում կը
վերակենդանացնէ այդ թշուառ, լքած, թալանւած
վայրերը:

Մի այլ ճիւղ կ'երթայ դէպի Այնթափ, ուրիշ
կարեւոր մի կենտրոն, ընկած ցորենի, գարիի, եգիպտա-
ցորենի, խաղողի, պիստակի ու թուզի գաշտերի մէջ:

Մի երրորդ ճիւղ կ'երթայ դէպի Բիրեջիկ, ուր
դիմում են հայկական կարաւանները՝ Եփրատն անց-
նելու համար:

Ապա և—Հալէպը: Գերմանական արշաւի մի այլ
կարեւոր նպատակակէտն է այդ ծանօթ շահաստանը, որ
մի քանի տարի առաջ վերապահւած էր համարւում
Ֆրանսիային: Ֆրանսիացիք ուզում էին Բէյրութ-Դա-
մասկոսեան իրենց գծից մի ճիւղ տանել դէպի Հալէպ,
ապա և շարունակել մինչև Եփրատ: Բայց Բերլինն էր,

որ սիրաշահեց Եւրոպայի մենաւորին և այդտեղ ևս վաս-
տակեց առաջնութեան արմաւենին: Այդպիսով Հալէպն
ևս այսօր գերմանական ազդեցութեան շրջանում է: Եւ
Թիւրքիոյ ամենահարուստ շահաստաններից մէկն է դա:
Այդտեղ են հանգիպում բոլոր ճամբաները, որոնք իջ-
նում են հիւսիսում՝ հայկական Ցաւրոսից, արեւելքում՝
Միջագետքից, հարաւում՝ Սիրիայից և այն ճամբաները,
որ բարձրանում են Միջերկրականից, տանելով եւրո-
պական արդիւնագործութեան ապրանքները: Այդտեղ,
Հալէպ է, որ համախմբւում են տասնեակ հազարաւոր
ուխտաւորները, որ ամեն տարի Պօլսից, Մօսկուից և
Բաղդադից գալիս են, դիմելու համար դէպի Մեկկա-
Հալէպը իր 140,000 ազգաբնակչութեամբ գերմանական
գծի ամենահարուստ շահաստանն է, այդ գծի ամբողջ
2800 կիլոմետրի տարածութեան վրայ *):

Այդտեղ ևս, այդ եզակի շահաստանում, հայ տարրը
պիտի լինի տնտեսական և կուլտուրական շարժման
աւանգարդի, առաջապահի մէջ: Նա եղել է այդ պատ-
ւաւոր դերի մէջ—մինչև օրս էլ: Ինչպէս Մեծ Հայքի
բարձրագագաթ լեռներում ու խորանդունդ կիրճերի
մէջ—այդտեղ ևս իր մռայլ պատմութեան ամենահին
օրերից ի վեր, այդ զարմանալի տարրը սնուցել է շա-
րունակ փոխադրութեան ու փոխանակութեան երկայ-
նաձիգ զարկերակները, եղել է միշտ առևտրի ամենա-
գլխաւոր ազգակը, կարաւանային կեանքի ոգին... ան-
գամ իր ամենամռայլ, ամենաարհաւիր շրջաններում,
երբ ամեն մի բայլափոխում հանգիպել է բարբարոս և
գիշատիչ նոմադներին, երբ ամեն մի բայլափոխում այդ
կենսաբեր, կուլտուրատար կարաւաններին սպառնացել է
յարձակման, թալանի ու կոտորածի վտանգը...

Իջնելով իրենց Ցաւրոսից — գրում է Աիկտօր Բերար —
հայերը մշակել են լեռան վերջին գաւիթայրերը, ինչպէս
նաև դաշտի ծայրերը. ապա և, առևտուրը կտնտեսաւորելու
համար, զարդարել են Միջագետքի ճանապարհը օթեւան-
ներով:

Նրանց (հայերի) շնորհիւ է, որ Հալէպը, իբրև Արեւմտեան
մթերանոց (entrepôt de l'Occident) հաղորդակցում էր
Մօսկուի հետ. իսկ վերջինը բազարն էր Հնդկաստանի և
Պարսկաստանի...

Լեռնային ծերայրերի անցնելով, հայկական կարաւանները
մեծ շրջան էին անում Բիւիսի, Այնթափի, Ուրֆայի, Սե-
վերիկի, Դիարբեկի, Մարդինի, Ճեզրէի վրայով... Հանգրը-
ւանների, օթեւանների մէջ հաստատուած էին հայ բազար-
ներ, հայ վաճառականները հարստանում էին, ձեռք էին
բերում շրջակայ այգիներն ու դաշտերը, ուր նրանք տեղա-
ւորւում էին վարձակալների պաշտօնով լեռից կանչւած իրենց
ազգակիցներին: Կոտորածներից առաջ պաշտօնական աշխար-
հագրութիւնը **) հաշւում էր՝ 10,000 հայ Հալէպի շուրջը,
2800 Բիւիսի, 4000 Այնթափի, 4500 Ուրֆայի, 3800 Սեվ-
րեկի, 10,000 Դիարբեկի, 15,000 Մարդինի, 5000 Ճեզ-
րէի շուրջը: Դա հաստատուած էր հայ ազգաբնակչու-
թիւնն էր: Այդ թւերը կրկնապատկուած, թերեւս եռա-
պատկուած էին հայ երկրագործ աշխատաւորների հոսանքով,
որ ամեն տարի իջնում էր լեռից մշակութեան կամ հունձքի
աշխատանքների համար. բացի այդ՝ կա, ինչ և բազմաթիւ

*) Delaisi, L'Axe de la Politique Européenne.

**) Եւ Vital Cuinet, Turquie d'Asie.

Հայ աստանդական ուղեւորները, որոնք անգաղար շրջանառում էին բաղարից բաղար Պէտք է հաշուել մի 100,000 այդ «կղզի» հայ ազգ սքանաթիւնը, որ ապրում էր բուն Հայաստանի եզրերին: Նրանց քանակը աճելով իրենց հաւրապում էին թուում է թէ նրանք կոչւած էին մեծ գեր խաղալու Ասիայ խաղաղ գարգացման մէջ, քանի որ Մոսկովից անդին՝ նրանց յարաբերութիւնները կամ գաղութները, շարունակելով մինչև Բոսթոն և Բուխարս, հանգիստնում էին իբրև առաջին սիւնները այն բարեկամութեան կամ միջոց (les premières piles du pont d'amitié), որ եւրոպական քաղաքակրթութիւնը մի օր պիտի ձգէ թիւրքական, քրդական և բեկուինեան վայրերն ու թեան վրայից՝ դէպի արեւստագէտների ու բանաստեղծների երկիր Պարսկաստանը, կամ աւելի հեռուն՝ դէպի Հնդկաստանի ու Չինաստանի քաղաքակրթութիւնը:

... Այդպիսով, «կղզի» հայերը հաղորդակցութիւն էին հաստատել Փոքր Հայքի մեծ շուկաների (emporium) և թաւրիզի, Թեհրանի ու Սպահանի հայկական մեծ բաղարների մէջ: Պարսկաստանից դէպի անգլիական հովանաւորութեան տակ նրանց կարաւանները գնում էին դէպի Ալդանիստանի անցքերը և խնդուի գաշտաւայրը, մինչ նրանց ազգակից ռուսահայաստակ հայերը փոխանակում էին նրանց կասպից ծովի նաւահանգիստներում ու խորասանի ծածկ բաների վրայ... Նրանք հասնում էին չինական Թուրքեստանի դռներին, ուսկից մի ժամանակ հեղեղել է թուրքական ու մանդոլական բարբարոսութիւնը, ուր այսօր եւրոպական քաղաքակրթութիւնը գալիս է բաղխելու և գտնում է տասնութհնգ դարերի աւազների տակ Ալեքսանդրեան շրջանի յունաց կոթողներն ու յուշարձանները... Կիպրոսի ծոցից մինչև Պէլզիի ծոցը աշխատաւոր ու քաջաբնաստ մրջինների այդ յամրելից հոսանքը գնում էր ծակելու, փորփորելու ամբողջ Ասիան: Այդ ցեղի տոհմութիւնը և ճկուն հնարագիտութիւնը, միացած օրինակելի սակաւապետութեան, ժուժկալութեան հետ՝ ենթադրածէն շատ աւելի շուտ կը կատարէին այդ տիտանեան գործը (Ասիայի փորփորումը, «ներթափանցումը»): և այդ նախակարապետների ետևից մեր քաղաքակրթութիւնը առաջ կ'ընթանար առանց բռնութիւնների և սպանութիւնների...

Արդհետև այդ հայերը արդէն իսկ մեր ունցից էին: Նրանք գնում էին իրենց վաստակի մի մասը գաղութների մէջ և բարեպատեհ մի հանգիպումով կաթօղի ու բողբոջական միոսոնարները մրցում էին՝ գրաւելու համար հայերին, մարդելու նրանց՝ եւրոպական գաղափարների ոգով... Այդպիսով, Էւրոպայի և Ասիայի մէջտեղ՝ ստեղծւում էր եւրոպական ասիական ցածր ասիական մի ժողովուրդ (un peuple d'Asiatiques européanisés), որի դէմ ազգութեան սուտ մասի պահպանում էր վաղեմի կեանքը և ի դէմս իւրաքանչիւր հատուածի մտաւորականութեան՝ իւրացնում էր արեւմտեան նորոյթների ծաշակը *):

Պարիզեան գիտնականի այդ սրտառու էջերից յետո՛յ՝ այլ ևս հարկ չկայ ծանրանալու հայ տարրի խաղալիք տնտեսական և ընդհանուր-քաղաքակրթական դերի վրայ:

Առաջ գնանք Բաղդադեան ապագայ երկաթուղու գծով և դիտենք ճանապարհի հարստութիւններն ու ազգաբնակչութիւնը:

Դիարբեկի շրջանը դեռ շատ հնուց յայտնի է իր պղնձի հանքերով. և չնայած մշակութեան նահապետական ձևերին ու հաղորդակցութեան ճամբաների բացակայութեան՝ այդ հանքերից մեծաքանակ պղինձ է գալիս դէպի Ալեքսանդրիա և Սամսոն: Ահա թէ ինչ է

գրում այդ հանքերի մասին Վիտալի ին է իր համաբաւոր գրածքի մէջ *):

Արդանա Մագանի հանքը, գտնւած է տակաւին 1096 թւին: Մինչև օրս յայտնի եղած շերտը մօտ 12,000 քառակուսի մետրի տարածութիւն ունի: Հանքը հարուստ է պղինձով և սրբան աւելի էք խոր թափանցում, այնքան աճում է նրա պարունակութիւնը: Միջին հաշուով հանքը պարունակում է 30 տոկոս պղինձ, 30 տոկոս ծծումբ և 40 երկաթ: Առի չգոյէ ջարդող ու ծակող մեքենաների՝ հանքը գետնի տակից դուրս բերելով, կտրատում են մուրճի օգնութեամբ... Ուղտապանները տանում են հանքային ձուլաւածքը թոկատի գործարանը, Սրվազի վիլայէթի մէջ վերջնականապէս մշակելու և նրբացնելու համար... Փոխադրութեան ճանապարհները ընդհանրապէս անպէտք են, տեղտեղ անանցանելի...

Հայոց կոտորածը այդտեղ ևս ունեցաւ իր անդրադարձումը: Չեռագործը պակասեց, հաղորդակցութեան ճանապարհները աւելի ևս դժւարացան, անպէտքացան: Բաղդատի գիծը կը գայ և նոր թռիչք կը հաղորդէ հանքային արդիւնագործութեան և Դիարբեկի շրջանը նոր հռչակ ու հրապոյր կը ստանայ:

Ապա—Միջագետքը... Տիգրիսի և Եփրատի հսկայական աւազանը և մարդկութեան ու քաղաքակրթութեան մեծահռչակ որրանը: Որքա՛ն յուշեր և թագնւած հարստութիւններ: Դեռ մնում են այդ հինաւուրց քաղաքակրթութեան հետքերը, հին, հոյակապ ջրանցքների ու ճամբաների գծերը, թաղւած ու մոլորւած դարաւոր բարբարոսութեան մոխիրների տակ... Որքա՛ն այլազան ցեղեր են անցել են այդ խորհրդաւոր երկրի վրայից, քանի՜ վիթխարի ցիկլոններ, հրդեհող ու բնաջնջող արշաւանքներ... Ի՛նչ փարթամ կեանք ու մշակութիւն Բաբելոնում, Ասորեստանում:

Այսօր—լքում և ամայութիւն: Աւազը, չոր կիզիչ, համառարած աւազը ծածկում է իր թանձրամած շերտերի տակ՝ ամեն ինչ: Մի անգոր անապատ՝ սիրուն ու հրապուրիչ օվաղիսներով: Ազգաբնակչութիւնը՝ ցանցառ, կիսավայրենի, նահապետական Բեզուին և քիւրդ... Իսլամի միահեծան տիրապետութիւնն է իր նախնական և քարացած ֆորմուլներով: Թափառական կենցաղի երկիրն է — թաւերաբեմը մշտնջենաւոր բաղխուձների, հորդայական աւարաւանք արշաւների...

Անհուն գանձեր—շահագործելու: «Սափաղը», սեահողը, որ բռնում է հսկայական տարածութիւն—այժմեան Խտալիայի չափ—սպասում է մշակութեան նորագոյն մեթոդներին, սպասում է նոր ջրանցքներին ու շոգեկառքի սուլոցին, սպասում է հաստատուն օրէնքի ու ապահովութեան ռէժիմին, որպէս զի վերականգնէ հին պանծալի շտեմարանը, ցորենի, բրինձի կայլն, որ կարող է կերակրել մի քանի տասնեակ միլիոնաւոր մարդկութիւն... Հարկ է միայն վերաբանալ ու կատարելագործել նախնի դարերի ջրանցքները: Իսկ անդին՝

*) Victor Bérard, «Vers Bagdad», Revue de Paris, 1 յուլիս 1907 թ.:

*) La Turquie d'Asie II v.

Տիգրիսի ձախ ափունքներում, Իրանեան լեռնաշղթայի ստորոտներին նաև թն է առատորէն դուրս ժայթքում գետնի տակից և հոսում է ժայռերի միջից, ամբար-ւում է փոսերում: Երբ — ասում է Վիտալ Կինէ — տեղացի աշխատաւորները կամենում են զւարճութիւն պատճառել անցորդներին, նրանք նետում են լուցկին այդ նաւթային հորերի մէջ — և անմիջապէս բարձրա-նում է սութ, կարմրագոյն բոցը, շրջապատւած սև ծուխի մառախուղով: Երկաթուղին նոր Բագուներ կը հաստատէ այդ լայնարձակ հողերի վրայ:

Ինչ աներևակայելի թուի՞ք պիտի առնեն արդիւնա-բերութիւնն ու առևտուրը այդ վայրերում, ընդամենը մի 15—20 տարի յետոյ. Կարելի է գուշակել մօտա-ւորապէս, հիմնելով մեր կովկասեան Բագու օրինակի վրայ: Եւ ի՞նչ անսպառ աղբիւրներ՝ օսմանեան պետու-թեան ֆինանսների, նրա տնտեսական և ընդհանուր-կուլտուրական բարգաւաճման համար...

Այդպէս — կը վերածնւի ասիական Տաճկաստանը. փլատակների փոշու տակից, մոռացութեան ալիքներից դուրս կը լողայ հնագորեան, զառամեալ Անատոլուն, փոքր Ասիան իր պատմական թանկագին յիշատակներով, իր եզակի աշխարհագրական դիրքով, տարածւած հին աշխարհի երեք մեծ ցամաքների միջև — Անատո-լուն՝ որ ծովերի շնորհիւ հաղորդակցում է միանգա-մայն Հնդկական Ովկիանի և Միջերկրական աւազանի հետ, որ գտնւում է մարդկային հոծ համախմբումների, այլազան հարստութիւնների և այլազան քաղաքակըր-թութիւնների կենտրոնում. Անատոլուն՝ գաղափարների ու հասարակութիւնների, կրօնների և քաղաքական սիս-տեմների հսկայական խանձարուրը, Քաղդէի, Բաբելոնի, Ասորեստանի, պարսկական, արաբական, հայկական, յու-նական, հռոմէական, բիւզանդական թագաւորութեանց դաւերի և արշաւների մշտնջենաւոր թատերափայլը, որ օսմանեան բազմադարեայ անորակելի ուժի մի տակ չորացել է, ցամաքել, դարձել է աւերածի ու բարբա-րոսութեան սրտաճմլիկ մի տեսարան...

Քրդերի ու բեգուիներն ի թափառական հօրգանքը խաղաղած, ընտելացած կուլտուրական աշ-խատանքին, արիւնարբու չէրքէզը (նաև բիւրդը), սանձահարւած և վարժեցւած աւելի օգտակար ծառա-յութեան մէջ շահագործւած իր բնածին յատկութիւն-ներով, իր ռազմական ձիրքերով, իբրև զինուոր հսկողու-թեան, իբրև ժանդարմ հանրային խաղաղութեան, արարը հեռաւոր Միջագետքում մկրտւած, աւելի ճիշտ, վերամկրտւած արեւմտեան քաղաքակըրթութեան աւազանում. թիւրքը, օսմանցին՝ դուրս նետւած իր դարաւոր լէթարգիական մրափից, թօթափած անշար-ժութեան իր մահաբեր լուծը. հայը՝ վերադարձած իր գութանին և արօրին, իր դաշտերին ու կարաւան-ներին, իր մաւոր-քաղաքակըրթական առաջապահիկ

աշխատանքին. Հրապուրիչ հեռապատկեր Թւում է, թէ շատ էլ հեռու չէ այդ վարդագոյն ապագան...

Բաղդադի գիծը կը յեղաշրջէ մի յայտնի չափով և համաշխարհային հաղորդակցութիւնը: Եւ... կը յեղաշրջէ ի վնաս Անգլիայի: Այդ գիծը ամենակարճ ուղին կը լինի Եւրոպայից դէպի Հնդկաստան: Նա Հնդկաստան պիտի հասնէ վեց օրով աւելի շուտ, բան Սուէզեան ջրանցքի ուղին: Վերջինը այդպիսով կը կորցնէ մասամբ իր առևտրական և ռազմական կարևորութիւնը: Հարկը հազարաւոր ուղևորները, որ ամեն տարի Եւրո-պայից գնում են դէպի հեռաւոր Արևելք, պիտի գե-րագասեն ցամաքային աւելի կարճ ճանապարհը, պիտի առնեն «Պօլիս-Բաղդադ-Պարսից Ծոց» գնացքը:

500 միլիոնի արժէք ունեցող Բաղդադեան գիծը *) պիտի կառուցուի համաձայն նորագոյն տեխնիկի, այլ և... համաձայն նորագոյն միլիտարիզմի, զինուորական սիստեմի պահանջների... Տնտեսական-առևտրական անուն կրելով Բաղդադի երկաթուղին, ինչպէս արդէն փաս-տեցինք նախորդ յօդւածներում, միանգամայն ռազ-մական մի գիծ է, ուստի և կը շինուի ամենալայն ու ամենաամուր ձևով, նա պիտի կտրէ ժամը առնւազը 75 կիլոմետր Պօլսից Բաղդադ պիտի հասնեն ընդամենը 65 ժամում, մինչդեռ այսօր պէտք է լինում նոյն տա-րածութիւնը կտրելու համար՝ 50-ից մինչև 55 օր: Օրերն այդպիսով կը վերածնին ժամերի... Եւ դա կը լինի այդ վիթխարի ձեռնարկի ամենախոշոր վաստակներից միը:

Գիծը նաև ռազմական է: Դա գերագոյն նպա-տակն է գերմանական քաղաքականութեան: Դա նպա-տակն էր նաև Արգիւլ Համիդի: Դա մտնում է վեր-ջապէս և երիտասարդ Թիւրքիոյ հաշիւների մէջ: Թիւր-քիան ռազմական տեսակէտից մեծապէս կը զօրանայի եւ նա պէտք ունի զօրանալու նա պէտք ունի զսպելու

*) Ֆրանսիացի իրադեկներ ենթադրում են, որ գծի, ճիւղերի, կայարանների, ուղեւորների և այլ պէտքերի վրայ պիտի ծախուի 450—500 միլիոն ֆրանկ: Իսկ Deutsche Bank-ի տնօրէն Ֆոն Գվիններ, իր բերլինեան դասախօսութեան մէջ յայտնում էր, որ Անատոլուի երկաթուղային ամբողջ ցանցը պիտի նստէ 500 միլիոն մարկ, որից 200 միլիոնը (250 մի-լիոն ֆրանկ) Բաղդադի երկաթուղու ծախքերն են:

«Տեղեր կան — ասում է Ֆոն Գվիններ — ուր ա մ ե ն մի կիլոմետր տարածութիւնը մէկ միլիոն մարկ պիտի արժենայ (1 1/4 միլիոն ֆրանկ):

Պէտք է կտրել մի շարք կիրճեր, ահագին կամուրջներ ձգել և մինչև Մօսկու հասնելը պէտք է փորել մեծ տու-նելներ: Բաղդադից դեռ պէտք կը լինի ճիւղեր կառուցա-նել («Freie Presse» 12 դեկտ. 1911 թ.):

անիշխանական և ապստամբ հորդանները, որ այնտեղ, Քիւրդիստանի, Միջագետքի հեռավոր խորշերի մէջ՝ չեն ուզում ճանաչել օրէնք ու դիւցիպլին և դառնում են պատուհաս խաղաղ ազգաբնակչութեան համար: Երբ այդ յիսաղաղ ազգաբնակչութիւնը՝ հայն է, օսմանեան ռէժիմը — անգամ նորը — դիւրութեամբ չի հակուում դէպի «զսպելու», խռովարարներին ու ասպատակողներին սանձահարելու քաղաքականութիւնը: Բայց երբ այդ անսանձ խռովարարները — սովորաբար բիւրդ բէյեր, մեծանուն աւազակապետներ ու մարդասպաններ — կատարեալ անիշխանութեան են մատնում երկրի մի պատկառելի մասը, ըմբոստանալով նաև տիրող ռէժիմի դէմ, այդ դէպքում, քնականաբար Բ. Գուռը դառնում է խիստ զգայուն, կարգապահ ու օրինապահ: Օսմանեան պետութիւնը մինչև օրս անունով է միայն եղել կենտրոնական: Իրօք ծայրէծայր նա մշակած է եղել կենտրոնախոյս կամ ապակենտրոն ձգտումներով: Ահա այդ էական վտանգն է, որ ուզում է յաղթահարել թիւրք-գերման երկաթուղին: Ուժերի կենտրոնացումը և կենտրոնախոյս ձգտումների խորտակումը նրա մերձաւոր ռազմագիտական (strategique) նպատակն է:

Բաւական է յիշատակել երկու համաւաւոր բիւրդ հրոսակապետներին — Իբրահիմ փաշան և Ճեզիրէի Մուստաֆա փաշան — որոնք դեռ մօտիկ անցեալի մէջ իշխում էին ամբողջ վերին Միջագետքում և աւազակային շարունակական արշաւներով պատուհաս էին դարձել թէ համիրեան ռէժիմի և թէ խաղաղ ազգաբնակչութեան համար: Կազմակերպւում էր մի տեսակ անկախ բրգական իշխանութիւն Եփրատի և վերին Տիգրիսի միջև: Հալէպից մինչև Վան տարածւում էին Իբրահիմի սխրագործութիւնները:

Այսօր ևս տակաւին խաղաղութիւնը ապահովւած չէ այն հեռավոր ծայրերում: Եւ գուցէ, ո՞վ գիտէ, քիւրդ գիշատիչ աշիրաթապետները, նախկին համիրիէ առաջնորդները գնդակի սուղոցներով պիտի դիմաւորեն շոգեկառքին:

Համիրիէները — ասում էր մեր ողբացեալ Պիէռ Վիյեռ — *Pro Armenia* ի մէջ, մի քանի տարի սրանից առաջ Իբրահիմ փաշայի քաջագործութիւնների առիթով — համիրիէները չեն կարող հաշտուել այն իրողութեան հետ, որ երկաթուղու շնորհիւ նորմալ ու կանոնաւոր կեանք կը հաստատուի այն վայրերում, որ նրանք շարունակ կողոպտում են: Կամ նրանք կ'ընդգիծմարեն գծի աշխատանքներին... կամ թէ աշխատանքները վերջանալուց յետոյ այնպիսի մի անապահովութիւն պիտի տիրէ երկաթուղու մերձակայ վայրերի մէջ, որ ապրանքային տրանզիտը, փոխադրութիւնը անհնարին պիտի դառնայ: Համիրիէների կամ արաբների վայրագութիւնները անհնարին կը դարձնեն մերթ ցանքսը և մերթ հանձնը... Գուցէ նոյնիսկ փոքրիկ, կիսանկախ պետութիւնների հաստատումը և թիւրքիոյ տարրալուծումը պիտի գան աւելի ևս բարդացնելու կացութիւնը...

Յամենայն դէպս, երկաթուղին հնարաւորութիւն կը տայ օսմանեան կառավարութեանը՝ արագօրէն, ընդամենը մի տասնեակ ժամերի ընթացքում կենտրոնացնել

այն վտանգաւոր շրջանների մէջ բաւականաչափ զօրք և չէզոքացնել վայրերի հրոսակների շահատակութիւնները:

Երկաթուղին ահագնապէս կը դիւրացնէ զօրաշարժը՝ նաև Ռուսիոյ դէմ ունենալիք պատերազմի միջոցին: Վերջին թիւրք-ռուս պատերազմին — ասում է Ռընէ Հանրի — Սիւրի զօրագնդերը հասան միայն ռազմական գործողութիւնների վերջում և այն՝ յոգնած, ուժասպառ: Երկաթուղով՝ 4-րդ (Էրզրումի), 5-րդ (Դամասկոսի) և 6-րդ (Բաղդադի) զօրաբանակների փոխադրութիւնը կարելի կը լինի արագ ու դիւրութեամբ կատարել *):

Իսկ ռազմական հեռաւոր նպատակը...

Այդ մասին երկարօրէն խօսել ենք արդէն մեր նախընթաց յօդաւորումում և այլ ևս չենք ծանրանայ: Այնտեղ մենք ուրազածեցինք անգլո-գերման մրցակցութեան պատմութիւնը, մի մրցում՝ որ առանցքն է ժամանակակից, համաշխարհային քաղաքականութեան: Ասացինք, թէ ինչո՞ւ և ինչպէս Գերմանիան ձգտում է ուժեղացնել Տաճկաստանը և նրա միջոցով, նրա աջակցութեամբ փորել բրիտանական տիրապետութեան հիմքերը Եգիպտոսում, Հնդկաստանում, ամբողջ Արևելքում: Ասացինք, թէ ինչպէս միջխառնիքի հզօր կուսնը կամենում է անգլիական գերիշխանութեան փլատակների վրայ հիմնարկել իր սեփական հեգեմոնիան, թէ ինչպէս նա — այդ իսկ նպատակով — քաջալերում է անգամ համիսլամութիւնը, պանիսլամիզմը: Ասացինք նաև, շեշտեցինք մի բանի անգամ, թէ ինչպէս խնամքով, հմտութեամբ տնտեսական ձեռնարկների վարագործի տակ թագնւում է ապագայ գերմանական նւաճումների գաղափարը...

Թիւրքիան ուժեղացնելու սահմանած երկաթուղին պիտի յայտնւի թերեւս... էապէս հակաթիւրք մի ձեռնարկ — և ո՞վ գիտէ, գուցէ հեռու չէ այն օրը, երբ պիտի իրագործւի Սիմենսների, Հնայդերների, Ֆոն Պրեսսելների փայփայած երազը, երբ Բօսֆօրի վրայից ձգւած մի կամուրջով կամ նրա տակից փորւած զիթխարի մի տունելով եւրոպական երկաթագիծը պիտի ձուլւի ասիականի հետ և երբ Պոլիսը պիտի լինի սոսկ գերմանական մի կայարան Բերլին-Բաղդադ ճամբու վրայ... «Օսմանեան ամբողջութեան» (*intégrité*) և անկախութեան ֆօրմուլը, որ առերեւոյթս գաւառում է նաև Վիլհելմ II-ի կառավարութիւնը — կը գառնայ լոկ դատարկ մի հնչիւն, երբ Գերմանիան իր հզօր ու բեղուն ձեռնարկներով կը ցանցապատէ երկրի մի ահագին մասը, երբ գերմանական հեգեմոնիան կը հաստատուի Էնկիւրիի, Կօնիայի, Ադանայի, Դիարբեկի, Մօսուլի, Բաղդադի և Բասրայի վիլայէթներում **):

*) *Questions diplomat. et coloniales*, 1 Janv. 1907.

**) Ինչպէս յայտնի է, գերմանացիք մտադիր էին հասցնել Բաղդադի գիծը մինչև բրիտանական պրոտեկտորատի և ազ-

Երկաթուղու աւարտած մասը—ասում է Ուլար — ցոյց է տալիս արդէն, որ այդ քաղաքական գիծը այլապէս ուժեղ է, բան թէ, օրինակ, 6000 կիլոմետր երկարութիւն ունեցող Անդր-Սիբիրեանը Գերմանացի ճարտարապետ Մակենզէն իր միջազգային սպայակոյտով հաստատել է Բաղդադի գիծը, ըստ գերմանական սկզբունքներու Գոտեփայտերը շատ մօտ են իրար և շինւած են նոյնպէս երկաթից: Երկաթագծերը աւելի երկայն են և աւելի ծանր (երկայնութիւնը 12 մետր, և ամեն մի մետրի ծանրութիւնը $37\frac{1}{4}$ կիլոգրամ):

Այո, ճիշտ է, այսօր Բերլինի կառավարութիւնը բացայտ կերպով չի ցոյց տալիս որեւէ յրաշակական մտահոգութիւն՝ թիւրքիոյ մէջ. ճիշտ է, նա «արշաւում» ու «թափանցում» է՝ միմիայն իր ճարտարապետների ու վաճառականների թւերի վրայ, զարկ է տալիս բացառապէս տնտեսական առաջնադասութեան, սակայն... երբ կը հասնէ «ընդհանուր տակնուվրայութեան» ահաւոր ու պատմական վայրկեանը, երբ կը հնչէ յաւիտենական «Հիւանդ մարդու» օրհասի զոհանքը—Գերմանիան՝ ունենալով տնտեսական հզգեմօնի, փաթաթուած և կառչած այդ հիւանդ օրհանդիսին իր ահագին ցանցով, իր զօրաւոր ճիրաններով՝ ապահովաբար չպիտի ձգտի արգելելու, չէզոքացնելու մրցակից պետութիւնների նւաճողական անորոշակները, այլ ինքն ևս նրանց հետ միասին պիտի գահավիժէի յօշոտող մարմնի վրայ և պիտի ծանկի իր բաժինն աւարտէ:

Այդ չարաշուք վայրկեանը կանխելու, այդ ահաւոր սպառնալիքի դէմ ազդուօրէն մաքառելու համար՝ մէկ միջոց միայն կայ—զօրանալ, ամրապնդել ինքնուրույն, ի տեղի փարելու այս կամ այն արեւմտեան հովանիին, ի տեղի խրախուսելու հալածական և «բաժանական» քաղաքականութիւնը ոչ-թիւրք ազգութիւնների վերաբերմամբ, ուժ տալ ներքին համերաշխութեան, հաշտեցնել ազգերը մի կորովի, արդարամիտ կառավարութեամբ, բարձրացնել աշխատաւոր զանգւածների նիւթական և մտաւոր-հոգեկան մակերևոյթը, կազմակերպել դրսի դէմ համասօմանեան բանակը, ստեղծել, մի խօսքով, կուռ, հզօր և բարգաւաճ հաւաքական հայրենիքը:

Այդտեղ է փրկութեան խարխիւը:

Մ. ՎԱՐԱՆՅԱՆ

դեցութեան վայրերը, մինչև և ու վ է յ թ նաւահանգիստը, Պարսից ծոցի վրայ: Եւ Աբդուլ Համիդի պատրաստակամ աջակցութեամբ, նրա ձեռքով իսկ փորձեցին դրաւել (իրենց ազգեցութեան շրջանը ձգել) այդ կարեւոր նաւահանգիստը, ուսկից ընդամենը մի քանի օր է մինչև Բօմբէյ: Անգլիան, վիժեցրեց այդ դաւը, մի կորովի ժեստով հաստատեց վերստին իր հովանաւորութիւնը Արաբիայի վրայ, պտտեցնելով իր հզօր ու սպառնական նաւախուժը Պարսից ծոցում:

ՊԱՏՄԱՓԻԼԻՍՈՓԱՅԱԿԱՆ

ԼԱՎՐՈՎԻ ՊԱՏՄԱՓԻԼՍՈՓԱՅՈՒԹԻՒՆԸ

II

ՊԱՏՄԱԿԱՆ ԱՆՀԱՏԸ ԵՒ ԴԵՏԵՐՄԻՆԻՉՄԱՆ *

I. Անհատը Լավրովի գիտական փնտրումների առարկայ. — Ռուսական իրականութիւնը սուբ'եկտիվ աղբիւր նրա մտայնացման. — Լավրովը զերծ միակողմանիութեան վտանգից. — Անհատի պոքիտի կարող ձեռքի մէջ. — Ի՞նչ արութիւններ. — Անհատի պոքիտի անհատական սանում է դետերմինիզմի եւ կամի ազատութեան հարցին. — Պատմութեան բովանդակութիւնը մէկ եւ միւս դեպքում:

II. Պատմութեան նախապատկերներ. — *Ignoramus et ignoramus*. — Ի՞նչ է թելադրում մեզ գիտական նամադոլութիւնը եւ պատմական մեթոդութիւնը. — Տիեզերական դետերմինիզմը — նրա արժէքն ու սահմանները. — Նպատակների եւ միջոցների կարգը. — Մեխանիկական դետերմինիզմը անարժէք. — Նպատակների եւ միջոցների առարկան. — Գիտական հետազոտութեան համար դետերմինիզմի հարցը անկարելի. — Ազատութեան համար սուբ'եկտիվ գիտականութիւնը առաջնակարգ. — Մոտիվներ գործողութիւնների մէջ — Կանոնաչափութիւն մոտիվների մէջ. — Մարդկային գործողութիւնները նպատակային եւ նպատակաւոր. — Պատմականութեան իրայատկ իմաստը գործողութիւնների եւ մոտիվների առարկան. — Տիեզերական բացարձակ դետերմինիզմի եւ անհատական կամի նախադրութեան ուժի մեջ անկարելիութիւնը չէ. — Մեքի հարեւանութիւն ուրիշ մեթոդների հետ:

I. Գիտական-փիլիսոփայական ըմբռնողութիւնից և պատմագիտութիւնից արած իր պահանջներին հաւատարիմ, ուղեցոյց ունենալով հռչակաւոր սուբ'եկտիվ մեթոդը, որի մասին խօսք կը լինի յաջորդում, Լավրով վստահօրէն սկսում է իր խուզարկութիւնները պատմափիլիսոփայական պոքիտների ընդարձակ դաշտի վրայ: Փոստաշրջանի և մտաշրջանի այդ աշխարհում ամենից առաջ և ամենից աւելի մարդկային անձնաւորութիւնն է, որ մեր մտածողի ուշադրութիւնն է բեւեռում իր վրայ: Նա է, որին հետապնդում է Լավրով իր՝ յաճախ դժուարին, գրեթէ միշտ յաղթական ճանապարհին, որի հետ է միշտ, որի մասին դատում, քարոզում է, որին յաճախ դատապարտում, նշաւակում է, բայց և որին ամենից շատ խօսեցնում, լսում է՝ պատմական անցեալ և ներկայ իրականութեան մէջ. հասկանալ և հասկացնել է ուզում:

Լավրովի պատմափիլիսոփայական որոնումների առարկան է դա, — մարդ անհատը. նրա ամբողջ մտածողութեան առանցքը. նրա սխտեմի ելակէտը և նպատակէտը միաժամանակ իր պատմական արժէքը գիտակցող մարդկային անձնաւորութիւնն է դա. ոչ թէ հասարակութիւնից կտրուած, նրանից անկախ և մեկուսացած Ռօբինզօնը, այլ հասարակութեան մէջ, նրա հետ ապրող, նրան ապրեցնող, զգացող, մտածող և գործող մարդ-անհատը, որը պատմական պրօցէսի յիշողանի օր'եկտը և սուբ'եկտն է միաժամանակ (առարկան և ենթարկան), որի շուրջը պատմութիւնն է դարձել, որը իր շուրջը պատմութիւնն է դարձրել: «Մենք ունինք

*) Պատմաւորականութիւն:

մեր առջև բոլորովին որոշ, զարգացման միակ ղեկավար զործունը՝ մարդ-անհատը, որը իր սեփական ուժերի չափը և նրանց մասշտաբի գործողութիւնները ինքն է որոշում — ասում Լավրով բառացի: Մի ղեկավար մտածողի համար հասարակ-պատմական ընթացումի մէջ ամենից առաջ շօշափելի ղեկավարութիւններն են հաշի գալիս. դրանք են նրա աշխարհահայեացքի հիմունքները խորսխում: Իսկ «Պատմական նամակների» հեղինակը բացի մտածողութեան դրական, իրայատուկ ղեկավարից, միաժամանակ զաւակն էր բազմաժողովուրդ այն երկրի և բազմակնձիռ այն ժամանակների, որտեղ և երբ մի հատիկ կամ մի քանի անհատական կամքեր տաննեակ միլիոնաւորների ճակատագրի համար աշխարհ մեծարժէք հետեւանքներ են ունեցել. որտեղ ժողովրդային հսկայական մի զանգւած դարեր շարունակ «մեծ համրի» արատաւոր համակերպման լուծը շինքին, լուռ մարտիրոսութեան մի զարմանալի օրինակ է աւել աշխարհին:

Սուբ'եկտիվ սոցիոլոգիայի (ընկերաբանութեան) հիմնաւորողը և պատմութեան մէջ սուբ'եկտիվ մեթոդի կիրարկողը պատմափիլիսոփայական խրթին պրօբլեմների վերլուծումների ժամանակ — որոնք նոյնքան գործնական արժէքի էին, որքան և տեսական մտայնացումների մի «սուբ'եկտիվ» աղբիւր — ունեցաւ իր աչքի առջև ուղիսական իրականութիւնը: Հատերը այս հանգամանքը մի պատմափիլիսոփայական սիստեմի համար կարող են խիստ ճակատագրական հաշիւ և հաշիւ են: Բայց մեր կարծիքով, դա մեծ առաքելութիւն էր մի կարող գլխի համար, որի տեսական և գործնական որոնումների գերագոյն կանոնը երկու բառի մէջ է խառնուած. «Գիտակցական վերաբերում դէպի շրջապատը»: Եթէ դա ցոյց է տալիս մի կողմից, թէ սուբ'եկտիվ մօմենտը որքան խոշոր դեր կարող էր կատարել Լավրովի պատմափիլիսոփայութեան մէջ, ապա միւս կողմից փաստում է, թէ այդ սուբ'եկտիվ մօմենտը պատմական որքան խոր ճշմարտութիւն, որքան ղեկավար է պարունակում իր մէջ, թէ կառուցող սիստեմը որքան մօտ է կանգնած կեանքին:

Անշուշտ, ուսական իրականութիւնը միայնակ անկարող կը լինէր մատակարարել պատմափիլիսոփայական մի ընդարձակ սիստեմի հիմնական սկզբունքները. այդպիսի մի սիստեմ իր մարտողութեան շրջանի մէջ պիտի առնէ պատմական ամբողջական պրօցէսը ընդհանուր և պարփակուն արտայայտութիւններով: Եւ Լավրով սկզբից և եթ մի միակողմանիութիւն փոխարինած կը լինէր միւսով, եթէ սահմանափակէր Ռուսաստանի պատմափիլիսոփայական նեղ իրականութեամբ: Բայց նա իր մտաշրջանի մէջ է առնում հին և նոր պատմութեան ամբողջ բովանդակութիւնը, հին և նոր պատմական ժողովուրդների հետ: Ամեն տեղ և ամեն անգամ կենդանի անհատն է, որ պատմական բազմազան ճակատագրիներ

մէջ ծառանում է Լավրովի առաջ, պահանջում նրանից իր դերը որոշել, իր ուժերի սահմանները գծել, իր գործողութիւնների գնահատումը տալ:

Լավրով, ի հարկէ, անհատի պրօբլեմ չստեղծեց. բայց նա առաջիններից էր, որ պատմական անհատի ընդհանրապէս արհամարհած պրօբլեմը գիտականօրէն և սիստեմատիկօրէն բարձրացրեց արժանաւոր պատւանդանի վրայ: Մի կարգ կօլլեկտիվիստ (համայնապաշտ) պատմաբանների և պատմափիլիսոփաների կողմից գրեթէ իսպառ նսեմացւած, բնազանցաբան և դօգմատիկ մտածողների կողմից վտարւած, «բացարձակ գաղափարների», իդէալների և հոգիների ու ոգիների մղձաւանջի տակ ձգւած, նիւթապաշտ և ծայրայեղօրէն առարկայապաշտ սօցիոլոգների ձեռքով ընկերաբանութեան սահմաններից կամայականօրէն վռնդւած, հասարակական մարմին ստրուկ դարձրած պատմական անհատը, այո՛, կարելի է ասել, առաջին անգամ էր այնքան խնամքոտ և խորիմաստ հոգատարութեան արժանանում Ռուսաստանի մէջ՝ Լավրովի կողմից:

Եւ խօսքը միայն մեծ մարդկանց, հերոսանահատների և հրամանատարների մասին չէր, որոնց ժեստերով ոմանք հակած են մեկնաբանելու պատմութեան ամբողջ ընթացքը:

Աշխատանքը փոքր չէր: Եւ ոչ էլ ընդդիմադրական ուժը նախկին մտածելակերպի՝ շնչին: Հարկաւոր էր գաղափարի գերին՝ գաղափարի տէրը դարձնել: «Հասարակական մարմնի հրամանատարութեան ենթակայ» անհատը պէտք էր դարձնել հրամանատար, կամ գէթ նա և հրամանատար այդ հասարակական մարմնի: Ընկերաբանութեան (սօցիոլոգիայի) բնութեան նիւթ պէտք է դառնայ նա՝ որ «հեղինակաւոր» խորագրաններով դուրս էր բշւել այդ գիտութեան սահմաններից:

Որքան և դժւարին էր խնդիրը, որքան և նրա լուծման մէկ կամ միւս մանրամասնութիւնը խուսափող՝ գրչի ծայրի մէջ սեղմելուց, բայց և այնպէս Լավրովը մօտենում է նիւթին գիտական-մարտական տրամադրութեամբ, — *kampfslustig!* — խոչընդոտները յաղթահարելու անյողդողդ վստահութեամբ:

Ո՞րն է անհատի հասարակագիտական — աւելի ճիշտ՝ պատմահասարակական որակումը. ի՞նչ է նրա դերը պատմական պրօցէսի մէջ: Լավրով այս հարցն է ուզում վերլուծել, որովհետեւ այդ իսկ պատմական պրօցէսը հասկանալու համար անհրաժեշտ է նախ իրեն անհատին հասկանալ հասարակութեան մէջ — անհատին՝ որ դիմակ իրական կրողն է՝ այդ պրօցէսի:

Բայց կայ ծանօթ դժւարութիւնը. հին, տանջող վեճը գիտերմինիզմի (կանխաւորոշման տեսակետի) և կամքի ազատութեան (հակառակ տեսակետի) միջև. մի վեճ՝ որին պատմափիլիսոփայական մտքի մակընթացութիւնը իր յաղթական հոսանքի մէջ յաճախ է ճակատով զարնել, որպէս մի կուռ ապառաժի, կրկին կծկւել, յետ բաշւել:

նոյնքան ևս մի վարանոտ տեղատուութեան փոխելով այդ շարժումը, որի մօտով անկարելի է անցնել, առանց նրան լրջօրէն հաշի առնելու, վաղ թէ ուշ նրան վերադառնալու կարիքն զգալու: Պատմափիլիսոփայական մտքի նոր մակընթացութեան ալիքները անհատին հասցնելու համար՝ հարկաւոր է նախ այդ ապառաժը նւաճել, նրան մէջտեղից դուրս բերել: այդտեղ է, որ անհատի ազատութեան մեծ խնդիրն է կարծրացած, այդ նւաճումով է միայն, որ պատմափիլիսոփայութիւնը իր անորոշ վիճակից կարող է դուրս գալ և դառնալ գիտութիւն:

Արդարեւ, եթէ ամեն ինչ նախորոշւած է անհատի առաջ, եթէ անհատը իր գործողութիւնների և մտածումների մէջ սոսկ ի կատար է ածում այն, ինչ որ մեքենորէն թելադրում է նրան մեքանիկական մի կազմակերպութիւն, որ իր էութիւնն է. կամ թէ նման մեքանիքական մի ուժից, որ դուրսն է գտնւում, ապա պարզ է, այդ պարագայում որեւէ պատմափիլիսոփայութիւն ոչ իմաստ կունենար, ոչ էլ գոյութեան իրաւունք: Այն ժամանակ անհնարին կը լինէր պատմական բովանդակ պրօցէսը ընդգրկել մի հատիկ ընդհանրացնող ֆօրմուլով (ձեւակերպում), անհնարին կը լինէր խտացնել պատմութեան ամբողջ պարունակութիւնը մի պարզ, ամփոփ մեկնաբանութեան մէջ:

Եւ ընդհակառակը: Եթէ մարդ-անհատի սանձարձակ կամքն է իշխում ամեն տեղ և ամեն դէպքում. եթէ այդ կամքն է գերագոյն օրէնստուն ամեն մի մեծ կամ փոքր պրօցէսի և ժամանակաշրջանի մէջ. եթէ անհատը միայն մղիչ է և ոչ նաև մղւող. եթէ նա սոսկ հրամայող է և ոչ միաժամանակ հրամայւող, տւող և ոչ նաև ստացող. եթէ նա միշտ պատճառ է և երբեք հետեւանք, ապա դրանով իսկ խախտւած են հիմքերը մի գիտութեան, որ պատմական պրօցէսի որոշ կանոնաչափութիւնները, տենդենցները կամ «օրէնքները» կոչւած է փաստելու: Այն ժամանակ պատմական ամբողջ պրօցէսը կամ անհասկանալի է և անլուծելի և կամ ամենապարզ կերպով սկզբից և եթ հասկացւած և լուծւած է: Քմահաճո՞ք, Պատահականութիւն: Ինքն-իշխան կամք—և կամ ինչ կուզէք—ահա՛, դրանք կը լինէին այն ժամանակ պատմական ըմբռնողութեան ամենախոր «սկզբունքը», իմաստը, գաղտնիքը. եթէ միայն այդ դէպքում դեռ կայ պատմութիւն, կայ պատմական իմաստ, կայ գաղտնիքը: Այն ժամանակ ամբողջ պատմութիւնը կը լինէր կամ «մարիօնետների խաղ» —ինչպէս կ'արտայայտէր Գեորգ Զիմմել—և կամ բացարձակ ուժերի ու էակների յայտնագործութեանց կամակատար, ինչպէս կ'ամենում են թէօլօգ-պատմաբանները և անուղղելի գաղափարամոլները:

Պատմափիլիսոփայական գիտական ըմբռնողութեան համար լուրջ նկատումի արժանի մի վէճ է դա, անշուշտ, այն էլ մէկից աւելի տեսակէտներով: Եւ իզուր չէ, որ դա-

դաքակրթութեան պատմութեան՝ աշխարհահռչակ հեղինակ՝ Բօկլ իր գլուխ գործոցի մէջ ամենից առաջ կամքի ազատութեան խնդրով է զբաղւում:

Լավթի համար ևս փիլիսոփայական այդ վէճի մէջ խիստ որոշակի դիրք բռնելը, այդ վէճին իր օրինական սահմանները ցոյց տալը պատմափիլիսոփայական ամեն մի ամբողջական մտաշէնքի նախապայմաններից է: Եւ նա մօտենում է վէճին՝ խնդրի լրջութեանը միանգամայն գիտակ, պատրաստակամութեամբ և կորովով:

II. Որպէս պօզիտիվիստ, դրապաշտ մտքի ամուր հողի վրայ կանգնած մտածող, նա ծանրանում է նախ «պատմութեան նախապատրաստւելու» վրայ:

Երկրաբանական, ֆիզիկական և քիմիական պրօցէսների միջոցով, հարիւրաւոր, գուցէ և հարիւր հազարաւոր դարերի ընթացքում կազմակերպւել է տիեզերական միջավայրը, որը պատմութեան հնարաւորութիւնն է ստեղծել, նրա հիմքերը դրել: Ե՞րբ է արդեօք տիեզերական բնաշրջումը օրգանական (գործարանաւոր) կեանքի սկիզբը դրել: Ե՞րբ և ինչպէ՞ս է տիեզերական և օրգանական էւօլյուցիան մարդկային գանգի, նրա գիտակցութեան մէջ հոսել: չգիտենք, անյայտ է մեզ. և կը մնայ միշտ, հաւանօրէն Ignoramus et ignorabimus:

Որպէս իրողութիւն, մենք ընդունում ենք, որ մեր մոլորակը իր գոյութեան մի որոշ վայրկեանում, մի շարք բարդ պրօցէսների միջոցով երևան է բերել այն, ինչ որ մենք անանում ենք կ'ե'անք ի սկզբնաւորութիւն: Մենք գիտենք միայն—գիտական մի ճանաչողութիւնը և կառուալ, պատճառւորական մտածողութիւնը թող է տախտայդ—որ տրւած այդ սկզբնաւորումը բնահաճ ոչինչ չէ ունեցել իր մէջ: Մենք գիտենք նոյնպէս, որ կեանքի սկզբնաւորումից յետոյ, ձիգ դարերի անհատնում էւօլյուցիայի ընթացքում, օրգանիզմների մէջ երբ և իցէ ծայր են տւել և զարգացել գիտակցութեան տարբեր ձևերը: Գիտենք, վերջապէս, որ այդ գիտակցութիւնը, իբրեւ հոգեկան և հոգեբանական մի երևոյթ, անկարելի է վերածել մարդկային անխառն, պարզ օրէնքների: Վայ մի բան, որ մնում է անվերածելի. մի բան՝ որ իզուր բացատրել են ճգնում աստուածաբանները, մետաֆիզիկները, խորհրդապաշտ միստիկները:

Մեր գիտական մտածողութիւնը հարկադրում է մեզ ընդունել, որ տիեզերական և օրգանական միջավայրը ստեղծւել է մի անխուսափելի, ճակատագրական նախորոշումով:

Այդ նոյն բացարձակ գետերմինիզմը (պատճառւորականութիւնը), որ ծնունդ է միայն տիեզերական օրէնքների, մարդու նախահօր հօրիգօնական մէջքը ուղղից դէպի վեր, դարձրեց ուղղահայեաց, դարձնելով նրան միաժամանակ գերազանց, բարձրագոյնը օրգանական աշխարհի բոլոր էակների մէջ: Բայց նոյն այդ գետեր-

ղացրեց մի վայրկեան ամբողջ Եւրոպան, Քրիստոնէութիւնը, ապա վերստին գահավիժեց իր ահարկու մեծութեան զէնիթից, յետ նահանջեց դէպի Բոսֆոր ու Անատոլիա, հաստատեց աշխարհագրական մի չքնաղ, առանձնաշնորհեալ միջավայրում, ուր չնայեա՞ծ դարաւոր շփումներին աւելի բարձր, քաղաքակիրթ ցեղերի հետ, չնայեա՞ծ շարունակական, խառն, բռնի ամուսնութիւններին՝ մնաց միշտ նոյն յետագէ՞մ տիպարը, նոյն յաւիտեան անչափահասը քաղաքական և կուլտուրական տեսակէտից, ըմբոստ հանդէպ արդիւնաբերող, արգասաւոր աշխատանքի, ծոյլ ու ինքնուրու համաշխարհային պրոգրէսի ճանապարհին, վարժեա՞ծ միայն հրամայելու և հարստահարելու, բայց անվարժ՝ արտագրելու, ստեղծագործելու և մանաւանդ կռաւարելու...

Այնտեղ, Ալտայի հողմակոծ բարձունքներում է՝ որ կազմել են նրա առաջին ասպատակող կարաւանները. այնտեղ, իր նախնական որբանի մէջ է, որ նա ստացել է իր դրական և բացասական գծերը. այնտեղից, այն հեռաւոր և լայնարձակ հորիզոններից է, որ սահել են մարդկային ամենամեծ հեղեղները—հոնքերի, մօնղոլների, թաթարների, սելջուկների—որ անցել են հրով ու սրով հսկայական տարածութիւններ, կտակելով սերունդներին զարհուրանքի անլուր էջեր:

Որքա՞ն մեծ է բնական, ֆիզիկական ազդեցութիւնը դրանք, որքա՞ն ուժեղ և վճռական է այն վաղեմի ժամանակներում՝ աշխարհագրական միջավայրի ազդեցութիւնը մարդկային համախմբումների վրայ...

Բնութիւնն ինքն է կռել ու դարձնել ցեղի յատուկ նկարագիրը, կարելի է ասել՝ ճակատագիրը:

Խաշնարած, թափառական հօդաւեր էին: Մի ջաւայրը այդպէս էր հրամայում: Ստեպը բռնակալօրէն դնում էր իր կնիքը իր հիւրընկալած մարդկութեան սօցիալական կենցաղի վրայ: Ստեպը, խոտի անեղր տարածութիւններով, որոշում էր բնակիչների անհրաժեշտ պարագպունքը, բնակորութիւնը, խառնածը: Ստեպը ի վերջոյ խլացրեց նրանց մէջ դժւարին, ճիգառատ աշխատանքի տենչը և զարգացրեց աւարելու, յափշտակելու, ուրիշների վատասկով ապրելու ցանկութիւնը, խթանեց ռազմական, աշխարհակալող բնազդը...

Անծայրածիր ու խոտաւէտ լեռնադաշտ՝ ձիերի, ոչխարների անհաշիւ հօտերով: Եւ նրանց հետ՝ ցիր ու ցան մարդկային նախիրների՝ կիսավայրենի, նահապետական կենցաղով: Խոտը—մշտնջենաւոր և անսպառ ճարակ հօտերի համար: Չին—սնունդի նոյնքան առատ մի աղբիւր մարդկանց համար՝ իր արտագրած կաթով, կուլիսով: Չին — մանաւանդ, հաղորդակցութեան ու շարժման մի գերազանց գործիք, մի սքանչելի լոկոմոտիվ:

Պէտք է կարճ ոչ գետինը հերկելու, ոչ անտառներ կտրտելու, ոչ ճահիճներ մաքրելու, ոչ ճամբաներ հարթելու և շտկելու: Ամեն բան պատրաստ էր մայրբնութեան ծոցում, պատրաստ էին և ճամբաները:

Ստեպը — ամենուրեք հարթ ու հաւասար, ամենուրեք ճանապարհ ու արօտավայր:

Հօրդան աճում է,—աճում է և խաշինքը, Պէտք են նոր արօտառեղեր, նոր սնունդ ու հարստութիւն: Եւ կարաւանը շարժւում է միշտ դէպի առաջ, շարժւում է մի խիզախի առաջնորդութեամբ դէպի հեռու և անծանօթ հօրիզոններ... Նա մշտական շարժման մէջ է՝ նոր հողեր գրաւելու, նոր արկածներ փնտրելու մտահոգութեամբ: Գնտեսական կարիքը միակ շարժիչ-պատճառը է: Որքա՞ն ուժեղ է դեռ այն հեռաւոր շրջաններում մարդկանց հրամանատար-անհատների մէջ՝ ներքին, հոգեբանական մղումը, իշխելու, տիրապետելու տենչը... Ինչե՞ր չ'արին այդ մի բանի մօնղոլ-լատիպ հերոսները—մի Ատտիլա, մի Չինգիզ խան, մի Լանկ-Թամուր—իրենց անյագ և փառատենչ ախորժակներով, իրենց ահեղ, աշխարհասասան կամքի ուժով...

Թորձանքը առնում է իր յարաճուն ալիքների մէջ նստակեաց, խաղաղ, երկրագործ ժողովուրդներին, որոնք մարզած խաղաղասէր առաքինութիւնների մէջ՝ անկարող են ցոյց տալ երկարատե դիմագրութիւն: Եւ խաշնարած, թափառական ցեղերը նոր հողերի ու շարժական գոյքերի հետ՝ նւաճում են նաև մարդկանց, հպատակեցնում, ստրկացնում... Եւ կարաւանը նորէն շարժւում է:

Երկու տարր—ասպատակող հօրդայի մէջ: Մինը ազատ, միւսը ստրուկ: Մինը՝ պատերազմող և հրամայող, միւսը նւասա ծառայող, բոլոր սե ու չարքաշ աշխատանքների կատարող: Տիրապետող, պատերազմիկ տարրը իսկզբանէ խորշում էր այդ չարքաշ և ճիգոտ աշխատանքից, արդիւնաւոր արհեստներից, հողերի, մարգերի, այգիների մշակումից, ապա և աւելի ուշ՝ առևտրից ու արդիւնաբերութիւնից: Նա խորշում էր ոչ միայն այն պատճառով, որ անընդունակ էր յարատե, արդիւնագործ ճիգերի, այլ և որովհետեւ համարում էր այն՝ անպատիւ գործ, ստրկի գործ... Ռազմիկ ցեղը վաղուց ի վեր սովորեց արհամարհել դժւարին, ստեղծագործող աշխատանքը—իրեւ մի բան, որ ստոր էր իր, ռազմիկի, արժանապատուութիւնից—և ստանձնեց սոսկ առաջնորդի, հրամանատարի դերը, ուղղեց իր ճիգերը դէպի բոլորովին այլ տեսակի մարզանքներ, դէպի կռիւ ու նւաճում, յափշտակութիւն և կեղեքում...

Այդպէս ահա առաջացաւ այն հաւաքական պարագիտիզմը—հացկատակային տրամադրութիւնը—որի մասին ակնարկեցինք մեր առաջին գլխի մէջ:

Այդ աղէտաւոր տրամադրութեամբ էր, որ թիւրքերը եկան հաստատուելու Հայաստանում:

Այդ նոյն աւերիչ հակումներով է՝ որ անյիշատակ ժամանակից ի վեր հաստատուել է նոյն աշխարհագրական միջավայրում մի այլ նօմադ, խաշնարած հօրդա—քիւրդը:

Եթէ հայկական դարաւոր ողբերգութիւնը մեր նախնիքաց յօգւածների մէջ բնորոշեցինք մասամբ իբրեւ արդիւնք կրօնական, իսլամական անհաշտ թշնամութեան, ապա միւս կողմից պիտի ասենք, որ նա մասամբ էլ արդիւնք է, մէկը բիւրաւոր արդիւնքներից այն հսկայ և համատարած անտաքօնիզմի, որ եղել է տասնեակ դարերից ի վեր մարդկութեան երկու մեծ տնտեսական-սօցիալական տիպարների միջև—նստակեաց հողագործների և թափառական խաշնարածների, — մի անտաքօնիզմ՝ որ իր յարուցած բաղխումներով ու պատերազմներով լցրել է ամբողջ հին աշխարհը, Ասլանտեանից մինչև Խաղաղ Ովկիանոսը: Դա պայքարն է՝ քաղաքակրթութեան և բարբարոսութեան: Ժողովուրդները փոփոխում են միջավայրը, անցնում են դէպի աւելի նպաստաւոր հօրիզոններ, բայց նախնական ցեղային յատկանիշները—նրանք որոնք մշակել են ցեղի հաւաքական կեանքի արշալոյսին, գոյութեան կուրծքի յորձանքներում, բնական միջավայրի բոլոր խճողած գործօնների ազդեցութեան տակ—այդ յատկանիշները յարատեւում են դարեր ու դարեր, նրանք շատ դանդաղ և շատ սակաւ են ենթարկւում նոր, մեղմարար, քաղաքակրթիչ ազդեցութիւններին, երբեմն ասես տրամադիր են յաւերժանալու, որպէս անէծք, ճակատագիր... Քիւրդը դարեր շարունակ զանգւածօրէն յամառեց նոյն նախնական, գրեթէ բնական վիճակի մէջ (*état de nature*). Թիւրքը մի յայտնի չափով փոխեց իր նոր աշխարհագրական միջավայրում, յարմարեց նստակեաց պարապմունքներին, այնուամենայնիւ նրա մէջ ևս ընդհանրապէս յարատեւեցին — և այսօր տակաւին շեշտւած են—հին բարբերն ու առանձնախտկութիւնները, ասիական ստեպների մէջ վաստակած հակումները. նա դեռ մնում է էպպէս նոյն պատերազմիկ, հրամայող ու հարստահարող տարրը իր այլացեղ, խայտաբղէտ միջավայրում, նոյն բնազդական հակառակորդը շինարար, քաղաքակրթիչ աշխատանքի, դժւարին և յարատեւ ճիգ պահանջող մարզանքների:

Ի՞նչ էր նա իր պատմութեան արշալոյսին:

Ամենապերճախօս վկայութիւնը տալիս են ցեղի լեզուները, առասպելները: Նրանցից մէկի համաձայն՝ Թիւրքերի

„Նահապետ Օխուզը չի տւել իր զաւակներին ոչ գութան և ոչ գիրք, այլ միայն նետ և աղեղ“... Գրանով իսկ նահապետը որոշադրել է իր սերունդների ապագան:

Նոյն լեզուներն անկայացնում է Թիւրքերին, „որպէս ռազմիկ, աւերիչ և թալանչի մի ժողովուրդ... Երբեք առանձնախառնակ գծեր, որ գտնւում ենք և յետնորդների մէջ և որ հազիւ թէ մեղմացած են կատարւած առաջադիմութեամբ“^{*)}:

Մարզած ձիարշախի և ռազմական արեւստի մէջ, վարժւած դեռ մանուկ հասակից սրի, նետի և աղեղի գործածութեան, ծարաւ առնական թուիչքների և ար-

*) Բառացի մի թիւրք գրողից. H. Ganem, „Les Sultans Ottomans“, էջ 8—9:

կածների, ասպատակութեան ու աւարառութեան, անվախ և քաջասիրտ, արհամարհող կեանքի, պատւի ու սեփականութեան, արհամարհող անգամ իր սեփական գոյութեան, սակաւապէտ, ժուժկալ և ուժեղ ֆիզիկապէս, զինւած, մի խօսքով, աշխարհակալող ցեղերի բոլոր անհրաժեշտ առաքինութիւններով՝ Թիւրքական նախնին կորիզը թաւալել է Ասիայի անծայր դաշտավայրերում, Ստեպի մերթ ժպտուն, կանաչադարձ, մերթ դաժան և բթաշունչ անհունութեան մէջ, թաւալել է՝ աստիճանաբար աճելով ու զօրանալով, նոր հողեր գրաւելով ու աւերելով, նոր ցեղեր ստորագրելով և իրեն հետ բարձր տալով, հասել է ի վերջոյ հսկայական չափերի, գրոհ է տւել—խոտի, արօտների ճանապարհով—միշտ հեռու, դէպի արեւմուտք, անցել է գահավիժւող մրկի պէս, առանց որեւէ հետք, յուշարձան թողնելու իր ետքից, առանց հիմնել կարողանալու այդ ահագին ճանապարհի վրայ մի տեւական պետութիւն, մի շատ թեք բնակչութեամբ քաղաքական կազմակերպութիւն:

Եւ, սակայն, նա չէր բնաւ ներկայացնում անկարգ, անխիղճ, քառասլին մի խաժամութ... Եղել են, անտարակոյս, այդ ճարակող հօրդայի մէջ քաղաքական կազմակերպութեան սաղմեր: Ո՞վ էր ցեղի առաջնորդը...

Սօցիոլօգիան մի ընդհանուր և որոշ պատասխան ունի բոլոր նման խաշնարած ու պատերազմիկ ցեղերի հանդէպ: Շատ վաղաժամ, զանգւածներից առաջ է գալիս մի նշանաւոր անհատ, օժտւած արտակարգ յատկութիւններով, մի կախարդ, աւելի յաճախ մի հերոս, մի տարիքոտ, փորձւած, հեղինակաւոր կտրիճ, մի յանդուգն, արիասիրտ ռազմիկ, որ դիւրութեամբ ենթարկւում է մարդկային երամը իր հմայքին ու կամքին... Աշխարհակալող ցեղի շէֆը — աշխարհակալող կարաւանի առաջնորդն է, հրամանատարը: Ամենից կտրիճը և ամենից շրջահայեացը: Միանգամայն ուղեցոյց, „վալադ“ և զինւորական հրամանատար:

Նա կը մեծանայ և կը զօրանայ յաղթութիւնների և նւաճումների հետ: Նա կը խմբէ ժամանակով իր շուրջը բազմաթիւ օգնականներ, ենթաշէֆեր, մի ամբողջ զինւորական մարմին, դասակարգ, որից և կը բղխէ հետզհետէ մի տեսակ կառավարութիւն, պետութիւն: Նա կը յենւի այդ սպայակոյտ-դասակարգի վրայ (ապագայի են ի չեք ի ներքին)՝ մշտնջենապէս հլու հնազանդ պահելու համար զանգւածները, նիւթելու համար նորանոր պատերազմներ և նւաճումներ: Նա կը կենտրոնացնէ հետզհետէ իր անձի մէջ կառավարելու, դատելու և պատժելու պաշտօնները: Նա կը դառնայ ապագայում բոլոր գրաւած հողերի և ցեղերի միահեծան սեփականատէր և միլիօնաւոր հօրդայի ճակատագրի տնօրինող...

Միահեծան մի զօրավար, բացարձակ լիազօրութիւններով սպառազինւած մի շէֆ, որի հանդէպ զանգւածները պարտաւոր են ցոյց տալու կոյր, անպայման, ան-

մոռնց հնազանդութիւն... Ապագայ սոսլթանն է դա և ապագայ սոսլթանական բռնապետութեան սաղմն է, որ դրոււմ է արշաւանքների մեծ ճամբու վրայ, նախքան հասնելը Փոքր Ասիային և Բոսֆորին...

Եւ յայտնի է, հասարակական գիտութիւնը վկայում է, որ գոյութեան պայքարի մէջ այդ բացարձակ, արսօլիւ բռնապետութիւնը եղել է աջողութեան, յաղթանակի ամենագլխաւոր պայմաններից մին: ՚Հասարակութիւնների գոյութեան կռոււմ—ասում է Սպենսեր—հասարակայմանների մէջ յաղթանակող եղել են նրանք, որ ենթարկել են ամենախիստ, ամենազօրաւոր հպատակութեան՝ իրենց շէֆերին, թագաւորներին... Բանի աւելի ուժեղ է եղել զուտ մեքենական դիսցիպլինը, կարգապահութիւնը, այնքան աւելի ուժեղ է եղել—այն հեռաւոր ժամանակներում—և յաղթելու շանսը:

Աւելին կայ: Բացարձակ բռնապետութիւնը եղել է ոչ միայն սօցիալական անհրաժեշտութիւն, այլ և մի քայլ դէպի առաջ, պրօգրէսիւ առաջադիմութեան մի հանգրուան և նոյնիսկ, իբրեւ ժամանակաւոր մի հաստատութիւն, նա որոշ չափով խթանել է բաղաբակրթութիւնը: Այդպէս է եղել ընդհանրապէս պատմութեան մէջ: Մասնաւորապէս Թիւրքիոյ մասին—ինչպէս կը պարզենք—հարկ է խօսել փոքր ինչ վերապահութեամբ...

Պատերազմը դառնալով մշտնջենական՝ առաջնորդն է, որ սկզբներում ընտրելի էր և փոփոխելի համայնքի կողմից, դառնում է հեռզհետէ մշտագոյ, անփոփոխելի: Նրա իշխանութիւնը ի վերջոյ դառնում է ժառանգական: Այդ հանգամանքին զօրաւորապէս նպաստում է կրօնը, նախնական հաւատալիքները, հերոսական մեռելների, նախնիքների պաշտամունքը:

Նրա զօրութեամբ՝ իշխող առաջնորդը—իբրեւ յաջորդ մի հզօր ու պաշտած հրամանատարի—հռչակում է, որպէս հաղորդակից հօր աստուածային բնութեան և դրանով իսկ ստանում է անսահման ընդօրոգիւններ... Սկզբներում ցեղի հրամանատարը հիմնում էր իր ազդեցութիւնը սոսկ իր անձնական արժանաւորութիւնների վրայ—արիութեան, հմտութեան, փորձառութեան, մասաւոր կամ ֆիզիկական կարողութիւնների վրայ: Այժմ նա աւելացնում է այդ բնական առանձնայատկութիւններին՝ գերբնական յատկանիշներ:

Կրօնական հաւատալիքներն, այո՛, աւելի ևս ամրապնդեցին այդ անմոռնց հնազանդութիւնը շէֆերի հանդէպ: Եւ դա անցաւ ժառանգաբար, սերնդէ սերունդ, դարձաւ սովորոյթ, աւանդութիւն: Բոլոր նախնական համայնքների մէջ ահագին է սովորոյթի ուժը, ներկագործւած սրբազան հաւատալիքներով, մեռել-աստուածների կամքով: Սովորոյթը, աւանդը ան-

գիր օրէնքն է այդ նախնական ցեղերի մէջ. ինքը ընդհանուր հրամանատարը—աւելի ուշ՝ թագաւորը—նոյն սովորոյթի և աւանդութեան օրգանն է, նրանց հաւատարիմ կամակատարը. և եթէ խիզախէ դէմ գնալ նրանց՝ գահազուրկ կը լինի:

Այդպիսով իրօք մեռելներն են իշխողը և կառավարողը... Այդ տեսակ ներշնչումներով և այդ ոգով կըրթւեց ու դաստիարակեց անիշատակ դարերից ի վեր մեզ տիրապետող ցեղը: Ոչ մի ուժ յետագայում, ոչ մի թարմարար, բարեխառնող հոսանք չ'եկաւ մեղմելու, փափկացնելու սովորոյթների այդ գրանիտիայ ապառաժը: Իսլամը աւելի ևս բաջալերեց մահաշունչ ուսինը, աւելի ևս ուժ տւեց աւանդապաշտութեան այդ հսկայ ու ալլասեռող պատուհասին, որի առթիւ խօսել ենք արդէն:

Այժմ հետեւենք ցեղի արշաւին: Մեծ կարաւանը ուղղւում է Թուրքեստանի և Իրանի վրայով դէպի Հայաստան և Փոքր Ասիա: Թարմ, կորովի և ռազմական ուժերի առջև, մին միւսի ետեւից խոնարհւում են այդ հիւժւած և ուժասպառ երկիրները: Ընկնում է արաբական խալիֆութիւնը, ընկնում է նւաստացած, առաջադէմ Պարսկաստանը, շառաշուժով խորտակւում է և իւրեր Բիւզանդը, ներքուստ մշակւած անվերջ երկպառակութիւններով, տարալուծւած, ապականւած... Անվհեր ձիււրները ամեն ինչ ոտնակոխ են անում իրենց յաղթական առաջխաղացութեան մէջ, և... առաջին քայլերից իսկ մատնում են իրենց բնութեան ճակատագրական արատը. նրանք իշխում են իրենց նւաճած ցեղերի վրայ, առանց կարենալ կառավարելու. ստորադրում են իրենցից բարձր, քաղաքակրթւած պարսիկներին, բայց ստիպւած են նրանց աջակցութեանը դիմելու՝ երկրի մէջ կարգ ու կանոն սահմանելու համար: Այդ գիծը յարատեւեց նրանց ամբողջ պատմութեան ընթացքում, երբեք նրանք չ'կարողացան կառավարել հպատակներին, սերտ կապեր հաստատել նրանց հետ, այլ մնացին միշտ օտարներ, միշտ հիւրեր իրենց գրաւած երկիրների մէջ...

Երիտասարդ բանակը, յաղթանակներով բաջալերւած, առաջ գնաց—միշտ դէպի Արեւմուտք—կոյր, տարերային մղումով, առանց նպատակի պարզ գիտակցութեան:

Մի նոր ուժ եկաւ արտակարգ թափ ու սլացք հաղորդելու գահափիժւող հօրդաններին: Այնտեղ, արաբների և պարսիկների միջավայրում, մահմեդականութեան հռչակաւոր որդանի մէջ, ասիական խաժամուժը—մատնելով հանդերձ իր կատարեալ անկարողութիւնը շինարար, կազմակերպիչ աշխատանքի ասպարէզում—վաստակեց մի նոր խթան, որդեգրեց մի մեծ, հզօր գաղափար... Նա գրկեց Իսլամը:

Եւ... մի նոր աշխարհ ծնունդ առաւ երկու կարող ազդակների—ցեղի և կրօնի, Թիւրքի և Իսլամի—ամուսնութեամբ, դաշնակցութեամբ: L'alliance des

turcs avec l'Islam enfanta un monde *) — Ճիշտ է սուրբ Լավիս: Այն ժամանակայ ասիական և եւրոպական քառսի ու համատարած անիշխանութեան մէջ դա մի ահեղ ու պատկառելի ուժ էր, որ բարձրանում էր հօրիզօնում:

Երկու ուժերն էլ—ցեղ և կրօն—համանման տրամադրութիւններով օժտուած: Երկուսն էլ վառուած յարձակողական ակորդներով, նւաճելու, իշխելու, յերելու անդիմադրելի տենչով: Եւ մինը միւսին օժանդակեց, ուժեղացրեց: Իսլամը տագնապի մէջ էր և գրեթէ արդէն մարելու վրայ: քաղաքականապէս սպառուել էին նրան կողմ ցեղերը, սպառուել էին ամենից առաջ՝ արաբները: Նոր ցեղը թարմացրեց հին կրօնը, կեանք ու ոգի ներշնչեց և դարձրեց այն մի հզօր ու ծաւալուն պետութեան պաշտօնական հաւատամբ:

Իր հերթին, Իսլամը աւելի ևս բորբոքեց նւաճողական տենդը թիւրքերի մէջ. նա ունեցաւ մի նոր, ահարկու և վրէժխնդիր ռազմիրա, յանձին Օսմանի... այսօրւայ թիւրքական արքայատոհմի և կայսրութեան հիմնադրի:

Մի արիւնոտ ռազմիրայ և մի արիւնոտ, աշխարհադուրդ վրիժառութիւն, ռզմանչ: Այդ անւան հետ կապեց այնուհետեւ ասիական ստեպներինց գուրս վիժած հրաբխային հեղեղը, որ գնում էր պատժելու քրիստոնէութիւնը, քաւել տալու այն բոլոր նւաստացումներն ու արհաւիրքները, որ քրիստոնեայ մարդկութիւնը պատճառել էր Իսլամին՝ խաչակրաց արշաւանքների ժամանակ:

Ցեղը արդէն եռում էր աշխարհակալութեան տենդով — կրօնը եկաւ հրահրելու այդ տենդը, վառելու, հիպնօզելու մոլեգնոտ զանգւածները վրէժխնդրութեան երկնային պատգամներով: Նա եկաւ ազդարարելու այդ խոսքին, նահապետական զանգւածներին, որ հաւատի համար կռուող ու նահատակողները կարժանանան Մահ—մեղի երանաւէտ դրախտին, որ այդ գալոց հրապուրիչ դրախտի հանդէպ՝ ներկայ կեանքը երկրորդական, արհամարհելի արժէք ունի, որ «Ջահը», սրբազան պատերազմը յանուն կրօնի՝ գերագոյնն է փառքերից ու պարտքերից:

Եւ սկսեց մի նոր, աւելի շքեղ ու շառաչուն դիւցազնաւար տի դարաշրջան: Օսմանը — մի անվեհեր ռազմիկ—հրամանատար, մի յանգուգն ու խելացի կարաւանապետ: Քայլ առ քայլ նա առաջացաւ իր հազարաւոր ձիաւորներով, առանց ուժեղ դիմադրութեան հանդիպելու նւաճեց Բիւզանդի հսկայ և փխրուն մարմնի բեկորները (XIII դարի վերջերում), հասաւ մինչև Բրուսսա: Յետոյդները շարունակեցին արշաւանքը, միշտ նոյն աղող, բարբառստիկ հանգամանքներում, գրեթէ առանց դիմադրութեան հանդիպելու... մինչև հասան, Մահմեդ II-ի օրով, Կ.

*) Թիւրքերի դաշնակցութիւնը Իսլամի հետ մի նոր աշխարհ ծնեց:

Պօլիս (1453 թ.), Ապա մի թուիչք դէպի Բալկանները — և ամբողջ արեւելեան քրիստոնէութիւնը անցաւ Մահմեդին: Վերջապէս, նոյն ռազմական, անօրինակ խանդավառութեամբ, Ալլահ՝ ու Ջահը աղաղակելով՝ նրանք հասան Վիեննայի դուռը... ուսկից, սակայն, հոսանքը մի յետագարձ ծփանքով նահանջեց վերստին դէպի Բալկանները:

Եւ հաստատուեց օսմանեան թագաւորութիւնը իր երկու կողերի վրայ, մի ճակատն ուղղած դէպի Ասիա, միւսը դէպի Եւրոպա:

Տիպար-պետութիւն: Նա եղաւ ցեղի հարազատ պատկերը, նրա ճշմարիտ հայելին, նրա մտայնութեան ու տրամադրութեան թարգմանը, արտայայտիչը: Նա թերեւս ասիական բռնապետութեան ամենամաքուր ձևն էր, ամենաանաղարտ տիպը: Գուցէ ոչ մի տեղ վեհապետի անձնիշխանութիւնը չէր հասել այնքան ահարկու չափերի, այն աստիճան սանձարձակութեան:

Մենք արդէն տւինք այդ տիպարի հիմնական առանձնայատկութիւնները և նրա ծագման պարագաները՝ վերը բերած ընկերաբանական մեր ընդհանուր խորհրդածութիւնների մէջ:

Ջէնքի ուժով կազմակերպւած պետութիւնը ծայրէ ծայր զինւորական դրոշմ էր կրում: Կրօն, մօրալ, բարոյագիտական սկզբունքներ — ամեն բան սպասաւորում է այդ զինւորական պետութեան. ամեն ինչ յարմարեցւած է նրա գերագոյն պահանջներին: Ուրիշ օրէնք էլ չեն ճանաչում, բացի զինւորական, դաշտային դատ ու օրէնքից, որ գործագրել են դարեր շարունակ, իրենց մրկոտ, պատերազմական գոյութեան ընթացքում: Սուլթանը — նախկին զօրավարը — օժտուած է բացարձակ, անսահման իշխանութեամբ, թէ աշխարհիկ և թէ հոգեւոր: Միահեծան բռնապետութիւնը հասնում է կռուապաշտութեան: Վեհապետը մի երկրաւոր աստուած է, «Ամենաբարձրեալի սուերն է», Արեգակի և Լուսնի եղբայրը, բոլոր թագերի բաշխողը երկրի վրայ: Նա բարձր է ամեն օրէնքից, նա կարող է յօրինել, ուղղել, ոչնչացնել օրէնքները: Նա կարող է կոտորել, թալանել, աւերել միլիօնաւոր հպատակներին, նա տէր է բոլոր հողերի և կեանքերի: Կոյր, բացարձակ հնազանդութիւնը այդ Տիրոջ վերաբերմամբ՝ կրօնական դօգմ է, հաւատոյ հանգանակ:

«Ասիոյ սրտապարար դաշտերը, Յունաստանի, Թրակիայի չքնաղ հովիտները, Նեղոսի արգասաբեր աւազանը, Արաբիայի անոյշ համեմանքները, Պարսկաստանի, Վրաստանի, Ունգարիայի մեծագոյն մասի հարստութիւնները, ամբողջ Հայաստանը, Մօլդաւիան, Բուլգարիան, Սերբիան, — նրանք բոլորը միանում են այսօր՝ որպէս զի գոհացումն տան մէկ հատիկ էակի — Սուլթանի — ցանկութիւններին... Այս հակիրճ տողերով վարպետօրէն բնորոշում է հինաւուրց ճանապարհորդ Ռիկաֆտ օսմանեան բռնապետութեան տարամբ

էութիւնը, մեզ արդէն ծանօթ աշխատութեան մէջ *):

Ռիկաֆտի «այսօրը» 17-րդ դարու մէջ է: Սակայն նոյն կացութիւնը յարատեւեց և նոյն բնորոշումը մնաց իր լիակատար ուժի մէջ մինչև 1908 թ. յուլիս ամիսը: Բռնաւորի բմահաճոյքը գերագոյն օրէնքն էր—*lex suprema*. «Եթէ անգամ—գրում է նոյն 17-րդ դարու ճանապարհորդ—հետազոտողը—եթէ անգամ նա հրամայէ ամբողջ բանակների՝ ցած նետուիլ ժայռերից, կամուրջ շինել իրենց մարմիններից, մի գետ անցնելու համար, կամ թէ իրար կոտորել՝ Տիրոջ զարազանելու համար,—նրանք պէտք է հնազանդուին... Եւ այս ժողովուրդները միանգամայն բնական են համարում միահեծան բռնակալութիւնը»...

Ազնւականութիւն չկար: Սուլթանական միահեծանութեան գլխաւոր կռւանը—գինւորականութիւնն էր: Եղե՛լ է արդեօք Թիւրքիոյ մէջ Ֆէօդալական ազնւականութիւն: Թուում է թէ այո: Բայց յամենայն դէպս, ոչ արեւմտեան կաղապարով:

«Հէնց որ ապահովեց երկրի նւաճումը—ասում է նոյն Ռիկաֆտը—սուլթանը (*le Grand Seigneur*) սկսեց բաժնել հողերը զինուորականների մէջ (*entre les gens de guerre*), իբրեւ հատուցում նրանց արժանիքի և կատարած աշխատանքի: Այդ հողաբաժինները կոչւում են թիւրքերի մօտ «թիմար»: Զինուորականները պարտաւորւում էին իրենց տրամադրութեան տակ պահպանելու որոշ թւով մարդիկ ու ձիեր, որպէս զի պատերազմի երթման ամեն անգամ, երբ սուլթանը կը հրամայէ... Այդպիսով, երկիրը գտնւում էր զինուորների ձեռքում: Այդ թիմարը շատ նման է Անգլիոյ մէջ մեր ունեցած հողերին, որոնք զբաղւում են մէկ պայմանով՝ աջակցել վեհապետին պատերազմի ժամանակ: Միայն թէ—աւելացնում է Ռիկաֆտ—Անգլիոյ մէջ այդ հողային շնորհումները հաստատւած են օրէնքով, մինչդեռ թիւրքերը օգտւում են իրենց շնորհած հողերից ոչ իբրեւ սեփականատէր, այլ իբրեւ սոսկ արդիւնաւոր (*usufruitier*, արդիւնքը վայելող)»:

Այդպիսով, սիւզէրէնը, վեհապետը Թիւրքիոյ մէջ այն չէր, ինչ որ Եւրոպայում: Թիւրքական Ֆէօդալիզմը (աւաւապետական կարգութեամբ) շատ տարբեր էր արեւմտեանից: Արեւմուտքում դա մի ահագին, լայնածաւալ դաշնակցութիւն էր մանր ու խոշոր բռնակալների, որոնցից իւրաքանչիւրը կատարելապէս անկախ էր իր սահմանների մէջ, ունէր բացարձակ իշխանութիւն իր հպատակների վրայ: Այդ է ճշմարիտ Ֆէօդալականութեան ամենաէական և ամենագարշելի, անհանդուրժելի կողմը: Դա ամենավատթար բռնակալութիւնն է, ասում է Գիզո: Բռնակալը, գաւառի տէրը, կարելի է ասել, ամեն վայրկեան կանգնած է քաղաքացու դրան առջև, հսկում է և դիտում նրա ամեն մի շարժումը: Ամեն վայրկեան նա հաշուում է իր հպատակներին, տեսնում է իր գահից սեփական թագաւորութեան սահմանները... Մարդկային կամքի բմահաճոյքները այդ տեսակ պայմանների մէջ ծաւալւում

են իրենց ողբալի տարօրինականութեամբ, և պայմանների, կացութիւնների անհասարակութիւնը նմանօրինակ պայմաններում աւելի խիստ է, զգալի է... Մի կողմից փառաշուք դշեակներ, հսկայական հարստութիւններ, ուժ, պերճանք, անկախութիւն (իշխող աւատատէրերի մէջ), միւս կողմից՝ սոսկալի թըշաւառութիւն, տկարութիւն ու ստրկութիւն (ժողովրդային զանգւածների մէջ): Բնակիչները՝ շարունակ զոհ էին, բուռնութեան նոխազ աւատատէր իշխանների յաւիտենական վէճերի ու ընդհարումների և կեանքը յուսահատական էր, մշտապէս խանգարւած ու խռովւած... *):

Ըստ Գիզոյի, «զուտ, անխառն բռնապետութիւնը» (*monarchie pure, absolue*) ունի որոշ առաւելութիւններ՝ Ֆէօդալական այդ հարկւրաւոր մանրանկար բռնակալութիւնների հանդէպ: Այնտեղ միահեծան բռնակալը սարբեր ու ձորերով բաժանւած է իր հպատակներից, ուստի և վերջինները աւելի հանգիստ են, — ամենքն էլ հաւասար միւսնոյն ստրկական լծի տակ: Կեանքը, հետեւապէս, աւելի տանելի է: Բռնակալութիւնը, այսպէս ասած, մեղմանում է տարածութեամբ, հեռաւորութեամբ...

Այդպիսի «զուտ բռնապետութիւն» էր օսմանեանը: Այդտեղ չկային բազմաթիւ անկախ իշխաններ, աւատատէրեր՝ իրենց յաւիտենական ու արիւնոտ մրցումներով: Կար միայն մէկ ընդհանուր Արեւ-Արբայ, նախնի հզօր կարաւանապետը, նրա ժառանգը, աստուծային յատկանշներով սպառազինւած սուլթանը, որ պահում էր ամբողջ ազգաբնակչութիւնը իր տիրական հմայքի, իր փառաշուք, անտեսանելի և անմատչելի գահոյքի և ապարանքի թովջութեան տակ:

Գիզոյի ձեւակերպութիւնը ընդհանուր առմամբ գուցէ ճիշտ է: Գուցէ, յիշուի, տարածութիւնը, հեռաւորութիւնը փոքր ինչ մեղմել է բռնակալութեան պատուհասները: Ասիոյ մէջ, Եղե՛լ են, հարկաւ, այնտեղ ևս մանր-մուկ տեղական բռնակալներ—ամբողջ վոհմակը փաշաների, վալիների, գայմազաճների... Բայց նրանց բռնակալութիւնը սահմանափակ էր, նրանք Ֆէօդալ-իշխաններ չէին:

Սակայն միւս կողմից՝ ո՛րպիսի տարբերութիւն: Արեւմուտքը, այնուամենայնիւ, իր Ֆէօդալական քաօսով ու ընդհանուր անապահովութեամբ՝ շատ աւելի բարձր է, գերադասելի է մեր ասիական բթացուցիչ, անասնացնող բռնապետութիւնից: Այդպէս է եղրակացնում և Գիզո:

Այնտեղ, Արեւմուտքում, տարածութիւնը փոքրիկ լինելով վեհապետի և իր ստորադրեալ վասսալների (ճորտատէրերի) միջև՝ վերջիններս չունէին ստրկական հպատակութեան ու հնազանդութեան զգացումներ դէպի վեհապետը: Զարգանում էր նրանց մէջ—այդ աւատական, ազնւական դասակարգի մէջ—անկախութեան, անհատականութեան, մարդկային արժանապատուութեան

*) *Histoire de l'état présent de l'Empire Ottoman*. 1670 թ.

*) *Guizot, Histoire de la France*, I v.

զգացումը, որ այնպէս յատուկ է արեւմտեան ասպետական միջնադարին և որը ժամանակով, ի շարս այլ գործօնների, պիտի բանար գոնեք ժողովրդական ազատութեան:

Փնտրեցէ՛ք այդ անկախութեան ու արժանապատուութեան զգացումը Արեւելքում, Թիւրքիայում: Սադրազամից մինչև յետին գիւղացին—ամենքը, բոլոր հասակները անմուռն, գեանատարած ստրուկներն են վեհապետի, անդադար բնում են, շողորթութեւ, երկըրպագում:

«Այս կայսրութեան մէջ ստրուկներ միայն կան—ասում է նոյն Ռիկաֆտ—և հրաշք կը լինէր, եթէ գտնէր որեւէ մէկը՝ ազատութեան սէր ունեցող»...

Հեգելի խօսքը արդարանում է մասամբ — այդտեղ, արեւելեան բռնապետութեան մէջ՝ միայն «մէկն է ազատ» — միահեծան թագաւորը: Նրա ազատութիւնն ևս, սակայն, յարաբերական է... ենթակայ պալատական մշտնջենաւոր դաւերի ու ցնցումների, պարբերական մահափորձերի...

Ըմբոստացումներ լինում էին նաև Թիւրքիայում — մանաւանդ հեռաւոր նահանգների մէջ. այդպէս է վկայում Ռիկաֆտ. բայց նրանք շուտով խեղդւում էին արեան հեղեղներում, և սուլթանական ջախջախիչ գերիշխանութիւնը անփոփոխ կերպով յարատեւում էր դարերի խոր ու միապաղաղ գիշերի մէջ... Շրջապատւած փոքրամիւ կամարիլլայով, յենած զինւորական նոյնպէս փոքրամիւ լէգէօնի վրայ, նա կարողացաւ երկար դարեր կանգուն պահել ասիական «լինջ բռնապետութեան» պաշտամունքը առանց միջոցաւոր ազգաբնակչութեան մէջ:

Ապստամբութիւնը, զանգաժային ըմբոստացումը դիւրին բան էլ չէր: Մենք արդէն խօսեցինք այդ մարդկային նախիրների բարացած, աւանդապաշտ բարբերի ու սովորութիւնների մասին: Զուտ ցեղային-հոգեբանական պատճառներին աւելանում էր և տնտեսական պատճառը: Սարսափելի տուրքերը, որ դնում են մարդկանց աշխատանքի վրայ, հասցնելով նրանց ծայրագոյն աղքատութեան, անընդունակ են դարձնում այդ մարդկանց՝ ըմբոստանալու, որքան էլ շատ տանջւին նրանք... Ճիշտ է նկատում Բակօն իր «Փորձ»-երից մէկի մէջ... «Անհնարին է, որ հարկերի ծանրութեան տակ անբացող մի ժողովուրդ բաջ լինի, արիասիրտ, մի ազգ չի կարող միանգամայն լինել առիւծ և բեռի տակ հեծող էջ»...

Հուլիական անգլիացու այդ իմաստուն խորհրդածութիւնը ճիշտ է մասնաւորապէս թիւրքահայ ժողովրդի կացութեան ու հոգեբանութեան նկատմամբ՝ մինչև 1890 թվականը, մեր շարժման արշալոյսը...

Աւատականութիւնը դեռ չի թափանցում մարեց. նա յարատեւեց, կիսատ-պուտ, միայն զայստանում ու ֆիւր-

դիստանում—բրդական դէրէքէյութեան ձեռք—և մի բանի այլ գաւառներում: Ռիկաֆտի վկայութիւնը այդ մասին ևս պարզորոշ է.

«Պէտք է նկատել, որ ֆիւրդիստանը (la Curdie) նաև ճեղք յետոյ՝ ամբողջ երկիրը բաժանեց սանջակների, այն տարբերութեամբ, որ այդ սանջակների հողերը փոխանցւում էին ընտանիքներին ժառանգական իրաւունքով. զաւակները յաջորդում էին ծնողներին... մինչդեռ ուրիշ սանջակների մէջ աւատական հողատէրերը վճարում են որոշ տուրք թագաւորին և պահում ու մշակում են իրենց հողերը այն պայմանով միայն, որ ծառայեն այդ թագաւորին և ի հարկին հետևեն նրանց՝ պատերազմների ժամանակ... Քրդերը, ասում է Ռիկաֆտ, բացարձակ տէրեր են իրենց հողերի ու գոյքերի:

Ինչո՞ւ մարեց ֆէօդալական սխտեմը, ինչո՞ւ չգարգացաւ ազնւականութիւնը՝ թէ տիրապետող և թէ գրեթէ բոլոր հպատակ ցեղերի մէջ... և այդպիսով դասակարգային շերտաւորումը իր անդրանիկ և էական շրջանի մէջ առանձնայատուկ ուղղութիւն առաւ, միանգամայն տարբեր արեւմտեան էւրօպիոսի ընթացքից և օրէնքից...

Դա մի ուշագրաւ երևոյթ է և դժարալոյծ մի կնիք: Մի երևոյթ՝ որ, անտարակոյս, ունեցել է անդրադարձումներ թիւրք կայսրութեան, ապա ուրեմն և հպատակ ժողովուրդների ճակատագրի վրայ: «Ջինջ», բացարձակ միապետութիւնը կանգուն մնաց, իբրև միակ տէր հրապարակի, առանց մրցակից և հակառակորդ դասակարգերի... Զինւորականութիւնն անգամ ի վերջոյ նրա ձեռքով իսկ խորտակեց... զուտ արեւելեան մեթօդով... կոտորածով: Ինչպէ՞ս բացատրել այդ տարածմբ, ըստ երևոյթի աննօրմալ կացութիւնը, կամ — ուրիշ խօսքով — ինչպէ՞ս խափանեց նօրմալ, բնականոն էւրօպիոսը:

Եթէ կամենանք համառօտակի բանաձևել, պիտի ասենք, որ մօտաւոր պատճառները տնտեսական են, իսկ հեռաւորը՝ ցեղային-հոգեբանական:

Ազնւականութիւնը զարգանում է տնտեսական խորիսկների վրայ, իսկ նրանք վաղաժամ զարնեցին և ոչնչացան նոյն միահեծան դեսպօտի ձեռքով: Նա միակ սեփականատէրն էր կայսրութեան մէջ և չէր հանդուրժում որեւէ ուրիշին: Նա իրաւական և իրական տէրն էր երկրի անհուն գանձերի—և բոլոր հպատակները վայելում էին միայն նրա շնորհները, կարող էին ստանալ որեւէ գոյք, սեփականութիւն միմիայն նրա վեհանձն առատաձեռնութեամբ: Նա չէր թոյլ տալիս անգամ զօրաւոր, իշխանազն ստորադրեալներին՝ կտակելու իրենց վայելած հողերն ու հարստութիւնները իրենց ժառանգներին: Բռնակալի կամքը միջամտում էր ամեն պարագայում և մեռնողի գոյքերը յաճախ պարզապէս գրավում էին: Առանց ճանաչելու Մակեաւելիին, սուլթանները հարազատութեամբ կիրառել են նրա նշանաւոր հրահանգը:

Անհատների և խմբումների ամբարտաւանութիւնն ու

ըմբռնողները զուգելու համար, ամենապահանջող և անազնակ միջոցն է՝ փակել ճամբան, որով նրանք կարող են ուժ ձեռք բերել և հասնել իշխանութեան...

Հարստութիւնը ուժի և իշխանութեան աղբիւրն է. հարկ էր, ուրեմն, ցամաքեցնել այն: Եւ սուլթանը չէր տոկում, որ իրենից զատ՝ որեւէ մէկը ժառանգաբար տէր դառնայ հարստութեան:

Դիմենք դարձեալ Ռիկաֆտին.

Համարելով ինքզինքը փառանքի աւագ եղբայր, սուլթանը գրաւում էր այդ փառանքի ամբողջ գոյքը նրանց մահից յետոյ. իր քեֆի համաձայն բաժին էր հանում մեռածի զաւակներին, մնացածը իւրացնում էր... Այդ միջոցով աւերում էին մեծ գերդաստանները... Այդպէս լուծւեց ժողովների ազնականութիւնը. բազմաթիւ մեծ ընտանիքներ զրկւեցին, քայքայւեցին... Սուլթանը կործանեց ինչ անգնական սուլթանը:

Թերեւս չափազանցութիւն չէ Ռիկաֆտի վերջին ֆրազը: Եթէ Արեւմուտքում հզօր, ազդեցիկ բռնակալները երբեմն — իրենց ահեղ անհատականութեան ու հեղինակութեան ուժով — կարողացել են խորտակել ժամանակաւորապէս, անդամալուծել ամբողջ դասակարգերի բնականոն զարգացումը, ապա զարմանալի չէ, որ ստրուկ ու տիրապաշտ Արեւելքի մէջ նոյն դահճային պաշտօնը աւելի ևս յաջողութեամբ կատարել են սուլթանները... Եւ նրանք կատարել են յենաժայն կոյր, բնազդային պաշտամունքի, այն հլու, անասնական հնազանդութեան վրայ, որ տաժում են մահմեդական Արեւելքի զանգուածները դէպի խալիֆն ու Հրամանատարը... Մի հնազանդութիւն, որ գալիս է նոյն ասիական ստեպաներից, նոյն թափառական ու պատերազմիկ համակենցաղի օրերից... Մի սոսկալի, մահաշունչ կրակաբանական ուժ է, որ դարձել է ցեղի հոգեբանութեան տիրապետող յատկանիշը...

Բռնաւորը ամեն ինչ էր... անգամ տէր, հրամանատար տնտեսական գործօններին: Եւ նա մնաց այդպիսին ոչ միայն այն հեռաւոր դարաշրջանում, այլ և նոր ժամանակներում, 19-րդ դարի վերջում, երբ նորագոյն արդիւնաբերութեան և քաղաքակրթութեան Արեւ սկսել էր ծառագայթել դէպի բոլոր, անգամ հեռու-ասիական հօրիզոնները: Մենք տեսնք, թէ ինչպէս մի Արդիւ Համիդ կարողացաւ իր դիւային, կործանարար հանձնարով իր կամքին ու քմահաճոյքին ենթարկել, հպատակեցնել կայսրութեան ամբողջ կեանքի մեքանիզմը, կարողացաւ խափանել, խեղաթիւրել, այլանդակել տնտեսական գործօնները, բովանդակ զարգացումն ու առաջադիմութիւնը...

Փառանքները, ասում է Ռիկաֆտ, կրթւում էին և դաստիարակւում յայտնի ոգով, արքայական պալատի մէջ, դառնում էին մի մի հլու սպասաւոր և ապա ղըրկւում էին այլ և այլ ծայրեր կառավարելու: Ամեն միջոցի գործ էր դրւում, որպէս զի նրանք չափից աւելի բարձրանային և մանաւանդ հարստութիւն չ'աւարէին:

Ուշագրաւ են են 17-րդ դարի անգլիացի ուղևորի «տնտեսական - մատերիալիստական» մեկնութիւնները թիւրքիոյ կացութեան ծանրակշիռ իրողութիւնների վերաբերմամբ: Նա բացատրում է արեւեստի և արդիւնաշահ աշխատանքների բացակայութիւնն ևս զուտ տնտեսական պատճառներով:

Եւ ինչո՞ւ թիւրքերը չեն զարգացնում արեւստ, վաճառականութիւն, երկրագործութիւն, ինչո՞ւ նրանք չեն շինում լուսններ... Որովհետեւ գիտեն, որ իրենց չի պատկանում գոյքը, չունին ապահով ժառանգներ:

Այդ «պատճառը», տարաբախտաբար, երկրորդական է: Նա վերացաւ յետագայում և այնուամենայնիւ տիրապետող ցեղը անզօր եղաւ — մինչև օրս էլ անզօր է — զարգացնելու արեւստ, ճարտարապետութիւն, վաճառականութիւն և այլն: Աւելի խոր պատճառները կան, թագնաժ ցեղային-ժառանգական խորարմատ բնազդների մէջ, որոնց համար լուսաբանող իրողութիւններ դեռ պիտի բերենք: «Թիւրքերը արհամարհում են արեւստները, գիտութիւնը և նոյնիսկ առևտուրը, նրանց մօտ յարգի է միմիայն զինւորական պետութիւնը», ասում է նոյն Ռիկաֆտը:

Սակայն, «զինւորական համայնքը» չմնաց, հարկաւ, միանգամայն հօմօժեն, միապաղաղ: Աշխատանքի բաժանում և դասային շերտաւորումներ յայտնի չափով առաջ եկան և այդտեղ: Տարաբախտաբար, այդ շերտաւորումները չ'առաջադիմեցին ոչ խորութեամբ և ոչ լայնութեամբ: Նրանք մնացին թեթեւ, մակերեսային: Մասնաւորապէս վաճառականութիւնը, որ առաջին խոշոր փուլն է քաղաքակրթութեան էւօրիստի, որ ապրանքների փոխանակութեան հետ առաջ է բերում ժողովուրդների մէջ նաեւ մտքերի փոխանակութիւնը ու շփում — վաճառականութիւնը միշտ մի տեսակ խորթ ու օտար զբաղմունք մնաց թիւրք իշխող ցեղի համար. նա մինչև օրս էլ տակաւին իր խակ, նահապետական վիճակի մէջ է...

Դասակարգային շերտաւորումի ու խտրութիւնների դէմ-յանդիման կանգնած էր, վերջապէս, մի այլ ճնշող, կաշկանդիչ ուժ — կրօնը: Արդէն տեսնք մեր նախնեթաց յօգւածների մէջ, թէ ինչպէս Ղուրանը ինքզինքը թշնամի էր յայտարարում դասակարգային տարբերումների և բարոգում էր հաւասարութիւն հաւատացեալների մեծ գերդաստանում: Իսլամը այդպիսով մի առանձին հակառակութիւն պիտի ցոյց տար ազնականութեան ու խեղճութեան, անշուշտ, նա իր որոշ դերն ունեցաւ այդ ազնական դասակարգի վաղաժամ անդամալուծման մէջ: Նրա վրայ էր յենւում մասամբ բռնապետը, նրա տառի և հրահանգի համաձայն էր վարւում, երբ խորտակւում էր այդ դասակարգի գոյութեան խարխիւները:

Հատերին է ուրախացնում երեւոյթը: Մասնաւորապէս, թիւրք իդէօլոգները, իրենց կրօնի «համբերողութեան» փաստի հետ՝ սիրում են յիշատակել և դրւատել

ազնւականութեան չգոյութիւնը թիւրք ցեղի մէջ, Լաւ էր, թէ վատ՝ այդ չգոյութիւնը: Բարեբախտ, թէ չարաբախտ հանգամանք՝ երկրի ընդհանուր, բաղադրական և սօցիալական զարգացման համար: Ահա կնճիռ: Բակօնն ասում է. «ամեն մի պետութիւն, ուր չկայ ազնւական դասակարգ, մի զուտ բռնակալութիւն է—ինչպէս թիւրքերինը—որովհետեւ ազնւականութիւնը չափաւորում է, բարեխառնում ինքնակալութիւնը»:

Բա՛կօն լիովին իրաւացի է, եթէ ի նկատի ունի իր սեփական հայրենիքը: Անգլիական ազնւականութիւնը, յիշուի, շատ վաղաժամ, դեռ XIII դարի մէջ, կարողացաւ սանձ դնել միահեծան բռնապետութեանը, խլեց նրանից մի յայտնի սահմանադրութիւն ու ազատութիւն, որ չուկէտն եղաւ հեռււոր և բախտաւոր սահմանադրական զարգացումի:

Նոյնը, սակայն, դժւար է ասել ռուսական, սպանիական, գերմանական, աւստրիական, ունգարական և մի շարք ուրիշ երկիրների ազնւականութեան մասին, ուր նա (այդ ազնւականութիւնը) ամուր պատւարն է միապետական գահի ու ռէժիմի:

Ազնւականութիւնը գրեթէ ամենուրեք հանդիսացել է և այսօր էլ դեռ հանդիսանում է էպպէս ճնշող ու վակաբոյժ տարր: Սակայն մի հանգամանք կայ: Այդ դասակարգի մի խոշոր, պատմական ծառայութիւնը կայ, որ անկարելի է ժխտել: Գրեթէ ամեն տեղ նա զօրաւոր խթան է եղել մտաւոր գործունէութեան, գրադարանութեան և գիտութեան, գեղարւեստի և փիլիսոփայութեան: Մտաւոր մարզանքները շատ թէ քիչ բարգաւաճել են միմիայն այն երկիրների ու հասարակութիւնների մէջ, ուր եղել է բարեկեցիկ մի դասական դպրոց, ազատ առօրեայ նիւթական կեանքի մտահոգութիւններից: Եւ այդ դասակարգը եղել է ազնւականութիւնը (նոյն պաշտօնը կատարել է մասամբ կղերը):

Դժւար է պնդել, իհարկէ, որ թիւրքական ազնւականութիւնն ևս—եթէ նա ճշգրտաբար սուլթանների անձնիշխանութեան ճիրաններից և կանգուն մնար արեւմտեանի պէս, իբրեւ անկախ ու բարեկեցիկ դասակարգ—դժւար է ասել, թէ նա կը նւիրէր իր ազատ ժամանակն ու միջոցները մտաւոր, գեղարւեստական, կուլտուրական մարզանքների, կրթողիչ թիւրք իմացական բաղադրութիւն, կը չափաւորէր նաև միահեծան իշխանութիւնը... Դժւար է ենթադրել այդ բոլորը, քանի որ այնքա՛ն ձախորդ, աննպաստ են ցեղի զարգացման ու առաջադիմութեան ընդհանուր պայմանները: Կորով, տոկունութիւն, յարատեւութիւն աշխատանքի մէջ—ահա թէ որոնք են բաղադրութեան ու առաջադիմութեան մեծագոյն խթանները: Միջավայրը զօրաւոր է և ազդեցիկ, անտարակոյս, և ոչ մի ազգ չի քաղաքակրթւել ինքնիրեն,

իր սոսկական ուժերով, առանց մղումն ստանալու շրջապատող միջավայրից: Սակայն, մարդկային գիտակցական, նպատակաւոր ճիգն է, մարդկային ստեղծագործ ու յեղափոխիչ ուժն է, որ յարաճուն կոհակներով առաջ է մղում պատմութեան անիւը, փոփոխում է միջավայրը, հակազդում է բնութեան կոյր ուժերի դէմ, չահագործում նիւթն ու ուժը, հում բերքերը, զարգացնում է գիտութիւնը և դրանով իսկ յաղթահարում տարերքները, աճեցնում, բազմապատկում նիւթական և իմացական գանձերը... Մինչդեռ բնական, տարերային ազդակները մնում են ընդհանրապէս անփոփոխ, միօրինակ: Առանց այդ գիտակցական հակազդեցութեան, չկայ մշակոյթ, քաղաքակրթութիւն. իսկ այդ արգասաւոր հակազդեցութիւնը, այդ համբերատար և կանոնաւոր աշխատանքը, այդ տոկուն ու յարատեւ ճիգը, եռանդը չեն մանում տիրապետող ռազմիկ-ցեղի հիմնական առաքինութիւնների մէջ, չեն հաշտւում այդ ցեղի իշխողական, հրամայողական խառնածքի հետ: Ահա թէ ինչու, դժւար թէ նա շատ թէ քիչ զգալի ուսիւններ անէր կուլտուրական արժէքների ասպարէզում—գրականութեան, փիլիսոփայութեան, արւեստի, ճարտարապետութեան ևայլն—եթէ ա՛նգամ զարգանար թիւրքական արիստօկրատիա, «բարեկեցիկ ազատների» դասակարգ: Խիստ տեղին ու բնորոշ է թուում Ռիկաֆտի վերոյիշեալ յայտարարութիւնը. «թիւրքերը արհամարհում են արեւստները, գիտութիւնը և նոյնիսկ առևտուրը. նրանց մօտ յարգի է միայն զինւորական պետութիւնը»...

Յամենայն դէպս, կարելի է ապահովաբար ասել այն՝ որ ազնւականութեան կաշկանդումը, ինչպէս նաև առհասարակ դասակարգային շերտաւորման թոյլ ու դանդաղ բնոյթը եղել են միշտ պերճախօս յայտարար, որոշ չափով նոյնիսկ պատճառ (աւելի ճիշտ՝ պայման) իշխող ցեղի անշարժութեան, նրա մտաւոր, բաղադրական անօրինակ յետամնացութեան: Առանց այն էլ՝ ցեղը ամուլ էր թէ նիւթական և թէ իմացական արժէքների տեսակէտից. պետութիւնը և կրօնը եկան աւելի ուժ տալու այդ ամուլութեան:

Ասացինք—«անօրինակ»: Եւ դա հազիւ թէ չափազանցութիւն է: Բնութիւնը, ինչպէս տեսանք իր բազմապիսի, խայտաբղէտ միջավայրով և մանաւանդ բերրի, մշակելի հողերով ուժգին խթան է եղել իր մէջ ապրող ժողովուրդների բաղադրական առաջադիմութեան: Յայտնի է նաև, որ նոյն բաղադրութեան առաջախաղաց հոսանքին մեծապէս նպաստում է բառանքի, ցեղերի խառնուրդը: Թիւրքերը առատօրէն պարգեւատրւած էին միջավայրի այդ անհրաժեշտ բարիքներով, երկար դարեր նրանք ապրեցին աշխարհագրական խիստ նպաստաւոր դիրքերի մէջ. երկար դարեր նրանք խառնեցին իրենց հպատակ ցեղերի հետ և նրանց նախնի բա-

սային-մարդաբանական տիպարը ահագին փոփոխութիւն կրեց... Այդքան բարեյաջող պայմաններում նրանց այսօր-ւան յետամնացութիւնը յիշատի ապշեցուցիչ է, անօրինակ:

Ցեղական - ժառանգական դէտերմինիզմ... Անդրիմադրելի *fatalité*, ճակատագրականութիւն... Ընդունել արդեօք վայսմանի հետ, որ ցեղի առաջին կորիզը, այն նախնական սաղմանութիւնը, որ կազմել է անդրագոյն, անյիշատակ դարերի մէջ, գոյամարտի յորձանուտ ալիքներում—ընդունել արդեօք՝ որ, յիշատի, այդ խորհրդաւոր սաղմանութիւնը մի ցեղի մէջ յաւերժօրէն փոխանցւում է սերնդէ-սերունդ, առանց կրելու էական, շօշափելի փոփոխութիւններ ժամանակի անծայրածիր հոսանքում, առանց մասնելու ցեղի սկզբնական և հիմնական բնոյթը, նկարագրը նոր կացութեանց ու պայմանների խեղաթիւրիչ ազդեցութեան...

Ընդունել արդեօք Լեոտերնօի և մի շարք ուրիշ սօցիոլոգ-մարդաբանների հետ՝ որ ցեղային համախմբումները խորապէս անհասար են, որ կայ ցեղերի երարութիւն (hierarchie), ոմանք օժտւած աւելի, ուրիշները նազ չափով, ոմանք կոշւած բարձրանալու քաղաքակրթութեան սանդղակի մանաւանդ աստիճանները, ուրիշները դատապարտւած դեգրելու յետամնաց վիճակի մէջ, պիրամիդի ստորոտներում, առանց ուրոյն ստեղծագործող աշխատանք ցուցադրելու, առանց իսկ կարողանալու ընդօրինակել, մարսել աւելի բարձր ազգերի առաջադիմութեան արգասիքները...

Պատասխանել վճռականօրէն—անհնարին է: Այսպէս թէ այնպէս, սօցիոլոգիայի, ընկերաբանութեան ամենաուշագրաւ նիւթերից մինն է այդ եզակի երեւոյթը, թիւրքերի ու թաթարների այդ վիթխարի զանգւածները, որ հազարաւոր տարիների իրենց գոյութեան ու արշաւների ընթացքում ոչ մի անգամ, ոչ մի տեղ չկարողացան խարխիւ ձգել ճշմարիտ քաղաքակրթութեան, ընդհակառակը՝ ձիերի սմբակների տակ բնաջինջ արին քաղաքակրթական ամբողջ սիստեմներ, ցամաքեցրին ստեղծագործող աշխատանքի անհամար աղբիւրներ...

Եւ թուում է, թէ այսօր, օսմանեան սահմանադրութեան բառամեայ փորձից յետոյ, ընկերաբանական այդ կնճիռը աւելի ևս սուր ու ցաւոտ այժմեութիւն է ստանում... Հանդէպ այն յոռի, բացասական մտայնութեան, հանդէպ այն անդարմանելիօրէն անձուկ ոգու և իներա ու ապիկար ընթացքի՝ որ մասնում է ամիրապետող ցեղի տիրապետող կուսակցութիւնը,—մի մարմին, որ ներկայացնում է ցեղի ամբողջ, գրեթէ ամբողջ գաղափարական ու առաջադիմական հիւթը, որ եկել էր զարմացնելու աշխարհը արեւմտեան գաղափարների մեծաշունդ ցուցադրութեամբ, և որ սակայն... միշտ աւելի և աւելի խորացնում է անդունդը իր և այդ գաղափարների միջև, միշտ աւելի սուզւում է նոյն գորշ, յետա-

խաղաց, ասիական ռուտինի մէջ, որ իր ծնող զանգւածի դարաւոր, անփառունակ սեփականութիւնն է...

Ազգերը քաղաքակրթւում են՝ ինքնորոշմամբ ըստ եզրագոյնի և կամ թէ այլոց մտքի արդիւնքներն ընդօրինակելով, մարսելով: Այստեղ—ոչ մէկը և ոչ միւսը: Մինը իսպառ բացակայում է, միւսը կաղում է չարաչար: Դիմենք դարձեալ հեղինակաւոր և օտար վկայութեանց:

„Գրեթէ բոլոր արեւստները մանկութեան մէջ են նրանց մօտ, կամ միանգամայն անծանօթ են“, —ասում է մի նշանաւոր ֆրանսիացի տուրիստ Օլիվիէ, որ ճանապարհորդել է եւրոպական Թիւրքիոյ մէջ, XIX դարի սկզբում:

Վաղուց ի վեր եւրոպացիք և մանաւանդ ֆրանսիացիք փորձել են սովորեցնել նրանց (թիւրքերին) մի քանի օգտակար արեւստներ. բայց արդիւնքը քիչ բան է եղել, վասն զի ազգային գոռոզութիւնը, տգիտութիւնն ու մոլեռանդութիւնը արգելք են լինում: Ֆրանսիացիք են սովորեցրել նրանց՝ նաւեր, հրացաններ ու սէիններ շինել, երկաթ մշակել և սապօն պատրաստել *):

Նպաստաւոր կարծիք չունի թիւրքերի ստեղծագործական եռանդի մասին նաեւ գերմանացի հռչակաւոր արեւելագետը, ֆօն Համմեր, որ 30 տարի ուսումնասիրել է Թիւրքիան և որի անաչառ աշխատութիւնը դեռ այսօր ևս ամենահեղինակաւոր աղբիւրն է այդ նիւթի նկատմամբ:

Թաթարական ծագում ունենալով, նրանք (օսմանցիք) դեռ պահպանել են ստեպների կեանքի հետքերը, որ հինգ դարու քաղաքակրթութիւնը չկարողացաւ ջնջել: Բնութիւնը օժտել է նրանց խելքով և սրտով, բայց մերժել է տալ ճաշակ և ընդունակութիւն արեւստի համար: Մինչև իսկ արաբ ու պարսիկ բանաստեղծների լաւագոյն երկերը, ընկնելով թիւրքերի ձեռքը, խոշնամ են կամ տալիս են օտարօտի վիժմունքներ: Թիւրքերը պարզ են, ուղղամիտ, չափաւոր, հաւատարիմ, երախտագէտ, բայց բիրտ են, տգէտ, շահասէր և ծոյլ: Նրանց մէջ նօմադի լաւ յատկութիւնները միացած են կիսաքաղաքակրթութեան կասկածելի արդիւնքների հետ: Ընդհանրապէս, նրանք բարի են. վատ են միայն պաշտօնական շրջաններին պատկանող անձինք, որոնց փճացնում է կառավարութիւնը:

Ահա մի այլ հինաւորաց հեղինակութիւն—անգլիացի Համիլտօն— որ նոյնպէս երկար տարիներ պատել և ուսումնասիրել է Արեւելքը:

Ես կըսկսեմ նրանց (թիւրքերի) լաւ յատկութիւններից: Հիւրասէր են բառի ճշգրիտ իմաստով. առհասարակ կարեկցոտ են և յաճախ վեհանձն: Ստորին դասը ընդհանրապէս ազնիւ է և ես այդ համարում եմ նրա մեծագոյն արժանիքը: Բայց այդ առաքինութիւնը յատուկ չէ բարձր դասակարգին... Միւս կողմից նրանք բոլորը տգէտ են, կասկածոտ, ցուցամոյ և կեղծարար, հպարտ և առանց պատւի զգացման, շողորթութիւնը համեստութեան... Պետական ու վարչական գործերում՝ բռնակալ են, կրօնի մէջ՝ դօգմապաշտ և անհամբերող: Իրենց սեփական պատմութեանը նոյնքան անծանօթ են, որքան և ուրիշ ազգերի պատմութեանը. այդ հանգամանքը նկատելի է անգամ լաւագոյն կրթու-

*) Olivier, Voyage dans l'Empire Ottoman, 1801—1807 թ. I հատ. էջ. 26—27:

Թեան տէր անհատներին մօտ: Նրանց առաքինութիւնները— վայրենիի առաքինութիւններ են *)...

Երկու անաչառ և իրազեկ գնահատողների շեշտած պակասութիւնները մեծ մասամբ դիտելի են նաև բրիտոնեայ ու այլ ցեղերի մէջ. մենք կուզէինք այդ հեղինակաւոր բնորոշումների մէջ վեր հանել միայն մի բանի կէտեր, որ խոշոր չափով յատուկ են Թիւրքերին. դժուար անհոգ, անհամբերող, զինւած լոկ վայրենութեան առաքինութիւններով. ահա թէ ինչ է ասում լաւատեղեակ, շիտակ, անկողնապահ պատմագիրը. և նոյնը կրկնում են բազմաթիւ այլ հեղինակաւոր բերաններ, սկսած այն օրից, երբ «Հիւանդ թարգմ» դարձել է արիւնոտ կուլաններ միջազգային ատորժակների և մրցութիւնների կրկեսում...

Չափազանց յառկանշական են Օլիվիէի հետեւեալ տողերը.

Նրանք վայելում են ամենուրեք տնկեցների, վարձակալների անփութութեամբ (*ils jouissent partout avec l'insouciance des locataires*). քանզում են ամեն ինչ և երբեք չեն շտկում:

«Քանզում են—չեն շտկում»... Այդպէս է վկայում և գերմանական մեծահամբաւ զօրավարը—Մօլտկէ, իր «Թիւրքական նամակներ»-ում (1835—1839 թ.):

Վարձակալի հոգեբանութիւնը երևան է գալիս և քաղաքն երոսւմ, որոնք ի տեղի չէննալու և բարգաւաճելու՝ ամայնում են ու խորասուզում աւերակների փոշու մէջ... Գեներալ Մօլտկէն գրում է Կօնստանդուպոլիսի մէջ իր արած պտոյտի առթիւ.

Թիւրքական քաղաքները առհասարակ ամայնութեան կերպարանք ունին, բայց ոչ մէկը այնքան ամայի չէ, ինչպէս Կօնստանդուպոլիսը: Աւերումներ կատարել է ոչ այնքան ժամանակը, որքան մարդկային ձեռքը... Մահմեդականները վերածել են եկեղեցիները մզկիթների և հէնց այդ մզկիթները այսօր ընկած են աւերակների մէջ: Մի բարձր ու լայնարձակ պահուսպ հարկաւոր աշտարակներով ընդգրկում է ամայի մի դաշտ, ուր թափւած են մի քանի փլատակներ... Թիւրքական մի խոշոր արձանագրութիւն իւրաքանչիւր աշտարակի վրայ վկայում է այցելուին, թէ ովքեր են այդ աւերածը նիւթող բարբարոսները **):

Աւելի փայլուն և նախանձելի վիճակի մէջ է և մայրաքաղաք—Պօլսը՝ XX դարում Բալական է մի փոքրիկ պտոյտ, մի թեթեւ ակնարկ՝ տեսնելու համար աւերածի և անշարժութեան այդ աւանգական ոգին...

Ահա թէ ինչպէս է նկարագրում Օլիվիէ՝ իշխող ցեղի աւերիչ աշխատանքը՝ Կրեմլի մէջ, անցեալ դարու սկզբներում.

Նրանց (բրիտոնեաների) հունձքը շարունակ յափշտակում է աղան (թիւրք կառավարիչը), սեփականութիւնը գրաւում է փաշան, մինչդեռ ենիչեթիները մշտապէս անարգում են ու ծեծում դազանակով... Եւ այդ բոլորը շարունակ տեսնելով ու ապրելով՝ յոյն երկրագործները բնականաբար չունին եռանդ, ցանկութիւն՝ զարկ տալու արգինադործու-

*) Քաղ. Լիտտւ-Բօյի ռուսերէն աշխատութիւնից. «Ուղեւորութիւն եւրոպական և ասիական Թիւրքիայ մէջ», 1878 թ. էջ 323—324.

**) Moltke, Briefe aus der Türkei, 7-րդ հրատ., էջ 336.

Թեան, հողը մշակելու... քանի որ արդիւնքը պիտի անցնէ իրենց ատելի տարրի ձեռքը... Նրանց վաշտերը աւերում են օրէցօր, ձիթէնին փճանում է, խաղողը կործանւում... Յոյները վհատւած, չեն էլ աշխատում շտկել, բարուրել: Ճարտարաբանստը գրեթէ զերօ է աղաների հսկողութեանը ենթակայ յոյն գիւղերի մէջ: Դողալով, նրանք հագիւ կարողանում են գործել մի քանի կոշտ պատառներ... Երբ կանայք նոր զգեստ են հագնում, սովորաբար խոյս են տալիս վառ գոյներից, վախենալով, թէ ստիկանապետը կամ մի այլ թիւրք կը խլէ և նոյնիսկ կ'անարգէ կնոջ:

Թիւրք գիւղերի մէջ... մշակողները ապահով են, երկիւղ չունին, տուրքերն էլ աւելի թեթեւ են... Եւ այնուամենայնիւ, ոչ երկրագործութիւնը, ոչ էլ ճարտարաբանստը չեն դարգանում նրանց (թիւրք շինականների) մօտ:

Կարծես թէ ծոյլ ու տնշուշտ ձիապիծակների պէս, նրանք եկել հաստատուել են օտար հողի վրայ, որպէս զի միայն ուտեն, սպառեն—առանց ծիգի և հոգսի—այն բարիքները, որ ուրիշներ իրենց աշխատանքով վաստակում են հողից կամ թէ իրենց ճարտարաբանստով ստանում են դրոյից:

Այդ օտարականների (թիւրքերի) բնաւորութիւնը այն աստիճան շեշտւած է, որ նրանք նային են կայսրութեան բոլոր կողմերում... Սակայն Պօլսի և ծովեզերեայ զլխաւոր քաղաքների մէջ՝ նրանք ընդհանրապէս փոքր ինչ աւելի մեղմ են, փոքր ինչ աւելի կրթւած, քան ներքին նահանգներում:

Վերին աստիճանի աննպաստ կարծիքներու եթէ այդպէս էր կացութիւնը եւրոպական Թիւրքիայի մէջ, ուր իշխող տարրի բարքերը համեմատաբար մեղմ էին, ապա կարելի է մօտաւորապէս երեւակայել Անատօլի, Հայաստանի վիճակը...

Եւ այդ մռայլ, յոռետես կարծիքների արձագանքն էր Գրիգոր Արծրունին, երբ նա Թիֆլիսի իր նշանաւոր հրապարակային դասախօսութեան մէջ (1879 թ.) յայտարարում էր, փոքր ինչ աւելի խառնելով գոյները.

«Թիւրքը մի պարապ, անհոգ և անօգուտ կերպով սպառող էակ է... Նա ապրում է հայերի հաշիւն»... «Հայը — այդ ասիական եւրոպացին—չի փճացնում բնական հարստութիւնները, ինչպէս անում են միւս ասիացիք (թիւրքը, քիւրդը), այլ նորոգում է բնութեան ուժերը» *):

Այդ նոյն կարծիքն է (թիւրքերի տնտեսական յետամնացութեան և աւերիչ հակումների մասին), որ այսօր խառնել է մի ընդհանուր ու ծանօթ բառի մէջ — «Pascharwirtschaft» (փաշայական տնտեսութիւն) — մի տնարգական բառ, որով արեւմտեան ժամանակակից տնտեսագիտութիւնը բնորոշում է քաղաքական և սօցիալական ամեն մի սիստեմ, որ հիմնւած է կամայականութեան, թալանի և աւերածի վրայ...

Այդ աղէտաւոր սիստեմն է, որ միացած կրօնական խորունկ անհամբերողութեան և բարոյական սոսկալի հարւածների ու անարգանքների հետ՝ ծնունդ տւեց XIX դարի ընթացքում թիւրքահպատակ բրիտանեայ ազգերի մէջ ապստամբական շարժումների երկայնաձիգ և արիւնոտ շարանը...

*) Քաղում ենք գերմ. թարգմանութիւնից. «Die ökonomische Lage der Armenier in Türkei».

ՄԱՍՈՒԼԸ ԵՓՐԵՍԻ ՄԱՍԻՆ

„Times“ երկարորէն կանգ է առնում Եփրեմի անձնաւորութեան վրայ, համարում է նրան Պարսկաստանի անցեալ յիշատակը:

Այլ և այլ ժամանակներ—ասում է լոնդոնեան մեծ օրգանի թղթադիրը—ես հանդիպել եմ Բարիս Սարաֆովին, Սանդանակին, Սաթթար խանին և ուրիշ ռազմավարների: Եփրեմը բոլորի մէջ ամենաբաշխ է և ամենահրապուրիչը, իր պարզութեամբ և անկեղծութեամբ:

Մի տխուր թիւրիմացութեամբ՝ լրագիրը Եփրեմի մահւան պատճառ է համարում հանգուցեալի ընկերներին: Յիշատակում է „Դաշնակցութիւնը“ և նրա ժընէվեան կոմիտէն: Նոյն թիւրիմացութիւնը և նոյն անունները կրկնում է Քրանկֆուրտի մեծ լրագիրը: Այդ առթիւ խմբագրութիւնն անմիջապէս մանրամասն հերքում լրկեց վերոյիշեալ թերթերին *): Վերջապէս, ինքը հեռագրական գործակալութիւնը եկաւ հերքելու այդ ակամայ և անհեթեթ մեղադրանքը, հաղորդելով ռազմիկի մահւան ճշմարիտ պարագաները:

„Frankfurter Zeitung“, 21 մայիս.

Այն բոլոր դժբախտութիւններին, որոնց վերջին տարիներս ենթարկւեց Պարսկաստանը, մէկն ևս աւելացաւ: Եփրեմը, ամենագործօն, ամենաձեռնհաս անձնաւորութիւնը, որ նեցուկն էր պարսից կառավարութեան, սպանեց. Սալար Դոփլէի յաղթական արշաւի դէմ իբրեւ վերջին միջոց՝ զրկեցին Եփրեմին, որը անցեալ ամառը մի քանի անգամ ջարդել էր և յետ մղել թեհրան դիմող նախկին շահին: Եւ նա արդարացրեց իրեն վրայ դրած յոյսերը, սակայն մարդասպանի ձեռքը զրկեց Պարսկաստանը այդ վերջին ռազմիկից ևս, որը—նշանակալի հանգամանք է այդ—պարսիկ չէր, այլ քրիստոնեայ հայ: Իբրեւ ստիկանապետ՝ նա կարողացաւ մեծ կորուսով կարգ ու անդորրութիւն սահմանել թեհրանում: Երբ նրան կոչում էին պատերազմի գաշտ, նա միշտ պատրաստուում էր հապշտապ, արագօրէն: Ինտելիգենտ և շրջապէսաց առաջնորդ էր, որ օժտել էր իր գնդերը նորագոյն զինաւորութեամբ ու կարգապահութեամբ: Պարսից կառավարութիւնը չունի իր տրամադրութեան տակ մի ուրիշ սուր, որ կարողանայ իր հմտութեամբ ու հաւատարմութեամբ չափել Եփրեմի հետ: Նրա մահը Պարսկաստանի համար անփոխարինելի կորուստ է: Դժուար թէ այլ ևս գտնել մի ուրիշը, որ կարողանայ թուով գնել Սալար Դոփլէի յառաջնադաս արշաւի առջև: Եփրեմի մահով ոչնչացաւ Պարսկաստանի համար և վերջին հնարաւորութիւնը՝ նորէն վերակազմելու և գէթ ժամանակաւորապէս դիմադրելու Ռուսաստանի արշաւանքին:

„Vossische Zeitung“, 25 մայիս.

Ամբողջ պարսից ժողովուրդը սուգ է հագել իր հերոսի մահւան առթիւ, որ անգնահատելի ծառայութիւններ է մատուցել Ազատութեան և Սահմանադրութեան: Պարսիկները պատւաւոր տեղ կը տան նրան՝ իրենց մեծ մարդկանց շարքում: Նրա անունը յաւէտ կ'ապրի Պարսկաստանի պատմութեան մէջ:

„Le Siècle“, 23 մայիս. Ժան Հերբետ, թերթի խմբագրապետը, որ իր արեւելեան պտոյտի միջոցին տեսնել է Եփրեմի հետ, մեծ ոգեւորութեամբ է խօսում նրա զինուորական կարողութիւնների մասին:

Ով որ անձամբ ճանաչել է Եփրեմին, ով որ տեսել է, թէ որպիսի տեղ է գրաւել նա նորագոյն Պարսկաստանում, կը

*) „Times“—ի խմբագրապետը վերջին պահուն, մի նամակով, ուղղւած մեր խմբագրութեան, բացատրում է, որ այդ ակամայ սխալին տեղիք է տւել թեհրանի իր թղթակիցը:

հասկանայ անմիջապէս այն անշտիկի կորուստը, որ նրա մահով կրում է խաղաղութեան դատը պարսկական արեւելքում: Մօտ 45 տարեկան, իր կորովի գլխով և յաղթ իրանով նման մեր Օվերնի լեռնականներին, օժտւած առասպելական քաջութեամբ և մի հռչակով, որ կրկնապատկում է այդ քաջութեան արգիւնքը, Եփրեմը իրականացրել է մի հրաշք—նա դարձել է ազգային հերոս իսլամական Պարսկաստանում, մինչդեռ ինքը ոչ պարսիկ է և ոչ իսկ մահմեդական, այլ հայ է, քրիստոնեայ:

Ապա գծելով Եփրեմեան յաղթանակների շարանը՝ Հերբետ ասում է.

Լուի և շարունակ աշխատանքի վրայ, չնայեա՞ծ անողորհ հիւանդութեան, նա կենդանի ապացոյց էր, թէ ինչ կարող է անել մի հատիկ մարդ՝ փոխելու համար մէկ ազգի ճակատագիրը: Եթէ իր հայկական ծագումը չզաղապարտէր իրեն ընդերքի, վերապահ դիրքի և եթէ անգլու-ռուսական քաղաքականութիւնը չ'անդամաւորէր երկիրը վերածնող ստեբեր, Եփրեմը կը գտնար իր տեսակի մի կրօնական կամ մի բռնապետ: Ով որ տեսել է մի քանի տարի առաջ Եփրեմին, Ռուսիայից արտաքուստ, վարպետ-բարտաշի արհեստով էնգելիում, իր օրական պարէնը հագիւ հագիւ վաւտակելիս—դժուար կը հաւատար իր աչքերին:

Նա այլ ևս չի վերադառնայ թեհրան յաղթական կամարների տակից և չի գտնի իր քաջարի ամուսնուն, որ այնքան հպարտ էր նրանով...

Նման ներբողներ՝ բազմաթիւ ուրիշ թերթերում, մասնաւորապէս ռուս մամուլի մէջ:

Խորին վշտով իմացանք մեր ընկեր Տիւրան Միւնասեանի մահը, որ տեղի է ունեցել Ֆիլիպպէի մէջ: Կենսագրականը—յաջորդով:

Լ ՈՒՐԵՐ

Խտալական և տեղական սօցիալիստ կազմակերպութիւնների նախաձեռնութեամբ՝ գումարեց ծրնէվի մէջ բազմամարդ միտինգ, բողոքելու համար փոքրիկեան պատերազմի դէմ: Հրաւիրւած էր մասնակցելու և Հ. Յ. Դաշնակցութիւնը: Խտալացի հռետորներն էին՝ Դե Սմիթի և Դե Ֆալկո: Ունկնդիրները մեծ մասամբ իտալացիներ էին. նաեւ բազմաթիւ տեղացի, ռուս, բուլղար, հայ, վրացի, թիւրք ու այլ ռուսաւորներ: Խօսք տրեց ամենից առաջ „Դոշակ“ի խմբագրութեան ներկայացուցիչն, որ ֆրանսերէն և ապա իտալերէն բացատրեց ներկայ պատերազմի ծագումն ու էութիւնը, իտալական բուրժուազիայի ընդառնող ախորժակները, օսմանեան կառավարութեան յուր վարչութիւնը, ծանրացաւ թիւրքի առդի կացութեան վրայ և մեղադրեց յայտարարեց Երիտասարդ-Թիւրքիայի իշխող կուսակցութիւնը, որ միահեծան բռնապետութեան շէնքը կործանելուց յետոյ, բացարձակապէս անընդունակ է յայտնուում վերաշինու թեհրան գործի մէջ և ազգերին մշտնջենապէս գրգռելով իր տարամբոժ, պանթիւրքական քաղաքականութեամբ, յարուցանում է շարունակական դժգոհութիւն ու խռովութիւններ երկրի մէջ և տեղի տալիս արտաքին միջամտութիւնների:

Վերստին յիշեցնում ենք, որ „Դոշակ“ը պիտի ղրկվի այսուհետեւ միւսիայն կամոմաւոր բաժանորդներին:

Ներկայ համարը ուսացաւ, խմբագրւեց և տպագրուեց Կոստանտինուպոլիսում: